

之進拔大行城新唐書○夏四月丙辰彗星見于五車許敬宗奏曰彗見東

北高麗將滅之兆也○八月辛酉列道總管右武衛將軍劉仁願坐征高

麗逗留流姚州並鑑治通資○李勣既拔大行城契苾何力薛仁貴等皆與勣

會鴨綠水高麗拒戰勣等奮擊大破之追奔二百餘里拔辱夷城諸城遁

逃降者相繼何力引蕃漢軍五十萬先臨平壤勣軍繼至共圍平壤凡七

月按通鑑作月餘九月癸巳高麗王藏遣泉男產率首領百人按通鑑作九十八人樹素幡降

且請入朝勣以禮見而男建猶固守出戰數北大將浮屠誠信遣諜約內

應經五日信誠果開門勣縱兵入登城鼓譟燒城門樓四面火起男建窘

急自刺不死執藏男建等詔勣便道獻俘昭陵凱而還十二月丁巳帝坐

含元殿引見勣等數俘于庭以藏素脅制政不由已赦為司平太常伯員

外同正男產先降授司宰少卿男建配流黔州百濟王扶餘隆流嶺外以

獻誠為司衛卿信誠為銀青光祿大夫男生以鄉導有功授右衛大將軍

封下國公特進如故勣兼太子太師何力行左衛大將軍仁貴威衛大將

軍高麗國舊分為五部有城百七十六戶六十九萬七千乃分其地置都

督府九四十二州○資治通鑑注新州遼州哥勿州衛樂州舍利州

州存於志者南蘇蓋牟代那倉岩磨米積利黎山縣一百又置安東都護

延津木底安市諸北識利拂坦拜漢十四州而已府以統之擢其酋渠有功者授都督刺史及縣令與華官參理百姓乃遣

左武衛將軍薛仁貴總兵二萬人與劉仁軌於平壤留守仍授仁貴兼檢

校安東都護移理新城撫恤孤老有幹能者隨才任使忠孝節義咸加旌

表高麗士眾莫不欣然慕化是歲郊祭以高麗平謝成于天新唐書及舊唐書

二年夏四月高麗之民多離叛者敕徙高麗戶三萬八千二百於江淮之

南及山南京西諸州空曠之地留其貧弱者使守安東資治通鑑

咸亨元年四月高麗大長鉗牟岑按通鑑作劔牟岑率眾叛立藏外孫安舜為王

詔左監門衛大將軍高侃為東州道行軍總管右領軍衛大將軍李謹行

為燕山道行軍總管以討之遣司平太常伯楊昉綏納亡餘殛殺鉗牟岑

走新羅新唐書

高麗自三國以來。見于史者。句麗其國號。高其姓也。隋去句字。故自唐以來。止稱高麗。五代史記後唐同光元年。韓申來。其王尙姓高。則自三國至五代。止傳一姓。長興中。始稱權知國事王建。王氏代高。當在同光長興之際。而史失其傳。石林燕語

按句麗之亡。在於唐顯慶元年。史稱永淳垂拱之後。高氏君長已絕。則不得更通中國矣。王氏之興。在後梁貞明四年。韓申亦王氏之使也。葉少蘊只信句麗之姓高。不考王氏之已興。謂其王尙姓高者。誤矣。

海東釋史卷第八終

海東釋史卷第九

世紀九

百濟

鎮書謹按東史百濟始祖溫祚。自高句麗南奔。以漢成帝鴻嘉三年立國於漢南。初號十濟。復改百濟。臣服於馬韓。後併馬韓諸國。遂為海東盛國。至文周王初年。宋蒼梧王移都於今公州。聖王十六年。武梁帝大同三年。又移於扶餘縣。

百濟者。其先馬韓。五十四國。百濟即其一也。後漸强大。兼諸小國。梁書○一本作伯濟。後漢書三韓七十八國。伯濟是其一。國焉。魏志馬韓五十四國。其一曰伯濟。

百濟之先。夫餘東明之後。有仇台者。篤於仁信。始立其國於帶方故地。漢遼東太守公孫度以女妻之。漸以昌盛為東夷強國。初以百家濟海。因號百濟。歷十餘代。代臣中國。隋書○後周書百濟其先蓋馬韓之屬國。夫餘之後。別種有仇台者。始國於帶方。

百濟自魏朝貢。歷代不絕。晉以後吞併諸國。據有馬韓故地。自晉代受蕃爵。文獻通考

晉簡文帝咸安二年。近肖古王春正月。百濟王遣使貢方物。○六月遣使

拜百濟王餘句為鎮東將軍領樂浪太守。並晉書○謹案百濟史自溫祚

孝武帝太元中。太元元年近王須遣使獻生口。宋書○按日本紀百濟仇

王首王十一年。辰斯王夏四月。以百濟王世子餘暉為使持節都督鎮東將軍百

濟王。晉書安帝義熙十二年。腆支王以百濟王餘映。按餘映通考作餘腆當是腆為

使持節都督百濟諸軍事鎮東將軍百濟王。宋書

宋高祖永初元年。腆支王秋七月甲辰。詔鎮東將軍百濟王夫餘映進號

鎮東大將軍持節都督王公如故。上同

少帝景平二年。久爾辛映遣長史張威詣闕貢獻。上同

文帝元嘉二年。久爾辛詔遣謁者閻邱恩子副謁者丁敬子等宣旨慰勞

其後每歲遣使奉表獻方物。上同

七年。毗有王王餘毗復修職貢。以映爵號授之。上同

二十七年。毗有王二毗上書獻方物。私假臺使馮野夫西河太守表求易

林式占腰弩。太祖並與之。毗死子慶代立。上同

世祖太明元年。蓋鹵王遣使求除授。詔許。上同

二年。蓋鹵王慶復遣使上表。願聽賜除右賢王餘紀等十一人。上同

魏孝文帝延興二年。蓋鹵王八月丙辰。王餘慶始遣使上表曰。謹遣私署

冠軍將軍駙馬都尉弗斯侯長史餘禮龍驤將軍帶方太守司馬張茂等。

投舫波阻。搜徑立津。又云臣與高句麗源出夫餘。先世之時。篤崇舊款。其

祖釗輕廢鄰好。陵踐臣境。臣祖須整旅馳擊。梟斬釗首。自爾已來。構怨連

禍三十餘載。若遣一將來救臣國。表詳見顯祖以其僻遠冒險朝獻。禮遇

優厚。遣使者邵安與其使俱還。詔文志見藝賜慶雜物。又詔高句麗王璉護

送安等。安等至高句麗。璉稱昔與餘慶有讎。不令東過。安等於是皆還。乃下詔切責之。後魏書

五年。蓋鹵王二年使安等從東萊浮海。賜餘慶璽書。褒其誠節。安等至海濱

遇風飄蕩。竟不達而還。後魏書○慶死。子牟都立。梁書

南齊高祖建元元年。三年王牟都遣使貢獻。詔曰。牟都世藩東表。守職

遐外。可授持節都督百濟諸軍事。鎮東大將軍。都死。立子牟大。南史○按

無牟都之名。且南齊書永明八年。策牟大襲亡祖牟都。為王據南史。則牟都子牟大。據齊書。則牟都孫牟大。相牴牾。姑記以俟。

武帝永明八年。牟大又表曰。臣所遣長史高達。司馬楊茂。參軍會邁等三

人。伏願天監特愍除正。詳見藝文志詔可。並賜軍號。除太守。為使持節都督百

濟諸軍事。鎮東大將軍。使兼謁者。僕射。孫副。策命大襲亡祖。父牟都。為百

濟王。是歲。魏虜又發騎數十萬。攻百濟。入其界。牟大遣將沙法名。贊首流

解禮。昆木干那。率眾襲擊虜軍。大破之。南齊書○案原本。缺牟條。無考。然

庚午。魏伐百濟。而此云是歲。東城王十二年也。庚午而

明帝建武二年。東城王牟大上表曰。今假沙法名等為行將軍。伏願聽除。

詳見藝文志詔可。並賜軍號。同上

梁高祖天監元年。武寧王四月戊辰。鎮東大將軍百濟王餘大。進號征東

將軍。按東城王以齊和帝中興元年己薨。尋為高句麗所破。衰弱者累年。

遷居南韓地。梁書○按百濟自

十一年。武寧王四月。遣使獻方物。同上

普通二年。武寧王十一月。王餘隆始復遣使。奉表稱累破句驪。今始督通

好。而百濟更為強國。詔授隆使持節都督百濟諸軍事。寧東大將軍。百濟

王。同上

五年。聖王隆死。詔復以其子明為持節督百濟諸軍事。綏東將軍。百濟王。

百濟號所治城。曰固麻。謂邑曰擔魯。如中國之言郡縣也。其國有二十二

擔魯。皆以子弟宗族分據之。同上

大同七年。聖王十遣使獻方物。並請涅槃等經。義毛詩博士。並工匠畫師

等敕並給之。上同 梁世百濟又表求講禮博士。詔使陸詡行。詡少習崔靈恩三禮。義宗還除給事中。陳書卷三十三陸詡傳

按陸詡之行未詳其何年。故姑係於此。而當在天監大同之間也。大抵百濟之王號多取方言而聖王元年癸卯始制諡法。上其父王諡為武寧。此後連有諡號。曰聖王曰威德王曰惠王曰法王曰武王皆陸詡講禮之效也。其詳不可得而考。可恨。

太清三年。聖王二年不知京師寇賊。猶遣使貢獻。既至見城闕荒毀。並號慟

涕泣。侯景怒囚執之。資治通鑑百濟使哭於端門侯景怒錄送莊嚴寺及景平方得還國。陳書

陳文帝天嘉三年。威德王九年二月己酉以其王餘明為撫東大將軍。陳書

北齊後主武平元年。威德王十七年二月癸亥以其王餘昌為使持節侍中驃騎

大將軍帶方郡公。王如故。北齊書

二年。威德王十八年春正月戊寅又以昌為使持節都督東青州刺史。上同

後周武帝建德六年。威德王二十四年齊滅。其王昌始遣使獻方物。其地界東極

新羅。北接高句驪。西南俱限大海。東西四百五十里。南北九百餘里。治固

麻城。其外更有五方。中方曰古沙城。東方曰得安城。南方曰久知。西城西

方曰刀先。城北方曰熊津城。王姓夫餘氏。北史百濟王姓餘氏號於羅瑕。民呼為

鞮吉支。夏言并王也。妻號於陸。夏言妃也。自晉宋齊梁據江左。後魏宅中

原。並遣使稱藩。兼受封拜。齊氏擅東夏。其王隆亦通使焉。後周書

隋文帝開皇元年。威德王二十八年冬十月乙酉。王餘昌遣使來獻方物。拜昌為

上開府帶方郡公百濟王。隋書

平陳之歲。開皇九年即威德王二十六年有一戰船漂至海東。舳舻羅國。按即耽羅國其船得

還經于百濟。昌資送之甚厚。並遣使奉表賀平陳。高祖善之。下詔。詔見藝文志

不須年別入貢。使者舞蹈而去。上同

十八年。威德王四十五年昌使其長史王辯那來獻方物。屬興遼東之役。遣使奉

表請為軍導。帝下詔曰。往歲為高麗不供職貢。無人臣禮。故命將討之。高

元君臣恐懼。畏服歸罪。朕已赦之。不可致伐。厚其使而遣之。高麗頗知其

事以兵侵掠其境。昌死子餘宣立。按東史宣即法王之孫也。死子餘璋立。上同。

○按威德王以開皇十八年薨。子惠王季立。明年薨。子法王宣立。明年薨。子武王璋立。即開皇二十年薨。

煬帝大業二年。武王璋遣使者燕文進朝貢。其年又遣使者王孝隣入獻。

請討高麗。帝許之。令覘高麗動靜。然璋內與高麗通和。挾詐以窺中國。上同。

七年。武王十帝親征高麗。璋使其臣國智牟來請軍期。帝大悅。厚加賞賜。

遣尙書起部郎席律詣百濟與相知。上同。

八年。武王十六軍度遼。璋亦嚴兵境上。聲言助軍。實持兩端。尋與新羅有

隙。每相戰爭。後天下亂。使命遂絕。上同。

唐高祖武德四年。武王十月。王扶餘璋遣使獻果下馬。國本馬韓故地。

在京師東六千二百里。舊唐書。

七年。武王十二年。又遣大臣奉表朝貢。高祖嘉其誠款。遣使就冊爲帶方郡王。

百濟王。自是歲遣朝貢。高祖撫勞甚厚。因訟高麗閉其道路不許來通中

國。詔遣朱子奢往和之。又相與新羅世爲讐敵。數相侵伐。上同。

太宗貞觀元年。武王十八年。太宗賜王璽書。詳見藝文志。曰新羅朕之藩臣。王之隣

國。朕已對王姪信福及高麗新羅使人。具勅通和。王須忘前怨。識朕本懷。

璋因遣使奉表陳謝。雖外稱順命。內實相仇如故。上同。

十一年。武王十八年。遣使來朝。獻鐵甲雕斧。太宗優勞之。賜綵帛三千段並金

袍等。上同。

十五年。武王二十四年。璋卒。其子義慈遣使奉表告哀。太宗素服哭之。贈光祿大

夫。賻物二百段。遣使○新唐書遣祠部郎中鄭文表冊命義慈爲柱國封帶方郡王百濟

王。○義慈事親以孝行聞。友于兄弟。時人號海東曾閔。並同上。

十六年。義慈王義慈興兵伐新羅。取四十餘城。又發兵以守之。與高麗和

親通好。謀欲取黨項城。以絕新羅入朝之路。新羅遣使告急請救。太宗遣

司農丞相里玄獎齎詔告諭兩蕃。示以禍福。及太宗親征高麗。百濟懷二。

乘虛襲破新羅十城。上同。

二十二年。義慈王又破新羅十餘城。數年之中朝貢遂絕。上同。

高宗永徽二年義慈王十一年乃遣使者來帝詔義慈曰海東三國開基舊矣地固犬牙比者隙爭侵校略無寧歲新羅高城重鎮皆為王並歸窮于朕丐王歸地昔齊桓一諸侯尚存亡國况朕萬方主可不卹其危耶王所兼城宜還之新羅所俘亦畀還王不如詔者任王決戰朕將發契丹諸國度遼深入王可思之無後悔舊唐書及新唐書

六年義慈王十五年新羅王金春秋又表稱百濟與高麗靺鞨侵其北界已沒三十餘城舊唐書

顯慶五年義慈王二十年三月辛亥詔左武衛大將軍蘇定方為神兵道按神兵道當是行軍大總管惟此年實錄及新羅傳皆云定方為熊津道大總管又通鑑考異曰舊本紀唐曆皆云四年十二月癸亥以定方為神邱道總管舊唐書劉伯英為岫夷道行軍總管按定方時討都曼未為神邱道總管舊唐書今從實錄率左衛將軍劉伯英右武衛將軍馮士貴左驍衛將軍龐孝泰發新羅兵以伐百濟新唐書○八月定方引兵自成山濟海至熊津江口百濟屯兵據江定方升東岸乘山而陣與之大戰揚帆蓋海相續而進百濟

大敗續死者數千人自餘奔散遇潮直上連軸入江定方於岸上擁陣水陸齊進飛檝鼓譟直趣其都按新書作真去城二十許里百濟傾國來拒大戰破之殺虜萬餘人追奔入郭其王義慈及太子隆奔于北境定方進圍其城義慈次子泰自立為王率眾固守嫡孫文思太子隆子曰王與太子雖並出城而身見在叔總兵馬即擅為王假令漢兵退我父子尚不全矣遂率其左右縋城而下百姓從之泰不能止定方命卒登城建幟於是泰開門請命其大將彌植又將義慈來降太子隆並與諸城主皆同送款定方虜義慈及太子隆小王孝演酋長五十八人等送京師百濟悉平○其國舊分為五部統郡三十七城二百戶七十六萬至是乃以其地分置熊津馬韓東明等五都督府○新唐書熊津馬韓東各統州縣立其酋渠為都督刺史縣令唐書○十一月戊戌按新書本傳甚定方以所俘見帝御則天門樓受俘自其王義慈以下皆釋之義慈至京數日而卒贈金紫光祿大夫衛尉卿特許其舊臣赴哭詔葬孫皓陳叔寶墓側並為豎碑授隆司稼

卿冊府元龜

龍朔元年三月初蘇定方既平百濟留郎將劉仁願於百濟府城鎮守又以左衛中郎將王文度為熊津都督安撫其餘衆文度濟海病卒百濟僧道琛舊將福信○新唐書福信率衆據周留城以叛遣使往倭國迎故王子扶餘豐立為王其西部北部竝翻城應之引兵圍仁願於府城詔起劉仁軌按仁軌傳監統水軍征遼以後期坐免特令以白衣隨軍自效通鑑考異曰仁軌從軍乃在百濟非征遼也檢校帶方州刺史○資治通鑑注帶方州置於仁軌檢校帶方州刺史今從本傳代文度統衆便道發新羅兵合勢以救仁願轉鬪而前仁軌軍容整肅所向皆下道琛等於熊津江口立兩柵以拒官軍仁軌與新羅兵四面夾擊之賊衆退走入柵阻水橋狹墮水及戰死萬餘人道琛等乃釋仁願之圍退保任存城○資治通鑑注任存城在百濟西部任存山○通鑑考異曰實錄或作任孝城未知孰是今從其多者新羅兵士以糧盡引還於是道琛自稱領軍將軍福信自稱霜岑將軍招誘叛亡其勢益張使告仁軌日聞大唐與新羅約誓百濟無問老少一切殺之然後以國付

新羅與其受死豈若戰亡所以聚結自固守耳仁軌作書具陳禍福遣使諭之道琛等恃衆驕倨置仁軌之使於外館傳語謂日使人官職小我是一國大將不合自叅不答書遣之仁軌衆少乃與仁願合軍休息舊唐書○

上詔新羅出兵新羅王春秋奉詔遣其將金欽將兵救仁軌等至古泗古泗地名在百濟國中福信邀擊敗之欽自葛嶺道遁還新羅不敢復出資治通鑑○尋而福信殺道琛並其兵衆扶餘豐不能制但主祭而已舊唐書

二年初仁軌等合軍屯守○資治通鑑時蘇定方奉詔伐高麗進圍平壤不克而還高宗勅書與仁軌日平壤軍迴一城不可獨固宜拔就新羅共其屯守若金法敏藉卿等留鎮宜且停彼若其不須即宜泛海還也將士咸欲西歸仁軌日春秋之義大夫出疆有可以安社稷便國家專之可也況在滄海之外密邇豺狼者哉且人臣進思盡忠有死無貳公家之利知無不為主上欲吞滅高麗先誅百濟留兵鎮守制其心腹雖妖孽充斥而備預甚嚴宜礪戈秣馬擊其不意彼既無備何攻不克戰而勝士卒心安

然後分兵據險。開張形勢。飛表聞上。更請兵船。朝廷知其有成。必當出師。命將聲援。纔接凶逆。自殲。非直不棄成功。實亦永清海外。今平壤之軍。既廻。熊津又拔。則百濟餘燼。不日更興。高麗逋藪。何時可滅。且今以一城之地。居賊中心。如其失脚。卽爲亡虜。拔入新羅。又是坐客。脫不如意。悔不可追。况福信凶暴殘虐。過甚。餘豐猜惑。外合內離。鴟張共處。勢必相害。唯宜堅守觀變。乘便取之。不可動也。衆從之。舊唐書 ○時百濟王豐與福信等。以仁願等孤城無援。遣使謂之曰。大使等何時西還。當遣相送。資治通鑑 ○七月。仁願仁軌等。率留鎮之兵。大破福信餘衆於熊津之東。拔其支羅城及尹城。大山沙井等柵。殺獲甚衆。仍令分兵鎮守之。福信等以眞峴城臨江高險。又當要衝。加兵守之。仁軌引新羅之兵。乘夜薄城。四面攀堞而上。比明而入。據其城。斬首八百級。遂通新羅運糧之路。仁願乃奏請益兵。詔發淄青萊海之兵七千人。遣左威衛將軍孫仁師。按新唐書仁師爲熊津道總管。總衆浮海赴熊津。以益仁願之衆。時福信既專其兵權。與扶餘豐漸相猜貳。福信稱疾

臥於窟室。將候豐問疾。謀襲殺之。豐覺而率其親信。掩殺福信。又遣使往高麗及倭國請兵。以拒官軍。孫仁師中路迎擊破之。遂與仁願之衆相合。兵士大振。舊唐書

三年八月。諸將會議。或曰。加林城水陸之衝。請先擊之。仁軌曰。加林險固。急攻則傷損戰士。固守則用日持久。不如先攻周留城。周留賊之巢穴。羣兇所聚。除惡務本。須拔其源。若剋周留。則諸城自下。於是仁師仁願及新羅王金法敏帥陸軍以進。仁軌及別帥杜爽扶餘隆率水軍及糧船。自熊津江往白江以會。陸軍同趣周留城。戊午。仁軌遇倭兵於白江之口。四戰皆捷。焚其舟四百艘。煙焰漲天。海水皆赤。賊衆大潰。餘豐脫身而走。獲其寶劍。僞王子扶餘忠勝。忠志等率士女及倭衆。並耽羅國使。一時並降。百濟城皆復歸順。唯別帥遲受信據。任存城不下。先是百濟首領沙叱相如。黑齒常之。自蘇定方軍廻後。鳩集亡散。各據險以應福信。至是率其衆降。仁軌諭以恩信。令自領子弟以取任存城。又欲分兵助之。孫仁師曰。相如

等獸心難信。若授以甲仗。是資寇兵也。仁軌曰。吾觀相如常之皆忠勇。有謀。感恩之士。從我則成。背我必滅。因機立效。在於茲日。不須疑也。於是給其糧仗。分兵隨之。遂拔任存城。遲受信棄。其妻子走投高麗。於是百濟之餘燼悉平。孫仁師與劉仁願等振旅而還。詔劉仁軌代仁願率兵鎮守。初百濟經福信之亂。合境凋殘。僵屍相屬。仁軌始令收斂骸骨。瘞埋吊祭之。修錄戶口。署置官長。開通塗路。整理村落。建立橋梁。補葺堤堰。修復陂塘。勸課畊種。賑貸貧乏。存問孤老。頒宗廟忌諱。立唐社稷。百濟餘衆各安其業。於是漸營屯田。積糧訓士。以經畧高麗。因超加仁軌六階。正授帶方州刺史。同上

麟德元年冬十月庚辰。劉仁軌上表言。陛下再興兵馬。平定百濟。留兵鎮守。經畧高麗。陛下若欲殄滅高麗。不可棄百濟土地。餘豐在北。餘勇在南。百濟高麗舊相黨援。倭人雖遠。亦相影響。若無兵馬。還成一國。既須鎮壓。又置屯田。事藉兵士同心同德。而今見在兵士。既有異議。須還其渡海官

勳。及平百濟。向平壤功效。除此之外。更相褒賞。明勅慰勞。以起兵募之心。上深納其言。扶餘勇者。扶餘隆之弟也。是時走在倭國。以爲扶餘豐之應。故仁軌表言之矣。同上 ○右威衛將軍劉仁願。爲卑列道總管。詔率兵度海。使代舊屯。與仁軌俱還。仁軌曰。上巡狩方岳。又經畧高麗。方農時而更與兵。悉被代。新至者未習。萬一蠻夷生變。誰與捍之。不如留舊兵。仁軌當留未可去。仍陳便宜。願留屯。詔可。仁軌又表用扶餘隆。使緩定餘衆。帝乃以隆爲熊津都督。按通鑑作熊津都尉。考異曰。是劉仁軌檢校熊津都督。豈可復以隆爲之。明年實錄稱熊津都尉。扶餘隆與金法敏

盟今從之。俾歸國。平新羅故憾。招還遣人。新唐書 二年八月。隆到熊津城。與新羅王法敏。刑白馬而盟。先祀神祇。及川谷之神。而後歃血。其盟文曰。往者百濟先王。迷於逆順。不敦隣好。不睦親姻。結托高麗。交通倭國。共爲殘暴。侵削新羅。破邑屠城。略無寧歲。天子憫一物之失所。憐百姓之無辜。頻命行人。通其和好。負險恃遠。侮慢天經。皇憮斯怒。恭行吊伐。旌旗所指。一戎大定。固可瀟宮污宅。作誠來裔。塞源拔本。垂

訓後昆。然懷柔伐叛。前王之令典。興亡繼絕。往哲之通規。事必師古。傳諸曩冊。故立前百濟太子司稼正卿扶餘隆。為熊津都督。守其祭祀。保其桑梓。依倚新羅。長為與國。各除宿憾。結好和親。恭承詔命。永為藩服。仍遣使人右威衛將軍魯城縣公劉仁願。親臨勸諭。具宣成旨。約之以婚姻。申之以盟誓。刑牲歃血。共敦終始。分災恤患。恩若弟兄。祇奉綸言。不敢失墜。既盟之後。共保歲寒。若有棄信不恒。二三其德。興兵動衆。侵犯邊陲。明神鑒之。百殃是降。子孫不昌。社稷無守。禋社磨滅。罔有遺餘。故作金書鐵契。藏之宗廟。子孫萬代。無或敢犯。神之聽之。是饗是福。劉仁軌之辭也。歃訖埋幣帛於壇下之吉地。藏其盟書於新羅之廟。仁願仁軌等既還。隆懼新羅尋歸京師。○天子封泰山。仁軌領新羅及百濟耽羅倭四國酋長赴會。唐書

儀鳳元年二月甲戌。徙熊津都督府於建安故城。其百濟戶口先徙於徐克等州者。皆置於建安。資治通鑑

二年拜隆光祿大夫太常員外卿兼熊津都督帶方郡王。令歸本蕃。安輯餘衆。時百濟本地荒毀。漸為新羅所據。○新唐書隆不敢還舊國寄治高麗隆竟不敢還舊國而卒。其孫敬則天朝襲封帶方郡王。授衛尉卿。其地自此為新羅及渤海靺鞨所分。百濟之種遂絕。舊唐書

海東釋史卷第九終

海東釋史卷第十

世紀十

新羅

按東史新羅赫居世爲辰韓六部民所推以漢宣帝五鳳元年立始稱徐羅代南解王時改鷄林基臨王時改新羅東晉元帝三年其間或稱斯盧或稱新羅至智證王四年梁武帝天監二年始定爲新羅蓋方言以新爲斯盧以國爲羅羅取諸新創建國之義也然則所云徐羅斯羅新羅皆斯盧之轉而斯盧者卽魏志所云辰韓斯盧國是也

又按東晉以前只有斯盧之稱而斯盧卽辰韓屬國故中國人之於斯盧事實通稱辰韓者是矣然則魏晉史所載辰韓之說魏景初中吳林割辰韓八國以與樂浪晉太康年間辰韓王連歲入貢並詳見三韓世紀此皆新羅之實跡其可徵可信勝於東國所謂古記諸書而東儒每以新羅辰韓截然爲前後革世之

兩國不亦誤乎

新羅者其先本辰韓種也辰韓始有六國稍分爲十二新羅則其一也按魏志辰韓十二國有斯盧其國在百濟東南五千餘里按通典作五其地東濱大海南北與句麗百濟接又云居漢時樂浪之地皆誤也魏時曰新盧

按疑卽斯盧之誤宋時曰新羅或曰斯羅按後魏時曰斯羅其國小不能自通使聘其俗呼城曰健牟羅其邑在內曰啄評在外曰邑勒亦中國之言郡縣也國有六啄評五十二邑勒無文字語言待百濟而後通焉梁書○隋書魏將母兼有沃沮不復歸故國留者遂爲新羅焉故其人雜有華夏高麗百濟之屬

沃沮其後復歸故國留者遂爲新羅焉故其人雜有華夏高麗百濟之屬附庸之遂致強盛因百濟征高麗人不堪戎役相率歸之漢宣帝五鳳元年赫居世有蘇伐公者得大卵於蘿林有嬰兒剖卵而出

長有聖德六村異之立爲西干方君也時闕英氏又神龍見於井右脅生女亦有聖德人呼二聖與高句麗百濟鼎據而王三韓兩朝平壤錄三國史新羅本紀者也

晉孝武帝太元二年奈勿二年春。新羅遣使貢于秦。資治通鑑秦王堅建元十八年奈勿七年二。其王樓寒。遣使衛頭貢美女。其人髮長丈餘。堅曰。卿言海東之事。與古不同何也。答曰。亦猶中國。時代變革。名號改易。今焉得同。秦書

後魏宣武帝景明三年。智證王三年斯羅國遣使朝貢。後魏書

梁武帝普通二年。法興王八年新羅王募名秦。始使使隨百濟。奉獻方物。梁書

後襲加羅任那諸國滅之。通典加羅諸國詳見地志。

北齊武成帝河清四年。真興王十六年二月甲寅。詔以國王金真興。為使持節

東夷校尉樂浪公新羅王。北齊書○國俗。擇貴人子弟之美者。傅粉粧飾之。

名花郎。國人皆爭事之。太中遺事按三國史曰。新羅真興王三十七年。

行義相悅。歲月既久。邪正自見。於是擇而用之。

隋文帝開皇十四年。真平王十六年國王金真平。遣使貢方物。高祖拜真平。為上

開府樂浪郡公新羅王。○大業以來。歲遣朝貢。新羅地多山險。雖與百濟

構隙。百濟亦不能圖之。並隋書新羅金姓相承三十餘葉。其王至今亦姓

金。隋東風俗記

按東史。新羅朴昔金三姓互相承立。而新羅自魏晉以後始通中國。

歷六朝至隋唐。代臣中國。世受封爵。使价相望。職貢無闕。朴昔二姓

初不概見於中國記載。而曰金姓相承三十餘葉者。何哉。新羅自始

帝大業元年。真平王時。為六世。通志曰。其王至唐時亦姓金。梁史云。姓

慕未詳。中間更變之由。此夾際從南史之譌。而馬氏通攷亦因之。皆

誤也。梁書普通二年。新羅王募名秦。遣使隨百濟入貢。何嘗曰姓募

耶。募通志作募秦。又作秦。

唐高祖武德四年。真平王十四年遣使朝貢。高祖親勞問之。遣通直散騎侍郎

庾文素。往使焉。賜以璽書及畫屏風錦綵三百段。自此朝貢不絕。其國東

及南方。俱限大海。西接百濟。北隣高麗。東西千里。南北二千里。舊唐書其

建官。以親屬為上。其族名第一骨。第二骨。以自別。兄弟女。姑姨。從姊妹。皆

聘為妻。王族為第一骨。妻亦其族。生子皆為第一骨。不娶第二骨女。雖娶常為妾媵。新唐書

高祖既聞海東三國。舊結怨隙。遞相攻伐。以其俱為藩附。務在和睦。乃問其使為怨所由。對曰。先是百濟往伐高麗。詣新羅請救。新羅發兵大破百濟國。因此為怨。每相攻伐。新羅得百濟王殺之。怨由此始。舊唐書 按東

年百濟聖王自將來攻新羅軍主金武擊殺百濟王

七年。真平王遣使册拜金真平為柱國封樂浪郡王新羅王。同上

太宗貞觀五年。真平王遣使獻女樂二人。皆鬢髮美色。太宗謂侍臣曰。

朕聞聲色之娛不如好德。且山川阻遠。懷土可知。近日林邑獻白鸚鵡。尙

解思鄉。訴請還國。鳥猶如此。况人情乎。但愍其遠來。必思親戚。宜付使者。

聽遣還家。同上

六年。真平王五真平卒。按新舊書皆云真平王無子。立其女善德為王。宗

室大臣乙祭總知國政。詔贈真平左光祿大夫。賻物二百段。同上

九年。善德主遣使持節册命善德柱國封樂浪郡王新羅王。襲父封。國人

號聖祖皇姑。舊唐書及新唐書

十七年。善德主九月庚辰。遣使上言。高麗百濟累相攻襲。亡失數十城。兩

國連兵。意在滅臣社稷。謹遣陪臣歸命大國。乞偏師救助。詳見句麗紀太宗遣

相里玄獎齋璽書賜高麗曰。新羅委命國家。不闕朝獻。爾與百濟宜即戢

兵。若更攻之。明年當出師擊爾國矣。時太宗將親伐高麗。詔新羅纂集士

馬應接大軍。冊府元龜貞觀十八年征高麗詔曰新羅王金善德傾其城邑竭其府藏荷不貲之澤復累葉之讐出樂浪而衝腹心臨沃沮而蕩巢

穴。新羅遣大臣領兵五萬人。入高麗南界。攻水口城降之。舊唐書

二十一年。善德主善德卒。贈光祿大夫。餘官封並如故。因立其妹真德為

王。加授柱國封樂浪郡王。同上

二十二年。真德主九月己丑。新羅奏為百濟所攻。破其十三城。資治通鑑○

十二月癸未。新羅國其相伊贊金春秋及其子文王來朝。帝遣光祿卿柳

亨持節郊勞之。既至以春秋為特進。文王為左武衛將軍。春秋仍請改其

章服以從中國製。於是內出珍服賜春秋等。令府給其將從。冊府元龜春秋請詣國學。觀釋奠及講論。太宗因賜以所製溫湯。及晉祠碑。並新撰晉書。將歸國。令三品已上宴餞之。優禮甚至。舊唐書

高宗永徽元年。真德主四年真德大破百濟之衆。遣其弟法敏。新唐書遣以聞。

真德乃織錦作五言太平頌。詩見藝文以獻之。帝嘉之。擢拜法敏爲太府卿。同上

五年。真德主八年閏四月壬辰。真德卒。帝爲舉哀。詔以春秋嗣立爲新羅王。加

授開府儀同三司。封樂浪郡王。同上

屠粹忠贊

六年。武烈王二年百濟與高麗靺鞨。率兵侵其北界。攻陷三十餘城。春秋遣使

上表求救。舊唐書

顯慶五年。武烈王七年三月。命左武衛大將軍蘇定方。爲熊津道大摠管。總水

陸十萬。仍令春秋。爲岬夷道行軍總管。與定方討平百濟。俘其王扶餘義

慈獻于闕下。自是新羅漸有高麗百濟之地。其界益大。西至于海。同上

龍朔元年。武烈王八年九月癸巳朔。春秋卒。詔以其子太府卿法敏嗣位。爲開

府儀同三司。上柱國樂浪郡王新羅王。同上

三年。武王三年夏四月乙未。詔以新羅國爲鷄林州大都督府。授法敏爲鷄

林州都督。同上

上元元年。武王十四年春正月壬午。以左庶子同中書門下三品劉仁軌。爲鷄

林道大總管。衛尉卿李弼。右領軍大將軍李謹。行副之。發兵討新羅。時新

羅王法敏。旣納高麗叛衆。又據百濟故地。使人守之。帝大怒。詔削法敏官

爵。其弟右驍衛員外大將軍臨海郡公仁問。在京師。立以爲新羅王。使歸

國。資治通鑑

二年。武王十六年二月。劉仁軌率兵徑渡瓠蘆河。破新羅北方大鎮七重城。又

以靺鞨兵。浮海畧新羅之南鏡。斬獲甚衆。仁軌引兵還。舊唐書詔以李謹

行。爲安東鎮撫大使。屯新羅之買尙城。以經略之三戰皆捷。新羅乃遣使

入貢且謝罪。上赦之。復法敏官爵。金仁問中道而還。改封臨海郡公。資治通鑑

然多取百濟地。遂問高麗南境矣。置尙良康熊全武漢朔溟九州。州有

都督。統郡十或二十。郡有太守。縣有小守。新唐書

開耀元年。文王二年法敏卒。其子政明嗣位。舊唐書

武后垂拱二年。神文王六年政明遣使來朝。因上表請唐禮一部並雜文章。則

天令所司寫吉凶要禮。並於文館詞林採其詞涉規戒者。勒成五十卷以

賜之。同上

天授三年。神文王二年政明卒。則天爲之舉哀。遣使吊祭。册立其子理洪。爲新

羅王。仍令襲父輔國大將軍。行豹韜衛大將軍。雞林州都督。同上長壽二

年二月丙子。新

羅王政明卒。長安二年。孝昭王元年理洪卒。則天爲之舉哀。輟朝二日。資治通鑑長安三

年。洪卒按東史。神文王在位止十遣使立其弟興光。爲新羅王。仍襲兄

將軍都督之號。同上焉。誤甚。東史聖德王本名隆基。通鑑作崇基。蓋避宗諱

改興光且先天者尤誤元

玄宗開元二年。聖德王三年二月壬寅。王子金守忠來朝。留宿衛。賜宅及帛。以

寵之。册府元龜

十一年。聖德王二年數入朝。獻果下馬。朝霞紬。魚牙紬。海豹皮。又獻二女。帝

曰。女皆王姑娣。違本俗。別所親。朕不忍留。厚賜還之。又遣子弟入太學。學

經術。帝間賜興光瑞文錦。五色羅。紫繡紋袍。金銀精器。興光亦上異狗馬。

黃金美髭諸物。新唐書謹案唐書稱開元中

二十一年。聖德王三年渤海靺鞨越海入寇登州。時興光族人金思蘭。先因

入朝留京師。拜爲太僕員外卿。至是遣歸國。發兵以討靺鞨。仍加授興光

爲開府儀同三司。寧海軍使。舊唐書

二十四年。聖德王三年六月。遣使賀獻表謝。勅賜涇江以南。册府元龜

二十五年。聖德王三年二月戊辰。興光卒。詔贈太子太保。仍遣左贊善大夫

邢壽。攝鴻臚卿。住吊祭。並册立其子承慶。襲父開府儀同三司。新羅王。壽

將進發上製詩序。太子以下及百寮咸賦詩以送之。上謂疇曰：新羅爲君子之國，頗知書記，有類中華。以卿學術善與講論，故選使充此。到彼宜闡揚經典，使知大國儒教之盛。又聞其人多善奕碁，因令善碁人率府兵曹揚季鷹爲疇之副。疇等至彼，大爲蕃人所敬。其國碁者皆在季鷹之下。於是厚賂疇等金寶及藥物。書唐

二十八年孝成王四年三月癸卯，册新羅王金承慶妻金氏爲新羅王妃。册府元龜

按新書册王妻朴爲妃

天寶元年景德王二年承慶卒。按東史孝成王以詔遣贊善大夫魏曜往吊祭

之。册立其弟憲英爲新羅王，並襲其兄官爵。舊唐書帝在蜀，王遣使泝江

至成都朝正月新唐書申遣使朝于蜀按東史景德王十五年丙申

代宗大曆二年惠恭王三年憲英卒。按東史景德王以國人立其子乾運爲王

新唐書乾運立甫及仍遣其大臣金隱奉表入朝貢方物，請加册命。舊唐書

三年惠恭王四年正月甲子，上遣倉部郎中兼御史中丞相紫金魚袋歸崇敬。

持節齎册書往吊册之。以乾運爲開府儀同三司新羅王，仍册乾運母爲

太妃。同上會其宰相爭權相攻，國大亂，三歲乃定。于是歲朝

獻新唐書亂園王宮金良相惠恭王十六年仍册王自立

德宗建中四年宣德王四年乾運卒。按惠恭王以建中元年被弑無子，國人立其上相金良

相爲王。舊唐書

貞元元年宣德王六年授良相檢校太尉都督鷄林州刺史寧海軍使新羅王。

仍令戶部郎中蓋墳持節册命。册府元龜遣秘書丞孟其年良相卒，立上

相敬信爲王。令襲其官爵。敬信即從兄子也。同上按新書作從父

十四年元聖王十四年敬信按通鑑作卒。按東史元聖王以其子先亡，國人立嫡

孫俊邕爲王。同上

十六年昭聖王二年四月庚寅，授俊邕開府儀同三司檢校太尉新羅王。遣司

封郎中兼御史中承韋丹持節册命。丹至鄆州，聞俊邕卒，其子重熙立。無

詔。丹乃還。同上按哀莊王名新舊書

順宗永貞元年。哀莊王六年。詔遣兵部郎中元季方持節冊重熙為王。同上。二

月戊辰。以新羅王金重熙母和氏為太妃。妻朴氏為妃。冊府元龜

憲宗元和元年。哀莊王七年。十一月庚子朔己亥。歸宿衛王子金獻忠于其國。

仍加試秘書監。同上

三年。哀莊王九年。遣使金力奇來朝。七月力奇上言。貞元十六年。奉詔冊臣故

主金俊邕。為新羅王。母申氏為太妃。妻叔氏為王妃。冊使韋丹至中路。知

俊邕薨。其冊却迴在中書省。今臣還國。伏請授臣以歸勅。金俊邕等冊。宜

令鴻臚寺。於中書省受領。至寺。宣授與金力奇。令奉歸國。舊唐書。十月己

酉。勅新羅王叔金彥昇。弟仲恭三人。宜令本國准舊例賜戟。冊府元龜。力

奇。又為其宰相金彥昇。金仲恭。王之弟。蘇金添。明巧門戟。詔皆可。

五年。憲德王二年。十月。王遣其子金憲章來朝。獻金銀佛像及佛經幡

等。上言為順宗祈福。並貢方物。同上

七年。憲德王四年。重熙卒。按東史哀莊王以元和。立其相金彥昇為王。遣使金

昌南等來告哀。七月。授彥昇開府儀同三司。檢校太尉。持節大都督。鷄林

州諸軍事。兼持節充寧海軍使。上柱國。新羅國王。彥昇妻貞氏冊為妃。命

職方員外郎攝御史中丞。崔廷持節吊祭。冊立。以其質子金士信副之。舊唐書

書。八月丁亥朔。勅新羅國大宰相金崇斌等三人。宜付本國。准舊例賜

戟。冊府元龜

十一年。憲德王八年。禁以新羅為生口。令近界州府長吏。切加提舉。以其國宿

衛。王子金長廉狀陳。故有是命。同上

十一月。其入朝。王子金士信等。遇惡風。飄至楚州監城縣界。淮南節度使

李勗以聞。是歲新羅飢。其眾一百七十人。求食於月東。舊唐書

敬宗寶曆元年。憲德王十七年。五月庚辰。國王金彥奏。先在太學生崔利貞。金

叔貞。朴季業四人。請放還蕃。其新赴朝。貢金允夫。金立之。朴亮之等。一十

二人。請留在宿衛。仍請配國子監習業。鴻臚寺給資糧從之。冊府元龜

二年。憲德王十四年。十二月。新羅質子金允夫。請準舊例。中使入蕃。使充副使。同

到本國譯詔書。不許。但隨告使。充副使。同上

文宗太和五年。興德六年。金彥昇卒。按憲德二年薨。以嗣子金景徽為開府

儀同三司檢校太尉。使持節大都督鷄林州諸軍事。兼持節充寧海軍使

新羅王。母朴氏為太妃。妻朴氏為妃。命太子左諭德兼御史中丞源寂。持

節吊祭册立。舊唐書

開成元年。僖康元年。王子金義琮來謝恩。兼留宿衛。同上

二年。僖康二年。四月。勅宿衛王子金義琮放還蕃。賜物遣之。册府元龜

三年。閔哀元年。秋七月。新羅王金祐徵遣其所遺淄青節度使奴婢。帝矜以

遠人。詔令却歸本國。同上

五年。文聖二年。四月。鴻臚寺籍新羅國告哀質子。及年滿合歸國。學生等共

一百五人。並放還。舊唐書

錢鏐自稱吳越王。吳越王二年。即遣使册新羅渤海王。海中諸國。皆封拜

其君長。五代史

後唐莊宗同光二年。景哀元年。正月。新羅王金朴英。並本國泉州節度使王

逢規。遣使朝貢。同上

遼太祖天顯元年。景哀三年。三月。平渤海。以新羅從征有功。優加賞賚。遼史

後唐明宗天成二年。敬順元年。四月。新羅國康州。遣使林彥朝貢。册府元龜

長興三年。敬順六年。四月。新羅國權知國事金溥。遣使執事侍郎金胙。貢方

物。同上。新羅弁韓之遺種也。按新羅本長韓。非弁韓種也。其國地君世物俗見於唐。自

唐高祖時。封金真。按唐書作金真平。為樂浪郡王。其後世常為君長。同光長興年。

國王金朴英。金溥。遣使來朝。朴英溥世次卒立。史皆失其紀。自晉以後不

復至。五代史。新羅傳五十五世。降於高麗王建。兩朝平壤錄

海東釋史卷第十終

海東釋史卷第十一

世紀十一

渤海

按渤海本黑靺鞨之粟末部。臣屬於高麗者。居古肅慎氏地。在漢時爲挹婁。魏時爲勿吉。唐時爲靺鞨。西屬突厥南隣高麗。北接室韋。凡數十部。即今寧古塔黑龍江等地是也。及高麗滅。其人多入於唐。諸部皆分散。遣人進入渤海。又有拂涅。虞婁。越喜。鐵利等部。唐初通使中國。後渤海強盛。皆服屬而置郡。東史大祚榮本高麗舊將。唐滅高麗。徙其人於隴右河南。祚榮收逋殘保太白山。後又附新羅。受五品大阿殄之秩。其後盡據句麗靺鞨之地。地方五千里。置五京十五府。西通上國。南聘新羅。北捍契丹。東使日本。雄視東北之輿。殆至三百年。文獻之散見諸史者。猶有可徵。所有稱海東盛國也。

渤海靺鞨大祚榮者。本高麗別種也。高麗既滅。祚榮率家屬徙居營州。萬歲通天年。契丹李盡榮反叛。祚榮與靺鞨乞四比羽各領亡命。東奔保阻。以自固。盡榮既死。則天命右玉鈐衛大將軍李楷固。率兵討其餘黨。先破斬乞四比羽。又度天門嶺。以迫祚榮。祚榮合高麗靺鞨之衆。以拒楷固。王師大敗。楷固脫身而還。屬契丹及奚。盡降突厥。道路阻絕。則天不能討。祚榮遂率其衆東保挹婁之故地。據東牟山築城以居之。祚榮驍勇善用兵。靺鞨之衆及高麗餘燼。稍稍歸之。舊唐書

渤海本粟末靺鞨附高麗者。姓大氏。萬歲通天中。契丹盡忠殺營州都督契丹管軍頭目之稱。反有舍利。按胡三省曰。舍利契丹管軍頭目之稱。乞乞仲象者。與靺鞨酋乞四比羽。及高麗餘種。東走渡遼水。保太白山之東北。阻奧婁河樹壁自固。武后封乞四比羽爲許國公。乞乞仲象爲震國公。赦其罪。比羽不受命。后詔玉鈐衛大將軍李楷固。中郎將索仇擊斬之。是時仲象已死。其子祚榮引殘彘遁去。楷固窮躡度天門嶺。祚榮因高麗靺鞨兵拒楷固。楷

固敗還。於是契丹附突厥。王師道絕不克討。祚榮即並比羽之衆。新唐書

案大祚榮即仲象之子而舊書不著焉此則舊書之疎略故今並錄新書以備參考

武后聖曆中。聖曆二年即高祚榮自立為震國王。遣使通于突厥。其地在

營州之東二千里。南與新羅相接。西越靺鞨。東北至黑水靺鞨。地方二

千里。編戶十餘萬。勝兵數萬人。風俗與高麗及契丹同。頗有文字及書記。

舊唐書盡得扶餘沃沮弁韓朝鮮海北諸國。新唐書

中宗即位。高宗七年遣侍御史張行岌往招慰之。祚榮遣子入侍。將加册立。會

契丹與突厥連歲寇邊。使命不達。舊唐書

睿宗先天二年。即開元元年遣郎將崔訢往册拜祚榮為左驍衛員外大

將軍渤海郡王。仍以其所統為忽汗州。按忽汗州在東牟山。加授忽汗州

都督。自是每歲遣使朝貢。同上自是始去靺鞨號。專稱渤海。新唐書注。資

鞨自此盛矣

玄宗開元七年。高宗二十一年三月。祚榮死。六月丁卯遣左監門率吳思

謙攝鴻臚卿充使。吊祭。册立其嫡子桂婁郡王大武藝。襲父為左驍衛大

將軍渤海郡王忽汗州都督。册府元龜及舊唐書祚榮死。其國私

諡為高王。子武藝立。斥大土宇。東北諸夷畏臣之。私改年曰仁安。新唐書

八年。武王二年八月。册武藝嫡男大都利行為桂婁郡王。册府元龜

十年。武王四年黑水靺鞨酋倪屬利稽來朝。玄宗即拜勃利州刺史。於是安東

都護薛泰請置黑水部。以部長為都督刺史。朝廷為置長史監之。賜府都

督。姓李氏名曰獻誠。以雲麾將軍領黑水經畧使。隸幽州都督。按置黑水府舊書作

十四年。武藝召其下謀曰。黑水始假道於我。與唐通。異時請吐屯於突厥。皆

先告我。今請唐官不吾告。是必與唐腹背攻我也。乃遣弟門藝及舅任雅

相發兵擊黑水。門藝嘗質京師。知利害。謂武藝曰。黑水請吏而我擊之。是

背唐也。唐大國兵萬倍我。與之產怨我且亡。違之不可。武藝不從。兵至境。

又以書固諫。武藝怒。遣從兄壹夏代將。召門藝將誅之。門藝懼。僂路自歸。

新唐書

十五年武王九年四月丁未。勅曰渤海宿衛王子大昌勃價及首領等久留宿

衛宜放還蕃。庚申大昌勃價賜帛五十疋。首領以下各有差。先是武藝遣

男利行來朝。並獻貂鼠。至是乃降書與武藝慰勞之。賜綵練一百疋。冊府元龜

二十年武王十四年九月。武藝遣其將張文休。率海賦攻登州。殺刺史韋俊。命

左領軍將軍蓋福順發兵討之。舊唐書

二十一年武王十五年正月庚申。詔遣門藝往幽州徵兵以討。仍令太僕員外

卿金思蘭往斯羅發兵。以攻其南境。屬山阻寒凍。雪深丈餘。兵士死者過

半。竟無功而還。同上按新羅史。宗遣內史高樞何行成與金思蘭同

卿亦發兵擊其南鄙。又勅新羅名將金庚信孫允中為將。賜金帛。王

遣允中等四將率兵會唐師共擊渤海。會天寒士卒凍死皆罷歸。

二十五年武王十九年文。武藝病卒。其國私諡武王子欽茂嗣立。改年大

興。詔遣內侍段守簡往册為渤海郡王。仍嗣其父。為左驍衛大將軍。忽汗

州都督。欽茂承詔赦其境內。遣使隨守簡入朝貢獻。尤寫唐禮及三國志

晉書三十六國春秋。帝皆許之。同上及新唐書

天寶末。欽茂徙上京。按渤海上京龍泉府。即古直舊國。三百里。忽汗河之

東。訖帝世朝獻者二十九。新唐書

肅宗至德元載。文王十年平盧留後徐歸道遣果毅都尉柳城縣四府經畧

判官張元簡使告渤海曰。今載十月當擊安祿山。王須發騎四萬來助。欽

茂疑其有他變。留之。十二月丙午。歸道果鳩平盧節度使劉正臣于北平。

潛與祿山幽州節度使史思明通謀。安東都護王玄志知其謀。率精兵六

千人。攻破柳城。斬歸道。自稱平盧節度使。進屯北平。遣將軍王進義告渤

海曰。天子已歸西京。迎太上皇于蜀。居別宮。勦滅賊徒。故遣下臣來告。欽

茂以其難信。留進義。別遣使入朝。肅宗賜勅勞之。全唐書

寶應元年。文王十六年詔以渤海為國。欽茂王之。進檢校太尉。新唐書

代宗大曆八年。文王十七年閏十一月。渤海質子盜脩袞龍擒之。辭云。慕中華

文物。帝矜而捨之。冊府元龜十二月。遣使來朝。大曆二年至十年。或頻遣使

來朝。或間歲而至。或歲內二三至者。舊唐書

十二年文王四年春正月。遣使獻日本國舞女一十一人及方物。同上

十四年文王十四年五月癸亥。德宗即位。丙子詔停渤海歲貢鷹鷄。同上

德宗貞元時。欽茂東南徙東京。新唐書京龍原府。按渤海東

十年文王十五年三月。欽茂卒。私諡文王。子宏臨早死。族弟元義立一歲。猜虐。

國人殺之。推宏臨子華璵為王。復還上京。改年中興。華璵卒。諡曰成王。欽

茂少子嵩璘立。改年正歷。同上

渤海自大祚榮立國。開元之間。其子武藝立。益以疆盛。東北諸夷皆畏

而臣之。改元仁安。更五代以至於宋耶律。雖數加兵。不能服也。故通鑑

歷叙其世為詳。資治通鑑注

十一年康王五年二月乙巳。遣內常侍殷志瞻。冊嵩璘為右驍衛大將軍。忽

汗州都督渤海郡王。舊唐書

十四年康王四年加嵩璘銀青光祿大夫。檢校司空。進封渤海國王。嵩璘父欽

茂。襲父為郡王。左金吾大將軍。天寶中累加特進。太子詹事。賓客。寶應元

年。進封國王。大曆中累加拜司空。太尉。及嵩璘襲位。但授其郡王將軍而

已。嵩璘遣使叙理。故再加冊命。同上新唐書建

二十一年康王十一年正月。順宗即位。五月甲辰。以檢校司空忽汗州都督渤

海國王。大嵩璘。加金紫光祿大夫。檢校司徒。同上

憲宗元和元年康王三年九月丙戌。加嵩璘檢校太尉。同上

四年定王元年嵩璘死。諡康王。子元瑜立。改年永德。新唐書

以元瑜為銀青光祿大夫。檢校秘書監。忽汗州都督。依前渤海國王。舊唐書

八年定王五年正月。元瑜死。諡定王。弟言義立。改年朱雀。庚午授權知

渤海國務。言義。銀青光祿大夫。檢校秘書監。忽汗州都督。渤海國王。遣內

侍李重旻使焉。同上新唐書

十三年宣王元年言義死。諡僖王。弟明忠立。改年大始。立一歲死。諡簡王。從

父仁秀立。改年建興。其四祖。祖野勃。高王祚榮弟也。新唐書正月乙巳。遣

使來朝。且告哀。五月辛丑。以知國務大仁秀。為銀青光祿大夫。檢校秘書

監忽汗州都督渤海國王。舊唐書

十五年宣王三年閏正月遣使來朝。仁秀頗能討伐海北諸部。開大境宇有功。

詔加金紫光祿大夫檢校司空。元和中凡十六朝獻。長慶四寶曆凡再。同上

及新唐書

文宗太和四年。宣王十年仁秀死。諡宣王。子新德蚤死。孫彝震立。改年咸和。

新唐書

五年王彝震元年正月己丑。以權知國務大彝震為銀青光祿大夫檢校秘書

監忽汗州都督渤海國王。舊唐書

六年王彝震二年十二月戊辰。內養王宗禹渤海使回言。渤海置左右神策軍。

左右三軍一百二十司。畫圖以進。同上

七年王彝震三年正月。遣同中書右平章事高寶英來謝册命。仍遣學生三人。

隨寶英請赴上都學問。先遣學生三人。事業稍成。請歸本國。許之。同上

文宗世來朝。凡十二。會昌凡四。新唐書

終

宣宗太中十二年。王虔晃二年二月。彝震卒。癸未立其弟虔晃為渤海國王。資治

通鑑

虔晃死。立錫立。咸通時遂為海東盛國。地有五京十五府六十二州。俗謂

王曰可毒夫。曰聖主曰基下。其命為教。王之父曰老王。母太妃。妻貴妃。長

子曰副王。諸子曰王子。其官名大抵憲象中國制度。幽州節度府與相聘

問。自營平距京師八千里而遠。後朝貢至否。史家失傳。故叛附無考焉。新唐書

梁太祖開平元年五月。王大誣譖。遣王子來朝。渤海本號靺鞨。高麗之別

種也。渤海其貴族姓大氏。訖五代常來朝貢。其國土物產與高麗同。誣譖

世次立卒。史失其紀。五代史

遼太祖神册三年二月。渤海遣使來貢。遼史

四年二月丙寅。修遼陽故城。改為東平郡。置防禦使。掠渤海戶以實之。同上

天贊三年夏五月。徙薊薊民實遼州地。渤海殺其刺史張秀實。而掠其民。

同上○遼史考證按通鑑所書是年契丹兵征渤海亦有月分可考乃遼
史僅于五月書渤海殺刺史掠民以是知修史者遺漏之多也○按遼天
贊三年即後唐同光二年

後唐莊宗同光二年秋七月時東北諸夷皆役屬契丹惟渤海未服契丹

主謀入寇恐渤海掎其後乃先舉兵擊渤海之遼東遣其將委餒及盧文

進據營平等州以擾燕地八月契丹攻渤海無功而還資治通鑑○冊府

月幽州奏偵得阿保機東攻渤海

三年五月乙卯以渤海國入朝使政堂省守和部少卿賜紫金魚袋裴璆

可贊善大夫冊府元龜

遼天贊四年十二月乙亥詔曰所謂兩事一事已畢惟渤海世讐未雪豈

宜安住乃舉兵親征渤海大誣譟皇后皇太子大元帥堯骨皆從閏月壬

辰祠木葉山壬寅以青牛白馬祭天地于烏山丁巳次商嶺夜圍扶餘府

遼史

天顯元年正月己未白氣貫日庚申拔扶餘城○資治通鑑注即唐高麗

屬渤海國混同江而守之混同江不能有也故夫餘城誅其守將○

領府元龜後唐同光四年正月北招討使李紹真奏北來奚首丙寅命惕

隱按國語解典族屬安端前北府宰相蕭阿古只等將萬騎為先鋒遇誣

譟老相兵破之皇太子大元帥堯骨南府宰相蘇北院夷离董按夷离董

官斜涅赤南院夷离董迭里是夜圍忽汗城己巳誣譟請降庚午駐軍于

忽汗城南辛未誣譟素服藁索牽羊率僚屬三百餘人出降太祖優禮而

釋之甲戌詔諭渤海郡縣丙子遣近侍康末怛等十三人入城索兵器為

邏卒所害丁丑誣譟復叛攻其城破之駕幸城中誣譟請罪馬前詔以兵

衛誣譟及族屬以出祭告天地復還軍中二月庚寅安邊鄭頡南海定理

等府洎諸道節度刺史來朝慰勞遣之以所獲器幣諸物賜將士壬辰以

青牛白馬祭天地大赦改元天顯以平渤海遣使報唐甲午復幸忽汗城

閱府庫物賜從臣有差以奚部長勃魯恩王郁自回鶻新羅吐蕃党項室

韋沙陀烏古等從征有功優加賞賚丙午改渤海國為東丹忽汗城為天

福册皇太子倍。爲人皇王以主之。以皇弟迭刺爲左大相。渤海老相爲右大相。渤海司徒大素賢爲左次相。耶律羽之爲右次相。赦其國內殊死以下。三月戊午。遣夷离董康默記。左僕射韓延徽。攻長嶺府。按長嶺府自忽汗城始破時城守不己。已安邊鄭頡定理三府叛。遣安端討之。丁丑三府平。壬午安端獻俘。誅安邊府叛帥二人。甲申幸天福城。乙酉班師。以大誣譟舉族行。五月辛酉南海定理二府復叛。大元帥堯骨討之。六月丁酉二府平。秋七月丙辰。鐵州刺史衛均反。乙丑堯骨攻拔鐵州。辛未衛送大誣譟于皇都西築城以居之。賜誣譟名曰烏魯古。妻曰阿里只。按國語解烏魯古阿里只太乘二馬名也。因賜辛巳太祖崩于扶餘府。皇后權決軍國事。八月辛卯。康默記等攻下長嶺府。壬寅堯骨討平諸州。奔赴行在。乙巳人皇王倍繼至。同。上。○册。府。元。龜。唐。明。宗。天。成。元。年。十。一。月。青。州。霍。彥。威。奏。得。登。州。狀。申。契。丹。先。發。諸。部。攻。逼。海。國。自。阿。保。機。身。死。雖。已。抽。退。尙。留。兵。馬。在。海。城。夫。餘。城。○。今。按。天。成。元。年。即。遼。兵。士。顯。元。年。也。

周世宗顯德初。渤海酋豪崔烏斯等三十三人來歸。渤海自唐梁後唐。

朝貢不絕。後唐天成初。爲契丹阿保機攻夫餘城下之。阿保機死。渤海王復攻夫餘不能克。歷長興清泰。遣使朝貢。周顯德後。隔絕不能通中國。宋史

宋太宗太平興國六年。太宗欲大舉征遼。七月丙午。賜烏舍城清渝府渤海瑛府王詔。略曰。蠢茲北戎。歷世逋誅。非理構怨。輒肆荐食。日昨出師。斬獲甚衆。今欲鼓行深入。席卷長驅。焚其龍庭。大殲醜類。素聞爾國密邇寇讐。迫於吞並。力不能制。因而服屬。困於率割。所宜盡出族帳。佐予兵鋒。俟其剪滅。沛然封賞。朔漠之外。悉以相與。勗乃協力。朕不食言。同上

淳化二年冬。以渤海不通朝貢。詔女真攻之。同上

遼聖宗開泰七年。親征渤海。遼史

太平九年秋八月。東京舍利軍詳穩大延琳。按延琳渤海高麗王七世孫囚留守駙馬都尉蕭孝先。遂僭位號其國爲興遼。年爲天慶。按高麗史時南北女真

皆從延琳。高麗亦稽其貢。冬十月以蕭孝穆爲都統。以討之。上同

十年八月擒延琳渤海平。上同

上同

天祚天慶五年二月。饒州渤海古欲等反。自稱大王。上同

六年春正月丙寅朔。東京夜有惡少年十餘人。乘酒執刃踰垣入留守

府。刺殺留守蕭保先。其裨將渤海高永昌。僭號稱隆基元年。閏月遣蕭

韓家奴張琳討之。四月蕭韓家奴等復爲永昌所敗。五月清暑散木原

女真軍攻下瀋州。復陷東京。擒高永昌。東京州縣族人等皆降女真。上同

七年春正月女真軍攻春州。渤海人皆降。上同

金太祖收國二年四月乙丑。以幹魯統諸軍。與闐毋蒲察廸古乃合。咸州路都統幹魯古等伐高永昌。詔曰永昌誘脅戍卒竊據一方。直投其隙而取之爾。此非有遠大計。其亡可立而待也。東京渤海人德我舊矣。易爲招懷。如其不從。卽議進討。無事多殺。高永昌渤海人。在遼爲裨將。以兵三千屯東京入甌口。永昌見遼政日敗。太祖起兵遼人不能支。遂

覬覦非常。是時東京漢人與渤海人有怨。而多殺渤海人。永昌乃誘諸渤海并其戍卒。入據東京。旬月之間遠近響應。有兵八千人。遂僭稱帝。改元隆基。遼人討之久不能克。永昌使撻不野初合。以幣求救於太祖。且曰願併力以取遼。太祖使胡沙補往諭之曰若能歸款當處以王爵。仍遣係遼籍女真胡突古來。高永昌使撻不野與胡沙補胡突古偕來。而永昌表辭不遜。且請還所俘渤海人。太禍留胡突古不遣。遣大藥師奴與撻不野往招諭之。五月幹魯進攻瀋州取之。永昌大懼。使家奴鐸刺以金印一銀牌五十來。願去名號稱藩。幹魯使胡沙補撒入往報之。會渤海高禎降。言永昌非真降者。特以緩師爾。幹魯進兵。永昌遂殺胡沙補等。率衆來拒。遇于沃里活水。永昌之軍不戰而却。遂北至東京城下。明日永昌盡率其衆來戰。復大敗之。遂以五千騎奔長松島。初太祖下寧江州獲東京渤海人皆釋之。往往中道亡去。諸將請殺之。太祖曰既已克敵下城。何爲多殺。至是東京人恩勝奴仙哥等執永昌妻子以

城降。即寧江州所釋東京渤海人也。未幾撻不野執永昌及鐸刺以獻。皆殺之。於是遼之南路係籍女真及東京州縣盡降。詔除遼法省賦稅。置猛安謀克。一如本朝之制。金史

渤海國去燕京女真所都皆午五百里。以石累城足東並海。其王舊以大爲姓。右姓曰高張楊竇烏李。不過數種。部曲奴婢無姓者。皆從其王。婦人皆妬悍。大氏與他姓相結爲十姊妹。迭幾察其夫不容側室及他游。聞則必謀置毒死其所愛。一夫有所犯而妻不之覺者九人。則羣聚而詬之。爭以嫉忌相夸。故契丹女真諸國皆有女倡。而其良人皆有少婦侍婢。唯渤海無之。男子多智謀驍勇。出他國右至有三人。渤海當一虎之語。契丹阿保機滅其王大誣譏。徙其名帳千餘戶于燕。給以田疇。捐其賦入。往來貿易關市皆不征。有戰則用爲前驅。天祚之亂。其聚族立姓大者於舊國爲王。金人討之軍未至。其貴族高氏棄家來降。言其虛實。城後陷。契丹所遷民益蕃至五千餘戶。勝兵可三萬。金人慮其難

制。頻年轉戍山東。每徙不過數百家。至辛酉歲盡驅以行。其人大怨。富室安居。踰二百年。往往爲園池。植牡丹。多至三二百本。有數十幹叢生者。皆燕地所無。纔以十數千或五千。賤買而去。其居故地者。令歸契丹。舊爲東京置留守。有蘇扶等州。蘇與中國登州青州相直。每大風順。隱

隱聞鷄犬聲。松漢記

按遼天顯元年。即後唐天忽汗城既破。誣譏遷于臨漠。光顯奔于高

麗。然而遼史稱太祖有英雄之度。以其滅渤海存其族帳。亞于遙輦

也。遼東北路管押司有渤海部西北渤海部太宗時。治渤海人。一依漢法。餘無所改其俗

焉。至聖宗統和開泰之間。或遣使來貢。或出師親征。而蕭韓家奴曰。渤海女真高麗合從連橫。後唐長興清泰之際。連年修職貢使不絕。五代史云。訖周世宗顯德。渤海使常來。宋太平興國中。賜詔於瑛府王。而淳化二年。以渤海不通朝貢。命女真攻之。胡三省云。渤海更五代。至於宋耶律。雖屢加兵不能服也。以此觀之。渤海雖亡。而猶有餘

部也。宋史宋琪傳。琪諭邊事曰。渤海兵馬土地盛於奚帳。雖勉事契丹。俱懷殺主破國之怨。終致延琳永昌相繼構亂。及春州饒州諸部。渤海動輒乘釁。終遼之世。叛附無常。不能制焉。然而周世宗顯德以後事實。則俱係誣譟。降遼之後。故今畧之。以附於末焉。

又按耶律氏。即徙渤海名帳于內地。置渤海軍詳穩及渤海軍都指揮使司。屬遼陽路。以控制高麗。有事則徵發。如天慶四年女真攻江寧州遣海州刺史高仙壽統

渤海軍應 凡徵諸道兵。惟渤海兵馬雖奉詔未敢發。必以聞上。遣大將持金魚符合然後行。凡行師對敵。渤海軍常居前最強。金史宗幹傳太祖伐

遼宗幹先往渤海軍馳突而前 又置渤海帳司。其官屬有渤海宰相。左翼七謀克。少却遂犯中軍。又置渤海帳司。其官屬有渤海宰相。如太平八年九月以渤海宰相羅漢權東京統軍使之類 渤海太保。如太平九年渤海宰相羅漢權東京統軍使之類。渤海太保。如太平九年渤海宰相羅漢權東京統軍使之類。

八年。又置東京渤海承奉官。官有都押班 以統之。又置渤海樞密院。至金初。慮其難制。常招來懷柔。太祖敗遼兵于境上。使梁福幹答刺。招諭

渤海人曰女真。渤海本同一家。蓋其初皆勿吉之七部也。收國二年。詔自今渤海部民已降。或俘獲。官其酋長。且使從宜居處。天輔二年。以渤海軍置八猛安。是年七月癸未詔曰渤海大家奴等謀克貧乏。久不知登耗。可又置東京路渤海萬戶。管押東京路渤海萬戶。以其數以聞。 又置東京路渤海萬戶。金史列傳世宗時高松充以 相統攝。迨夫國勢寢盛。則皇統五年。罷遼東渤海漢人承襲猛安謀克之制。漸移兵柄歸其內族。食貨志凡漢人渤海人 九年八月。從宰臣之議。徙遼陽渤海之民於燕南。後又頻年轉戍山東。至辛酉歲。盡驅以行。其居故地者。或歸契丹。而渤海之種。遂絕無聞矣。

海東釋史卷第十一終

海東釋史卷第十二

世紀十二

高麗一

按高麗之麗。當音離。張位發音錄云。高麗之麗。圈發平聲是也。或以爲取義於山高水麗者非也。蓋高麗起於高句驪舊地。故稱高麗也。王氏之先。東史或以爲出於唐宣宗。而此不可詳。然世仕新羅。至太祖。父金城太守隆。始居松嶽。生太祖。及長。仕弓裔爲侍中。及弓裔政亂。將士推戴。遂因以建國。而薛居正舊史唐餘錄。歐陽史徐兢圖經。皆云。王氏代高氏得國。宋史因之。亦云。後唐同光天成中。其主高氏累奉職貢。長興中。權知國事王建承高氏之位。遣使朝貢。皆誤也。胡三省通鑑注已詳其非。今不必多辨。蓋唐書高氏君長。已絕於永淳。唐高宗垂拱武后之後。則安得於同光天成中奉貢中國哉。且王氏

立國。在後梁貞明四年。則又在同光天成之前矣。

後梁均王龍德二年。太祖五年太封王躬躬又封躬又按東史太封躬又作弓裔性殘忍。海軍統

帥王建殺之自立。復稱高麗王。以開州爲東京。平壤爲西京。建儉約寬厚

國人安之。資治通鑑○本注徐高麗圖經曰高麗王建之先高麗大族

權知國事請命于明宗乃拜建大義軍遂封高麗王按徐兢宣和之間使

高麗進圖經紀載疎略因其國人傳聞遂謂建得國於高氏之後不知建

而實得國也

後唐莊宗同光元年。太祖六年高麗遣使廣評侍郎韓申一。副使春府少卿朴

巖來。高麗本扶餘人之別種也。其國地君世見於唐。按此指高句比他

夷有姓氏。而其官號畧可曉其義。並五代史

遼太祖天顯元年。太祖九年三月丁未。來貢。遼史○按前此神冊三年即梁

後唐明宗長興三年。太祖十年三月。權知國事王建遣使者來。建高麗大族

也。五代史五月。按五代史甲寅。作制權知高麗國事王建。可特進簡較太保使

持節立菟州都督上柱國封高麗國王。充大義軍使。七月。詔高麗國王建

妻河東柳氏。可封河東郡大夫。高麗入朝使大相王儒。奏請也。冊府元龜

晉高祖天福元年。太祖九年高麗王建用兵。擊破新羅百濟。於是東夷諸國

皆附之。有二京六府九節度百二十郡。資治通鑑○南唐書吳天祚二年

羅百濟於是倭耽浮羅鐵勒東夷諸國皆附之。賜宴其後。史冊殘缺

書稱。廢儀式。如表。而不稱。臣烈祖御武功殿。見其使。賜宴其後。史冊殘缺

來與否。不可。致矣。○按高麗史。太祖十八年乙未。其使。賜宴其後。史冊殘缺

新羅王金。溥。後百濟。甄萱。皆來降。遂統合三年。韓地。

三年。太祖二年八月。青州王建立。奏高麗國宿衛質子王仁翟。乞放歸鄉里。

可之。冊府元龜

遼會同二年。太祖二年春正月乙巳。以受晉冊。遣使報高麗。遼史

晉天福六年。太祖十四年五月。制高麗國王王建。可開府儀同三司。簡較太師。

依前使持節。立菟州都督。充大義軍使。食邑一萬戶。食實封一千戶。高麗

國王。八月。遣光祿卿張澄。國子博士謝攀。往冊命焉。冊府元龜天福中。有西

域僧。襪囉來朝。善火卜。俄辭高祖。請游高麗。王建甚禮之。時契丹併渤海

之地。有年矣。建因從容謂襪囉曰。渤海本吾親戚之國。其王為契丹所虜。

吾欲為朝廷。攻而取之。且欲平其舊怨。師迴。為言於天子。當定期兩襲之。

襪囉還具奏。高祖不報。續通典

齊王開運二年。惠宗二年建卒。子武立。十一月戊戌。封武為高麗國王。五代史

麗太祖以天福八年癸卯薨。此云開運二年。蓋從其來告而書。帝與契丹為仇。襪囉復言之。帝欲使高

麗擾契丹東邊。以分其兵勢。會建卒。子武自稱權知國事。上表告喪。十一

月戊戌。以武為大義軍使。高麗王遣通事舍人郭仁遇。使其國諭指。使擊

契丹。仁遇至其國。見其兵極弱。曷者襪囉之言。特建為誇誕耳。實不敢與

契丹為敵。仁遇還。武更以它故為解。資治通鑑

後漢隱帝乾祐四年。武卒。子昭立。王氏三世終五代。常來朝貢。其立也必

請命中國。中國常優答之。五代史○按高麗史。惠宗在位四年。薨。母弟昭立。是

為光宗元年。庚戌。即漢乾祐三年也。歐陽史及圖經。宋史皆以光宗為惠宗。此子誤也。

周太祖廣順二年。光宗三年正月。權知高麗國事王昭。遣廣評侍郎徐逢等來

朝貢。二月。制昭可特進。簡較太保。使持節。立菟州都督。上柱國。充大義軍

使封高麗王。仍令所司請禮册命。以太僕少卿王演充高麗國册禮使。右衛率府呂繼贇充使副。册府元龜○按五代史王演是年九月使高麗

世宗顯德二年光宗六年十一月遣廣評侍郎荀質來賀登極。授其國王王昭。

開府儀同三司簡較太尉。依前使持節立菟州諸軍事。行立菟州都督充

大義軍使高麗國王。勳如故。同上

六年光宗十年恭帝即位。加高麗國王王昭簡較太師。食邑三千戶。八月遣使

朝兼進別序孝經一卷。越王孝經新義八卷。皇靈孝經一卷。孝經雌圖二

卷。同上

宋太祖建隆三年光宗三年十月。昭遣其廣評侍郎李興祐。副使李希勵。判

官李彬等來朝貢。宋史

四年光宗四年春。制開府儀同三司檢校太師立菟州都督充大義軍使高

麗王昭。可加食邑七千戶。仍賜推誠順化保義功臣號。○高麗圖經皇朝建隆三年太祖皇

帝建極奄有萬國高麗王昭遣使來朝賜以功臣之號仍加食邑九月遣使時贊等來貢。涉海值大風。船

破溺死者七十餘人。贊僅免。詔勞恤。同上

開寶五年光宗三年秋七月庚寅。遣使以方物來獻。制加食邑。賜推誠順化

守節保義功臣。進奉使內議侍郎徐熙。加檢校兵部尚書。副使內奉卿崔

鄴。加檢校司農卿。並兼御史大夫。判官廣評侍郎康禮。試少府少監。錄事

廣評員外郎劉隱。加檢校尚書金部郎中。皆厚禮遣之。同上

八年光宗六年昭卒。其子仙領權國事。同上○按宋史無年條故從東史正之

九年景宗元年九月庚午。仙遣使趙遵禮奉貢。以父沒當承襲來聽朝旨。授仙

檢校太保立菟州都督大義軍使。封高麗國王。太宗即位。加檢校太傅。改

大義軍爲太順軍。遣左司禦副率于延超。司農寺丞徐昭文使其國。仙遣

國人金行成入就學於國子監。同上

太宗太平興國二年景宗二年十二月。遣其子元輔。以良馬方物兵器來貢。其

年行成擢進士第。同上

三年景宗三年又遣使貢方物兵器。加仙檢校太師。以太子中允直舍人院張

洎著作郎直史館句中正為使。同上

七年。成宗元年 仙卒。按麗史景宗以太平興國六年辛巳薨 其弟治知國事。遣使金全奉金銀線

罽錦袍褥金銀飾刀劍弓矢名馬香藥來貢。因求襲位。授治檢校太保玄

菟州都督充大順軍使。封高麗國王。以監察御史李巨源禮記博士孔維

奉使。同上

遼聖宗統和元年。成宗二年 十月。將征高麗。親閱東京留守耶律抹只所總兵

馬。丙午命宣徽使兼侍中蒲領林牙肯德等將兵東討。賜旗鼓及銀符。遼史

三年。成宗四年 秋七月甲辰朔。詔諸道繕甲兵。以備東征高麗。八月癸酉。以遼

澤沮洳。罷征高麗。同上

宋雍熙二年。成宗四年 加治檢校太傅。遣翰林侍書王著侍讀呂文仲充使。宋史

三年。成宗五年 出師北伐。以其國接契丹境。常為所侵。遣監察御史韓國華賚

詔諭之。詔見藝文志 先是契丹伐女真國。路出高麗之界。女真意高麗誘導構

禍。因貢馬來懇于朝。且言高麗與契丹結好。倚為勢援。剽畧其民不復放

還。及高麗使韓遂齡入貢。按遂齡入貢在雍熙元年 太宗因出女真所上告急木契。以

示遂齡。仍令歸白本國。還其所俘之民。治聞之憂懼。及國華至。令人言於

國華曰。前歲冬末。女真馳木契來告。稱契丹興兵入其封境。恐當路未知。

宜豫為之備。當道與女真雖有鄰國。而路途遐遠。彼之情偽素知之矣。貪

而多詐。未之信也。其後又遣人告曰。契丹兵騎已濟梅河。當道猶疑不實。

未暇營救。俄而契丹雲集。大擊女真。殺獲甚眾。餘族敗散。逃遁。而契丹壓

背追捕。及于當道西北。德昌德威化光化之境。按德昌今博川郡。德威今雲山

郡光化今泰川縣 俘擒而去。時有契丹一騎至德來河北。按當道北界 大呼闕城戍

卒而告曰。我契丹之騎也。女真寇我邊鄙。率以為常。今則復仇已畢。整兵

回矣。當道雖聞師退。猶憂不測。乃以女真避兵來奔。二千餘眾。資給而歸

之。女真又勸當道控梅河津要。築治城壘。以為防遏之備。亦以為然。方令

行視興功。不意女真潛師奄至。殺畧吏民。驅掠丁壯。沒為奴隸。轉徙他方。

其歲貢中朝。不敢發兵報怨。豈期反相誣構。以惑聖聽。當道世稟正朔。踐

修職貢。敢有二心。交通外國。况契丹介居遼海之外。復有大梅小梅二河之阻。女真渤海本無定居。從何徑路以通往復。橫羅讒謗。憤氣填膺。日月至明。諒垂昭鑒。聞者女真逃難之衆。罔不存恤。亦有授以官秩。尚在當國。其職位高者。有勿屈尼于郝元尹。能達郝老正。衛迦耶夫等十數人。欲望召赴京闕。與當道入貢之使。庭辨其事。則丹石之誠。庶幾昭雪。國華諾之。乃命發兵西會。治遷延未即奏。詔國華屢督之。得報發兵而還。具錄女真之事以奏焉。十月遣本國學士崔罕王彬。詣國子監肄業。上同

端拱元年。成宗七年加治檢校太尉。以考功員外郎兼侍御史知雜事呂端起居舍人呂祐之爲使。上同

二年。成宗八年遣使來貢。詔其使選官侍郎韓藺卿副使兵官郎中魏德柔並授金紫光祿大夫判官少府丞李光授檢校水部員外郎。先是治遣僧如可。賫表來覲。請大藏經。至是賜之。仍賜如可紫衣。令同歸本國。上同
淳化元年。成宗九年三月詔加治食邑千戶。遣戶部郎中柴成務兵部員外郎

直史館趙化成往使。其國俗言陰陽鬼神之事。頗多拘忌。每朝廷使至。必擇良月吉辰。方具禮受詔。成務在館踰月。乃遣書於治曰。王奕葉藩輔。尊獎王室。凡行大慶。首被徽章。今國家特馳信使。以申殊寵。非止歷川塗之綿邈。亦復蹈溟海之艱危。皇朝眷遇。斯亦隆矣。而乃牽於禁忌。泥於卜數。眩惑日者之浮說。稽緩天子之命書。惟典冊之垂文。非卜祝之能曉。是以書稱上日。不推六甲之元辰。禮載仲冬。但取一陽之嘉會。粲然古訓。足以明稽。所宜改圖。速拜君賜。儻鳳紵無滯。克彰拱極之誠。則龍節有輝。免貽辱命之責。謹以誠告。王其聽之。治覽書。慚懼遣人致謝焉。會霖雨不止。仍以俟霽爲請。成務復遣書以責之。治翊日乃出拜命。上同
二年。成宗十年遣使韓彥恭來貢。彥恭表述治意。求印佛經。詔以藏經。並御製秘藏詮。逍遙詠蓮花心輪賜之。上同
遼統和十年。成宗十一年十一月。以東京留守蕭恒德等伐高麗。遼史
宋淳化四年。成宗十二年正月。治遣使白思柔貢方物。並謝賜經及御製。二月

遣秘書丞直史館陳靖。秘書丞劉式爲使。加治檢校太師。仍降詔存問軍吏耆老。靖等自東牟趣八角海口。得思柔所乘海船。及高麗水工。即登程。自芝岡島順風泛大海。再宿抵襄津口。登陸。行百六十里。抵高麗之境。曰海州。又百里至閻州。又四十里至白州。又四十里至其國。治迎使于郊。盡藩臣禮。延留靖等七十餘日而還。遣以襲衣金帶金銀器數百兩。布三萬餘端。付表稱謝。先是三年。上親試諸道貢舉人。詔賜高麗賓貢進士王彬崔罕等及第。既授以官。遣還本國。至是靖等使回。治上表謝。表見藝文志又有張仁銓者。進奉使白思柔之孔目吏也。上書獻便宜。思柔意其持國陰事。以告。仁銓懼不敢歸。上命靖等領以還國。仍詔治釋仁銓罪。治又上表謝。表見藝文志又上言。願賜板本九經書。用敦儒教。許之。先是式等復命。治遣使元證衍送之。證衍至安香浦口。值風損船。溺所賫物。詔登州給證衍文據。遣還。仍賜治衣段二百疋。銀器二百兩。羊五十口。宋史

遼統和十一年。成宗二年三月。高麗王治遣朴良柔奉表請罪。詔取女真鴨

遼江東數百里地賜之。遼史

十二年。成宗三年三月丁巳。高麗遣使請所俘人畜。詔贖還。丙寅遣使撫諭

高麗。同上

宋淳化五年。成宗三年六月。遣使元都來乞師。懇以契丹寇境。朝廷以北部

甫寧。不可輕動干戈。爲國生事。但賜詔慰撫。厚禮其使。遣還。自是受制于

契丹。朝貢中絕。宋史。按東契丹年號。自是與宋絕。

遼統和十三年。成宗四年十一月辛酉。遣使册王治爲高麗國王。戊辰高麗遣

童子十人來學本國語。遼史

十四年。成宗五年三月壬寅。高麗王治表乞爲婚。許以東京留守駙馬蕭恒

德女嫁之。庚戌高麗復遣童子十人來學本國語。六月己丑。遣使來問

起居。後至無時。並同上

十五年。成宗六年十月遣韓彥敬來納聘幣。吊駙馬蕭恒德妻越國公主薨。十

一月。治薨。姪誦遣王同穎來告。十二月甲寅。遣使祭高麗王治。詔其姪權

知國事。並同上。按高麗史穆宗誦即景宗長子。於成宗為堂姪。宋史云治卒弟誦立者誤。

十六年。穆宗元年冬十一月。遣使册高麗國王誦。同上。

宋真宗咸平三年。穆宗三年。誦嘗遣兵校徐遠來候朝廷德音。遠久不至。其臣

吏部侍郎趙之遴命牙將朱仁紹至登州偵之。州將以聞。上特召見仁紹

自陳國人思慕皇化。為契丹羈制之狀。乃賜誦鈿函詔一道。令仁紹賚還。

宋史。遼統和二十年。穆宗五年。二月丁丑。遣使來賀伐宋捷。秋七月辛丑。遣使來貢

本國地里圖。遼史。

宋咸平六年。穆宗六年。誦遣使戶部郎中李宣古來朝謝恩。且言晉割燕薊以

屬契丹。遂有路輒通玄菟。屢來攻伐。求取不已。乞王師屯境上。為之牽制。

詔書優答之。宋史。

遼統和二十二年。穆宗七年。九月己丑。以南伐諭高麗。遼史。

二十三年。穆宗八年。五月丙寅。以與宋和。遣使來賀。同上。

二十八年。顯宗元年。五月丙午。高麗西京留守康肇弒其主誦。擅立誦從兄詢。

按麗史康肇以統和二十七年己酉弒穆宗立顯宗。詢即太祖第八子。郁之子。於穆宗為從叔。遼史云從兄。宋史及圖經皆以為穆宗之弟。並誤。

詔諸道繕甲兵。以備東征。帝謂群臣曰。高麗康肇弒其君誦。立誦族兄

詢而相之。太逆也。宜發兵問其罪。羣臣皆曰。可。蕭敵烈曰。國家連年征討

士卒抗幣。况陛下在諒陰。年穀不登。瘡痍未復。島夷不國。城壘固完。勝不

為武。萬一失利。恐貽後悔。不如遣一介之使。往問其故。彼若伏罪。則已。不

然。俟服除。歲豐。舉兵未晚。時令已下。言雖不行。識者韙之。八月丁卯。自

將伐高麗。遣使報宋。以皇弟楚國王隆祐留守京師。北府宰相駙馬都尉

蕭排押為都統。北面林牙僧奴為都監。九月辛卯。遣樞密直學士高正。引

進使韓杞。宣問高麗王詢。冬十月丙午朔。女真進良馬萬疋。乞從征高麗

許之。王詢遣使奉表乞罷不許。十一月乙酉。大軍渡鴨綠江。康肇拒戰

敗之。退保銅州。耶律益奴為先鋒。至銅州。康肇分兵為三以抗我軍。一

營于州西。據三水之會。肇居其中。一營近州之山。一附城而營。丙戌。益奴

率耶律弘古與右皮室詳穩耶律敵魯擊破三水營擒肇及副將李玄蘊等軍望風潰會大軍至追殺數十里斬首三萬餘級獲所棄糧餉鎧仗戊子銅霍貴寧等州皆降蕭排押將兵由北道進至奴古達嶺遇敵兵戰敗之辛卯王詢遣使上表請朝許之禁軍士俘掠以政事舍人馬保佑為開京留守安州團練使王八為副留守遣太子太師乙凜將騎兵一千送保佑等赴京又遣高正迓王詢入朝壬辰高麗守將卓守正殺遼使者韓喜孫等十人領兵出拒高正館于路為思正所圍正以勢不可敵與麾下壯士突圍而出士卒死傷者衆保佑等還遣乙凜領兵擊之思正遂奔西京圍之五日不克太宗駐蹕城西高麗禮部郎中渤海陀失來降庚子遣排押盆奴等攻開京至西嶺遇高麗兵破之斬數千級高麗王詢聞邊城不守棄城奔平州排押盆奴等入開京大掠焚其王宮乃撫慰其民人至清江而還竝同上

論曰高句驪弑其君誦而立詢遼興問罪之師宜其簞食壺漿以迎除

舍以待而迺乘險旅拒俾智者竭其謀勇者窮其力雖得其要領而顯顥獨居一海之中自若也豈服人者以德而不以力歟况乎殘毀其宮室係累其民人所謂以燕伐燕也歟嗚呼朱崖之棄捐之之力也敵烈之諫有焉同上

宋大中祥符三年顯宗元年先是契丹既襲高麗遂築六城曰興州曰鐵州曰通州曰龍州曰龜州曰郭州于境上契丹以為貳己遣使來求六城詢不許遂舉兵奄至城下焚蕩宮室剽劫居人詢徙居昇羅州以避之兵退乃遣使請契和丹堅以六城為辭自是調兵守六城按麗史成宗時築六城契丹大舉來伐詢與女真設奇邀擊殺契丹殆盡詢又于鴨綠江東築城與來遠城相望跨江為橋潛兵以固新城宋史契丹聲言征高麗駐遼陽城也真宗謂王朝等曰契丹征高麗萬一高麗窮蹙或歸於我或來乞帥何以處之朝曰當顧其大者契丹方固盟好高麗貢奉累歲不至上曰然可諭登州待其高麗有使來乞師即語以累年貢奉不入不敢達於朝廷如有歸投

者第存撫之亦不須以聞倚覺察雜記

遼統和二十九年顯宗二年春正月乙亥朔班師所降諸城復叛至貴德州南

峻嶺谷大雨連日霽乃得渡馬馳皆疲甲仗多遺棄己丑次鴨綠江壬辰

詔罷諸軍二月戊午以所俘高麗人分置諸陵廟餘賜內戚大臣遼史

開泰元年顯宗三年夏四月庚子高麗遣蔡忠順來乞稱臣如舊詔王詢親朝

八月己未高麗王遣田拱之奉表稱病不能朝詔復取六州地同上

二年顯宗四年六月辛酉朔遣中丞耶律資忠使高麗取六州舊地八月己丑

資忠使高麗還十月丙寅詳穩張馬留獻女真人知高麗事者上問之

曰臣三年前為高麗所虜為郎官故知之自開京東馬行七日有大砦廣

如開京傍州所貢珍異皆積于此勝羅等州按勝羅州宋史作昇羅州之南亦有二大

砦所積如之若大軍行由前路取曷蘇館女真北直渡鴨綠江並大河而

上至郭州與大路會高麗可取而有也同上

三年顯宗五年二月甲子遣上京副留守耶律資忠復使高麗取六州舊地

五月詔國舅詳穩蕭敵烈東京留守耶律團石等討高麗造浮梁于鴨綠江城保宣義定遠等州並同上

宋大中祥符七年顯宗五年方遣告奏使御事工部侍郎尹證古以金線織成

龍鳳鞍並繡龍鳳鞍幞各二幅細馬二匹散馬二十四匹來貢證古還賜詢

詔書七通並衣帶銀綵鞍勒馬等宋史○高麗圖經高麗王詢大破契丹

正朔又求封冊真宗初欲俯從女真亦遣將軍大千機隨高麗使入貢

議者難之遂寢止從班詔而已女真蓋古肅慎氏世居混同江之東長白山鴨綠水之源南隣高麗北接

室韋西界渤海鐵甸東瀕海其酋本新羅人號完顏氏猶漢言王也女真

服其練事以首領推之淳化二年以渤海不通朝貢詔女真攻之反獲一

級以絹五匹為質其後遂歸高麗服屬焉大中祥符三年契丹征高麗道

由女真女真與高麗合兵拒之契丹大喪師而還至是與高麗使偕來館

餼宴賜之禮並與高麗使同八年復有使隨高麗使至文獻通考

八年顯宗六年詔登州置館於海次以待高麗使者其年又遣御事民官侍郎

郭元來貢。元自言本國國境南北千五百里。東西二千里。元辭貌恭恪。每受宴賜。必自爲謝表。粗有文采。朝廷待之亦厚。宋史

遼開泰四年。顯宗六年四月甲寅。蕭敵烈等伐高麗還。五月辛巳。命北府宰相

劉晟爲都統。樞密使耶律世良爲副。殿前都點檢蕭屈烈爲都監。以伐高

麗。晟致緩師期。追還之。以世良屈烈總兵進討。遼史

五年。顯宗七年春正月庚戌。耶律世良蕭屈烈按屬國表作蕭善寧與高麗戰于郭州西

破之。斬首數萬級。盡獲其輜重。同上

宋太中祥符九年。顯宗七年高麗使郭元辭還。賜詔書七函。襲衣金帶器幣

鞍馬及經史曆日聖惠方等。元又請錄國朝登科記及所賜御詩以歸。從

宋史

天禧元年。顯宗八年遣御事刑官侍郎徐訥。奉表獻方物于崇政殿。又賀封建

壽春郡王。同上

遼開泰六年。顯宗八年二月丁丑。詔國舅帳詳穩蕭隗注。將本部兵東征高麗。

五月戊戌朔。樞密使蕭合卓爲都統。漢人行宮都部署王繼忠爲副。殿前

點檢蕭屈烈爲都監。以伐高麗。九月乙卯。蕭合卓等攻高麗興化軍。不克

還師。遼史

七年。顯宗九年八月丙辰。詔以東平郡王蕭排押爲都統。殿前都點檢蕭虛烈

爲副總。東京留守耶律八哥爲都監。伐高麗。仍諭高麗守吏。能率衆自歸

者厚賞。堅壁相距者追悔無及。十二月。蕭排押等至開京。敵奔潰。縱兵

俘掠而還。濟茶陀二河。高麗追兵至。諸將皆欲使敵渡兩河擊之。獨耶律

八哥以爲不可。曰。敵若渡兩河。必殊死戰。乃危道也。不若擊之於兩河之

間。排押從之。戰于二河之間。敵夾射。遼軍失利。排押委甲仗走。天雲右皮

室二軍沒溺者衆。天雲軍詳穩海里。遙輦詳穩阿果達。客省使酌古渤海。

詳穩高清明等。皆沒于陣。並同上

八年。顯宗十年三月乙亥。東平王蕭韓寧。東京留守耶律八哥。國舅平章事蕭

排押。林牙要只等。討高麗還。坐失律數其罪而釋之。己卯。詔加征高麗有

功渤海將校官。六月戊子。錄征高麗戰歿將校子弟。乙巳以南皮軍校等。討高麗有功。賜金帛有差。秋七月己未。征高麗戰歿諸將。詔益封其妻。錄其子弟。辛酉。看里涅哥二奚軍。征高麗有功。皆賜金帛。八月庚寅。遣郎君曷不式等。率諸部兵會大軍討高麗。十二月辛亥。王詢遣使乞貢方物。詔納之。同上

宋天禧三年顯宗十年九月。登州言高麗進奉使禮賓卿崔元信。至秦王水口。遭風覆舟。漂失貢物。詔遣內臣撫之。十一月。元信等入見。貢罽錦衣褥烏漆甲。金飾長刀匕首。罽錦鞍馬。紵布藥物等。又進中布二千端。求佛經一藏。詔賜經還布。以元信覆溺匱乏。別賜衣服繒綵焉。明州登州屢言高麗海船。有風漂至境上者。詔令存問。給度海糧。遣還。仍為著例。宋史
遼開泰九年顯宗十年五月庚午。耶律資忠使高麗還。王詢表請稱藩納貢。歸所留王人只刺里。只刺里在高麗六年。忠節不屈。以為林牙。辛未。遣使釋王詢罪。並允其請。遼史

宋天禧五年顯宗十年。詢遣告奏使御事禮部侍郎韓祚等一百七十九人。來謝恩。且言與契丹修好。又表乞陰陽地理書聖惠方。並賜之。宋史

乾興元年顯宗三年十二月。祚等辭歸國。賜詢如故事。會真宗晏駕。又賚遺物以賜詢。同上

仁宗天聖八年顯宗二年。詢復遣御事民官侍郎元穎等二百九十三人。奉表入見於長春殿。貢金器銀罽刀劍鞍勒馬香油人蓆細布銅器硫黃青鼠皮等物。同上○高麗圖經。天子加恩。報禮優異。與女。

九年顯宗二年二月。元穎等辭歸。賜予有差。遣使護送至登州。其後絕不通中國者四十年。同上○高麗圖經。高麗王詢卒。子隆立。優柔不斷。政荒。正子德王欽。欽弟穆王亨。皆朝貢不通。而隆諡正之。君罷遣使。○按高麗史。顯宗薨。太子欽立。是為德宗。其間無名。隆諡正之。君罷遣使。○按高麗史。遼太平十一年顯宗二年十二月辛丑。高麗王詢薨。其子欽遣使來報。即命使册欽為高麗國王。遼史○謹按麗史。顯宗詢以遼太平十一年辛未薨。之正。

七年德宗十一月癸亥。以三韓王欽。為啓聖軍節度使。同上○謹按德宗

壬申立三年甲戌。薨則其為啓聖軍節度使。欽以遼重熙元年

當是重熙初年事也。謂之太平七年者甚誤。

興宗重熙十五年。靖宗十八月癸丑。高麗王欽薨。遣使來告。同上○按麗

遼重熙三年甲戌。薨弟靖宗。是以重熙四年乙亥立。在位十二年。始來告耶。

丙戌。薨而遼史以德宗薨於是年。書之或當時國內多故。今始來告耶。

二十三年。文宗六月壬寅。高麗王徽請官其子。詔加檢校太尉。同上

宋神宗熙寧二年。文宗二年。高麗王詢孫徽嗣立。是為文王。按文宗即顯宗

史以為顯宗之孫。誤也。其國禮賓省移牒福建轉運使羅拯云。本朝商人

經為穆王亨弟徽是也。令招接通好。奉國王旨。意形于部述。文見藝

黃真洪萬。來稱運使奉密旨。今以公狀付真萬西還。俟得報音。即備禮朝貢。徽又自言。嘗夢至中華。作

詩。記其事。宋史○蓬臆日錄高麗宋端拱後不入貢王徽立一夕夢至中華

三年。文宗二年。拯以聞朝廷。議者亦謂可結之以謀契丹。神宗許焉。命拯諭

以供擬腆厚之意。徽遂遣民官侍郎金悌等百十人來。詔待之如夏國使。

藝○詩見

文志

同檢詳○東坡集元祐二年二月十七日見王伯虎炳之言昔為樞密院禮

房向慕中國之意歸而奏之先帝始有招徠之意樞密使呂公弼因而迎

合親書劄子乞招致遂命發運使羅拯遣商人招之天下知罪拯而不

蓋罪不足道也誠一

七年。文宗二年。遣其臣金良鑑來。往時高麗人往返。皆自登州。言欲遠契丹。

乞改塗由明州詣闕。從之。郡縣供頓無舊準。頗擾民。詔立式頒下。費悉官

給。又以其不通華言。恐規利者私與交關。令所至禁止。徽問遣二府甚厚。

詔以付市易務。售縑帛答之。又表求醫藥。畫塑之工。以教國人。詔羅拯募

願行者。同上

九年。文宗三年。復遣崔思訓來。命中貴人。做都亭西驛例。治館待之。寢厚。其

使來者亦益多。嘗獻伶官十餘輩。曰夷樂無足觀。止欲潤色國史爾。帝以

其國尚文。每賜書詔。必選詞臣著撰。而擇其善者。同上○高麗圖經熙寧

復修方貢七年。九年。使人蓋

遼道宗太康四年。文宗三年。夏四月辛亥。高麗遣使乞賜鴨綠江以東地。不

許遼史

宋元豐元年文宗三年始遣安燾左諫議大夫陳睦假起居舍人往聘造兩艦於明州。一日凌虛安濟致遠。次日靈飛順濟。皆名爲神舟。自定海絕洋而東。既至。國人歡呼出迎。徽具袍笏玉帶拜受詔。與燾睦尤禮。館之別宮。標曰順天館。言尊順中國如天云。時徽已病。僅能拜命且乞醫藥。宋史○高麗圖

經徽病

二年文宗三年遣王舜封挾醫往診治。按麗史文宗三十三年七月辛未宋遣王舜封翰林醫官邢慥朱道能沈紳邵化及等八十八人來賜藥一百品徽又使柳洪來謝。海中遇風失所貢物。洪上章自劾。勅書安慰。尋獻日本所造車曰諸侯不貢車服。故不敢與土貢同。前此貢物至。輒下有司佑直償以萬緡。至是命勿復佑。以萬緡爲定數。同上

六年文宗三年徽卒。在位三十八年。治尙仁恕。爲東夷良主。然猶循其俗。王女不下嫁臣庶。必歸之兄弟宗族。貴臣亦然。次子運。諫以爲既通上國。宜以禮革故習。徽怒斥之于外。訃聞。天子閱焉。詔明州修浮屠供一月。遣楊

景略王舜封祭奠。錢勰宋球吊慰。景畧辟李之儀書狀。帝以之儀文稱不

著。宜得學問博洽。器宇整秀者。召赴中書試以文。乃遣。又以遠服不責其

備諭使者。以相見之所殿名鴟吻。皆聽勿避。徽子順王勳嗣。百日卒。弟宣

王運。○高麗圖經仁賢好文。內行飭備。每賈客市書至。則潔服焚香對之。

同上○遼史太康九年八月高麗王勳薨。○按太康九年宋元豐六年

遼大安元年宣宗二年十一月丙辰。遣使册三韓國公勳。世子運。爲高麗王。遼史

宋元豐八年宣宗二年遣其弟僧統來朝。求問佛法。並獻經像。哲宗立。遣使金

上琦奉慰。林暨致賀。請市刑法之書。太平御覽開寶通禮文苑英華。詔惟

賜文苑英華一書。以名馬錦綺金帛。報其禮。遼史

哲宗元祐四年宣宗六年十一月。知杭州蘇軾。奏高麗僧統義天手下僧壽介

等五人。及齋到本國禮賓省牒云。奉國王旨。令壽介等齋義天祭文來祭

杭州。僧源闍梨又稱。奉國母指揮。令齋金塔二所。祝延皇帝太皇太后聖

壽。臣竊觀其意。蓋爲二聖嗣位數年。不敢輕來入貢。頓失厚利。欲復遣使。

又未測聖意。故以祭奠源閣梨為名。因獻金塔。欲以嘗試朝廷。所以待之之意。不然者。豈有欲獻金塔為壽。而不遣使奉表。若朝廷待之稍重。則貪心復啓。朝貢紛然。必為無窮之患。東坡集○續文獻通考○義天姓王氏高麗國仁孝王第四子也。辭榮出家。封佑

世僧統元祐初入中國。問道勅主客楊傑送。至錢塘。惠因受法。

五年宣宗復通使。賜銀器五千兩。宋史

七年宣宗遣黃宗懋來獻黃帝鍼經。請市書甚衆。禮部尙書蘇軾言。高麗

入貢無絲髮利。而有五害。今請諸書。與收買金箔。皆宜勿許。詔許買金箔。

然卒市册府元龜以歸。同上

遼大安十年宣宗夏。高麗國王運薨。子昱遣使來告。即遣使賻贈。遼史

壽隆元年獻宗十一月庚申。高麗王昱病。命其子顒。權知國事。同上○高麗史顒按

此肅宗名。即獻宗叔父。肅宗命其子顒者。誤。

三年肅宗三月。王昱薨。同上

宋元符二年肅宗初。高麗宣王運立。四年卒。按高麗史。宣宗在位十一年。甲戌薨。而宋史

及圖經者。誤云立子懷王堯嗣。按高麗史。宣宗薨。太子昱立。是為獻宗。未閱歲

以病不能為國。國人請其叔父鷄林君熙攝政。未幾堯卒。熙乃襲位。熙後

避遼主諱。改名顒。顒性貪吝。好奪商賈利。富室犯法。輒久縻責贖。雖微罪

亦輸銀數斤。凡數歲。使不至。二月己卯。遣士賓貢。宋史

遼壽隆五年肅宗冬十月己亥朔。高麗王顒遣使乞封册。遼史

六年肅宗封高麗王顒為三韓國公。同上

宋元符三年肅宗徽宗立。遣任懿王嘏來吊賀。宋史

海東釋史卷第十二終

坦遇敵於木里甸。力戰久之。斜卯阿里挺槍馳刺其將於陣中。敵遂潰。渾坦與石適歡合兵於徒門水。阿里首敗敵兵。取其二城。高麗來攻。以我兵屯守要害。不得進。乃還。阿里追及于曷懶水。高麗人爭走水上。阿里乘之。殺略幾盡。遂合兵于石適歡。道遇敵兵五萬。擊走之。○幹魯代幹賽。將其兵者數月。幹魯亦對築九城。與高麗抗。出則戰。入則守。○六月。幹賽復至軍。高麗率衆來戰。幹賽敗之。進圍其城。七月。高麗復請和。康宗曰。事若酌中。則與之和。高麗許歸亡入之民。罷九城之戍。復所侵故地。遂與之和。並金

史○按九城咸興府以北之地

遼乾統八年睿宗二年夏四月丙申。封高麗王悞爲三韓國公。贈其父顛爲高麗國王。冬十二月己卯。高麗遣使來謝。遼史

金太祖收國元年睿宗十年九月己克黃龍府。命加右撒喝攻保州。保州近高麗。遼侵高麗置保州。至是命撒喝取之久不下。撒喝請濟師。且言高麗王將遣使來。太祖使納合烏蠢以百騎益之。詔撒喝曰。汝領偏師屢破重敵。

多所俘獲。及聞胡沙數戰有功。朕甚嘉之。若保州未下。但守邊戍。吾已克黃龍府。聞遼主且至。俟破大敵復益汝兵。所言高麗遣使事。未知果否。至則護送以來。邊境之事慎之。毋忽。十一月。係遼女真麻懣太彎等十五人皆降。攻開州取之。盡降保州諸部女真。太祖以撒喝爲保州路都統。太祖已破走遼主軍。撒喝破合主順化二城。復請濟師攻保州。使幹魯以甲士千人往。金史

二年睿宗十一年閏正月。高麗遣使來賀捷。且曰。保州本吾舊地。願以見還。太祖謂使者曰。爾其自取之。詔撒喝烏蠢等曰。若高麗來取保州。益以胡刺古石顯等軍備之。或欲合兵無得輒往。俱謹守邊戍。及撒喝阿實賚等攻保州。遼守將遁去。而高麗兵已在城中。既而高麗國王使蒲馬請保州。詔諭高麗國王曰。保州近爾邊境。聽爾自取。今乃勤我師徒破敵城下。且蒲馬止是口陳。俟有表請。即當別議。同上○按保州今義州也

宋政和六年睿宗十一年升其使爲國信禮。在夏國上。與遼人皆隸樞密院。改

引伴押伴官。為接送館伴。賜以大晟燕樂。邊豆。簠。簋。尊。罍等器。至宴使者於睿謨殿中。宋史

金天輔二年。容宗三年十二月甲辰。遣李董朮孛。以定遼地。諭高麗。○諭高麗曰。朕始興師伐遼。已嘗布告。賴皇天助順。屢敗敵兵。北自上京。南至于海。其間京府州縣部族人民。悉皆撫定。今遣李董朮孛報諭。仍賜馬一疋。至可領也。○閏月。高麗來賀遼捷。並金史

三年。容宗四年十一月。高麗增築曷獺甸長城三尺。邊吏發兵止之。弗從。報曰。修補舊城。曷獺甸。李董胡刺古習顯以聞。詔曰。無得侵軼生事。但慎固營壘。廣布耳目而已。同上

四年。容宗五年咸州路都統司。以兵分屯于保州。畢里圍二城。請益兵。詔曰。汝等分列屯守。以固封守。甚善。高麗累世臣事于遼。或有交通。可常遣人偵伺。同上

遼天慶十年。容宗五年乞兵于高麗。以禦金。而金人責之。至是遼國亡矣。○

高麗與遼相為終始。二百餘年。並遼史

論曰。高麗之事遼。雖嘗請婚下嫁。烏足以得其固志哉。三韓接壤。反覆易知。乘隙輒動。貢使方往事。釁隨生。與師問罪。屢煩親征。取勝固多。敗亦貽悔。昔吳趙咨對魏之言也。大國有征伐之兵。小國有備禦之固。豈其然乎。先王柔遠以德。而不以力尚矣。遼亡求援。高麗雖能出師。豈金敵哉。同上

宋宣和四年壬寅。容宗七年春三月。高麗王侯病革。召李資謙入議嗣事。夏四月。侯薨。資謙等乃立世子楷為王。楷眉宇踈秀。形短而貌豐。肉勝於骨。性慧多學。亦甚嚴明。在春宮時。官屬有過。必遭譴辱。既立。雖幼冲。國官頗畏憚之。迺者信使至。彼受詔拜表。行燕饗禮。升降進退。綽有成人之風。亦當為東夷之賢王也。高麗圖經

臣聞史家之法。傳遠者要而近者詳。高麗歷世之王。臣既以概叙之前矣。若乃王氏建國。累世尊事本朝。至王侯與今王楷。又享禮加厚。不可

海東釋史十三

二七九

不條著之。謹因其世次宗系。而嗣以楷之行事云。自長興三年壬辰。迄

五年。元宗初高麗俗。兄終弟及。至是王悞卒。諸弟爭立。其相李資深立悞

子楷。來告哀。詔給事中。路允迪。中書舍人傅墨卿。奠慰悞之在位也。求醫

於朝。詔使二醫往。按高麗史。睿宗十三年。遣閣門祗候曹誼。押太醫局

經亦云。政和戊戌。二人使至上。章乞降醫職。遂令藍苗等往。留二年而歸。楷

越二年。乃還。此云二人。想首二人。精於其業。餘特隨率爾。語之曰。聞朝廷將用兵伐遼。遼兄弟之國。存之足為邊扞。女真虎狼耳。不

可交也。業已。然願二醫歸報天子。宜早為備。歸奏其言已無及矣。宋史。○

類。國家方與女真和。時高麗遣使來求。近上醫二人。召老醫擇二人

遣往。至則日夕厚禮。皆不問醫而多問禁中事。二醫怪而問之。高麗主曰。

我有緊密事。欲達宋皇。恐所遣使不能密。故欲得二人。因問之高麗主。曰。聞

宋皇欲與女真和好。夾攻契丹。此非良策。蓋我國與女真陸路相通。常使人

以備之。女真不是好人。勝之契丹。後必及宋。而我國亦不能自存。此合意。思所

之。因令觀教其女。真所以備之。契丹之子。馬之類。二人歸奏。上怒。召老醫而責之。其

死一人。按長端義。貴耳錄。亦載二人歸事。

金太宗天會元年。元宗使習顯以獲遼國州郡。諭高麗。其國方誅亂者。使

謂習顯曰。此與先父國王之書。習顯就館。凡誅戮官僚七十餘人。即依舊

禮接見。而以表來賀。並貢方物。復以遼帝亡入夏國報之。十二月。高隨斜

野。奉使高麗至境上。接待之禮不遜。隨等不敢往。太宗曰。高麗世臣於遼。

當以事遼之禮事我。而我國有新喪。遼主未獲。勿遽疆之命。高隨等還。金

○按高麗傳。作天

輔四年事。誤也。二年。元宗五月乙巳。曷懶路軍帥完顏忽刺古等。言往者歲捕海狗海東

青雅鵬於高麗之境。近以二舟往彼。乃以戰艦十四要而擊之。盡殺二舟

之人。奪其兵仗。上曰。以小故起戰爭。甚非所宜。今後非奉命。毋輒往。○七

月壬辰。同知南路都統鵬實答。言高麗納叛亡增邊備。必有異圖。詔曰。凡

有通問。毋違常式。或來侵畧。則正爾行列。與之從事。敢先犯彼者。雖捷必

罰。○十月。乃命南路軍帥闍母。以甲士千人。益合蘇館路孛董完顏阿實

賚。以備高麗。並同上。

宋宣和七年仁宗三年欽宗立。賀使至明州。御史胡舜陟言高麗靡敝國家五十年。政和以來人使歲至。淮浙之間苦之。彼昔臣事契丹。今必事金國。安知不窺我虛實以報。宜止勿使來。乃詔留館於明。而納其贄幣。明年始歸國。自王徽以降。雖通使不絕。然受契丹封冊。奉其正朔。上朝廷及他文書。蓋有稱甲子者。歲貢契丹。至於六。而誅求不已。常云高麗乃我奴耳。南朝何以厚待之。使至其國。尤倨暴。館伴及公卿小失意。輒行掉箠。聞我使至。必假他事來覘。分取賜物。常詰其西向修貢事。高麗表謝其畧曰。中國三甲子。方得一朝。大邦一周天。每修六貢。契丹悟乃得免。宋史○孫公談圃壯麗使者必至焚香豐稷奉使見其供器皿皆神宗賜高麗物蓋高麗制於契丹每遇契丹使至其國所覆殿上鴟瓦皆醵撤去

金天會四年仁宗四年六月丙申朔。國王王楷遣使奉表稱藩。優詔答之。七月丙寅。遣高伯淑烏至忠使高麗。凡遣使來往。當盡循遼舊。仍取保州路。及邊地人口在彼界者。須盡數發還。敕伯淑曰。若一一聽從。即以保州地賜之。高伯淑等至高麗。王楷附表謝。一依事遼舊制。金史○文獻通考○馬端臨曰女真在混同江北

與高麗僅隔鴨綠一水其本臣事契丹奴事高麗及其強也高麗反臣事之

宋高宗建炎元年仁宗五年五月即位。即遣胡蠡等。宋史○遣迪為高麗國信

使。朝廷蓋憂其通金人。而金亦以是時遣王樞持冊使高麗。則亦憂其為我用也。蠡之回史失書。文獻通考

二年仁宗六年詔募能使絕域者。浙東路副總管楊應忱。按宋史作楊應誠應詔請行。自

言隨其父任邊吏。熟知虜情。高麗女真路甚徑。請身使三韓。結鷄林以達燕雲。宋史○以三月假刑部尚書往使。浙東帥臣翟汝文奏言應忱欺罔

君父自為身謀。若高麗辭以大國假道。以至燕雲。而金人或請問津以窺吳越。將何辭以對。必致辱命。取笑遠夷。請毋遣不從。宋史○應忱聞之遂與副使韓衍書狀官

孟健由杭州浮海以行六月至高麗。見國王楷諭旨。楷拜詔已。與應忱等對立而議。楷曰。大國自有山東路。何不由登州往。應忱曰。不如貴國最徑。第煩國王

傳達金國爾。三節人止二十八騎。皆自齎糧。楷有難色。已而命其傅侂至館中。具言金人見造舟將往二浙。若引使者至其國。異時欲假道至浙。何

以答之。麗人之辭果如汝文所料。應忱曰：女真不能水戰。俗曰：彼常於海道往來。况女真舊臣本國。近乃欲令本國臣事之。可見強弱。上同。○居十數日。復遣其中書侍郎崔洪宰。知樞密院金富軾。就館議。執前說不變。館伴使文公仁亦曰：往年公仁入貢上國。嘗奏上皇。金人人面獸心。不可相識。今十二年矣。洪宰曰：二聖今在燕雲。大朝即盡納土。未必可得。何不練兵與戰。終不奉詔。應忱留六十四日。不得已見楷於壽昌門。受其拜表而還。全上及○十月至闕。入對。具言其狀。上以楷負國恩。怒甚。尚書朱勝非曰：彼與金爲隣。與中國隔海。遠近利害甚明。此乃曩時待之太厚。今安能責報。右僕射黃潛善曰：若以巨艦載精甲數萬。徑造其國。彼寧無懼乎。勝非曰：越海征伐。燕山之事可鑑也。上怒始霽。時開封尹宗澤亦請遣使通高麗。令出兵攻賊。文獻通考○十一月。楷遣其臣尹彥顏奉表謝罪。詔以二聖未歸。燕設不宜用樂。乃設幕殿門外。命客省官吳得興。伴賜酒食。命中書舍人張徵。押伴如禮遣還。宋史

三年^{七年}八月壬申。上謂輔臣曰：聞上皇遣內臣宮女各二人。隨高麗貢使來。朕聞之。悲喜交至。呂頤浩曰：此必金人之意。不然。高麗必不敢。安知非窺我虛實以報。於是詔止之。同上○詔

金天會九年^{九年}二己月亥。高麗王楷上表乞免索保州亡人邊戶。既而最上表請不索保州亡入戶口。太宗從之。自是保州封疆始定。○自太祖與高麗議和。凡女真入高麗者。皆索之。至十餘年。索之不已。宗室最上書諫曰：臣聞德莫大於樂天。仁莫先於惠下。所索戶口。皆前世姦究叛亡。烏蠢訛謨。罕阿海合束之緒裔。先世綏懷四境。尙未賓服。自先君與高麗通。聞我將大。因謂本自同出。稍稍款附。高麗既不聽許。遂生邊釁。因致交兵。久方連和。蓋三十年。當時壯者今皆物故。子孫安於土俗。婚姻膠固。徵索不已。彼固不敢稽留。骨肉乖離。誠非衆願。人情怨甚。可愍者。而必欲求爲己有。特彼我之蔽。非一視同仁之大也。國家民物繁夥。幅員萬里。不知得此果何益耶。今索之不還。我以強兵勁卒。取之無難。然兵凶器。戰危事。不

得已而後用。高麗稱藩職貢不闕。國且臣屬民亦非外。聖人行義不責小過。理之所在不俟終日。臣愚以為宜施惠下之仁。弘樂天之德。聽免徵索。則彼不謂已有如自我得之矣。從之。○韓昉。天會中遷乾文閣待制。加衛尉卿知制誥。充高麗國信使。高麗雖舊通好。天會四年奉表稱藩。而不肯進誓表。累使要約皆不得要領。而昉復至高麗。移督再三。高麗徵國中讀書知古今者。商確辭旨。使酬答專對。凡涉司乃始置對。謂昉曰。小國事遼宋二百年。無誓表。未嘗失藩臣禮。今事上國當與事遼宋同禮。而屢盟長亂。聖人所不與。必不敢用誓表。昉曰。貴國必欲用古禮。舜五載一巡狩。群后四朝。周六年五服一朝。又六年王乃時巡。諸侯各朝于方岳。今天子方事西狩。則貴國當朝會矣。高麗人無以對。乃曰。徐議之。昉曰。誓表朝會一言決耳。於是高麗乃進誓表如約。昉乃還。並金

宋紹興元年。仁宗九年十月。高麗將入貢。禮部侍郎柳約言。四明殘破之餘。荒蕪單弱。恐起戎心。宜屯重兵以俟其至。十一月。詔柳約奉使高麗。不果行。

宋史

二年。仁宗閏四月。楷遣其禮部員外郎崔惟清。閣門祇候沈起。入貢金百兩。銀千兩。綾羅一百疋。人棧五百。勛。惟清所獻亦三之一。上御後殿引見。賜惟清起金帶三。答以溫詔遣還。是月定海縣言。民亡入高麗者約八十人。願奉表還國。詔候到日。高麗綱首卓榮等。量與推恩。十二月。聞高麗遣知樞密院事洪彛叙等六十五人來貢。議以臨安府學館其使。言者謂雖在兵間不可無學。恐為所窺。同上

三年。仁宗十年正月。詔以洪惠寺為同文館。以待其至。既而卒不至。以入洋風敗舟為辭。議者謂其設詐以侮我也。文獻通考

六年。仁宗十年。持牒官金稚圭至明州。朝廷懼其與金人為間。詔賜金帛遣之。自是不至者二十餘年。同上

金熙宗皇統元年。仁宗九年。十一月壬寅。高麗遣使請上尊號。十一月己酉。賀受尊號。金史

二年^{仁宗}正月乙巳命伐高麗。○詔加楷開府儀同三司上柱國。並同
六年^{仁宗}正月壬申高麗王楷薨子峴嗣位遣使來報喪。上同
海陵天德元年^{毅宗}十二月高麗賀正朝使至廣寧遣人諭以廢立之事
於中路遣還。上同

二年^{毅宗}正月辛巳以名諱告諭高麗再遣使以廢立事報諭三月丙戌
高麗遣使來賀登寶位。上同

宋紹興三十二年^{毅宗}三月高麗綱首徐德榮詣明州言本國欲遣賀
使守臣韓仲通以聞殿中侍御史吳芾奏曰高麗與金人接壤昔稚圭之
來朝廷懼其為間亟遣還今兩國交兵德榮之請無得可疑使其果來猶
恐不測萬一不至貽笑遠方詔止之。宋史

孝宗隆興二年^{毅宗}四月明州言高麗入貢史不書引見日歷孝光寧
三朝使命遂絕慶元間詔禁商人博易銅錢入高麗朝廷亦絕之也每麗
人之入使也明越二郡困於供給騷然不寧既至闕則館遇燕賚賜予之

費以鉅萬計而饋其主者不與焉我使之行二神舟長大數倍戰船費不
訾三節官吏糜爵捐廩皆仰縣官者甚夥蘇軾言於先朝謂高麗入貢有
五害以此也。文獻通考

按高麗之臣事中朝也蓋欲慕華風而利歲賜耳中國之招來高麗也
蓋欲柔遠人而飭太平耳國運中否強胡內侵則聘問之事可以已矣
蕞爾島夷昔日蓋臣遼以自存者也金之強暴既滅遼而有之且荐食
中華傾覆神京矣而謂高麗能禦之耶然則楊應忱之行甚無謂也欲
倚以求成耶彼豈能主主宋人弭兵之盟欲倚以救難耶則彼豈能效
秦伯無衣之賦且當時所遣卑詞祈請之使如傅雱王倫之徒未嘗不
得以自達於金也然我使之往也如石沉海彼兵之來也如火燎原卒
不得其要領又何須涉鯨波踐異境假道於三韓以求達耶然雱倫輩
之奉使無益也不過徒為卑屈之辭而不能已其吞噬之謀耳燕雲距
江淮數千里其間土地人民城郭固我之封疆以此衆戰犄角牽制彼

亦未能保其長駟而必勝也。若高麗奉命道應忱以往。而金人有假道於虞之謀。則揚帆直指吳會。更無顧忌矣。然則翟汝文所料。與王楷所以答使者之語。皆忠言至計。未可訾也。朱丞相言彼與金為隣。與中國隔海。遠近利害甚明。此乃曩時待之太厚。今安能責報。此語固得之。然政和之求醫。而獻忠謀。建炎之肅使。而不奉詔。則麗人固能報恩。而未嘗負恩矣。過乎此。則難以責之也。至於黃潛善之妄言繆計。尤其可笑。所謂精甲數萬。既可襲高麗於海外。胡為異時。不能以此抗金人於維揚耶。季布謂樊噲面諷可斬。此語潛善可以當之。同上

金世宗大定四年。毅宗十年詔鴨綠江堡戍。頗被侵越焚毀。金史

五年。毅宗十年正月。世宗因正朝使朝辭諭之曰。邊境小心不虞。爾主使然耶。疆吏為之耶。若果疆吏為之。爾主亦當懲戒之也。初高麗使者。別有私進禮物以為常。是歲萬春節。世宗以使者私進。不應典禮。詔罷之。同上
九年。毅宗十三年十二月戊戌。高麗邊報稱。王晬誕得繼孫。欲遣使奏告。同上

十年。毅宗十四年十一月己卯。王晬弟翼陽公皓。廢晬自立。賜生日使。太宗正

承紉至界上。高麗邊吏稱前王已讓位。不肯受使者。同上鄭仲夫李義方等

作亂大殺文官放王子巨濟太子于珍島殺太孫立王母弟翼陽君皓

十一年。明宗元年正月壬辰。王皓以讓國來奏告。詔婆速路勿受。有司移文詳

問。高麗告曰。前王久病昏耄不治。以母弟皓權攝國事。上曰。讓國大事也。何以不先陳請。詔有司再詳問。高麗乃以王晬讓國表來。按本紀作大略

稱先臣楷遺訓傳位於弟。又言其子有罪不可立之意。上疑之以問宰執。

丞相良弼奏曰。此不可信。晬止一子往年生孫。嘗有表自陳生孫之喜。一

也。皓嘗作亂。晬囚之二也。今晬不遣使皓。乃遣使三也。朝廷賜晬生日使。

皓不轉達於晬。乃稱未敢奉受四也。是皓篡兄誣情於天子。安可忍也。右

丞孟浩曰。當詢彼國士民果皆推服。即當遣使封册。上曰。封一國之君。詢

於士民。此與除拜猛安謀克何異。乃却其使者。而以詔書詳問王晬。吏部

侍郎靖為宣問。王晬使。按本紀作五月辛卯皓實篡國。囚晬於海島。靖至高麗。皓稱

王峴已避位出居他所。病加無損。不能就位拜命。往復險遠。非使者所宜往。靖竟不得見峴。乃以詔授皓。轉取峴表附奏。其言與前表大概相同。靖還。世宗問大臣。皆曰。峴表如此。可遂封之。丞相良弼。平章事守道曰。待皓祈請未晚也。十二月。皓遣其禮部侍郎張翼等。請封。上同

十二年。明宗二年三月丁丑。宿直將軍烏古論思列。尙書右司員外郎張亨。爲册封王皓使。○皓生日在正月十九日。是歲十二月將盡。未及遣使。有司請至來歲舉行焉。上同

十五年。明宗五年七月丙申。曷懶路奏得高麗邊報。以其西京留守趙位寵作亂。欲遣告奏。而義州路梗不通。欲由定州入曷懶路。詔許之。○趙位寵以西京叛皓。遣徐彥平等九十六人。上表曰。前王本非避讓。大將軍鄭冲夫。按麗史作鄭仲夫郎將李義方實弑之。臣位寵請以慈悲嶺以西。至鴨綠江以東。四十餘城內屬。請兵助援。上曰。王皓已加封册。位寵輒敢稱兵爲亂。且欲納土。朕懷撫萬邦。豈助叛臣爲亂。詔執徐彥平等送高麗。頃之高麗定趙

位寵之亂。遣使奏謝。自位寵之亂。皓所遣生日回謝。橫賜回謝。賀正朝進奉萬春節等使。皆阻不通。至是皓並奏之。詔答其意。其合遣人使令節次入朝。並同上

十六年。明宗六年十二月。遣戶部尙書吳光陟等。以不許趙位寵內附。陳謝。同上十七年。明宗七年賀正朝禮物玉帶。乃石似玉者。有司請移問。上曰。彼小國無能識者。誤以爲玉耳。不必移問。乃止。十二月。有司奏高麗下節押馬官順成。例外將帶甲三過界。世宗以使人所坐罪重。但令發還本國而已。同上

二十三年。明宗三年十二月。皓母任氏薨。皓乞免賜生日及賀謝等使。詔從之。同上

二十九年。明宗九年章宗即位。詔使至界上頗稽滯。詔移問高麗遜賜。同上章宗明昌三年。明宗二年高麗下節金挺。回至平州撫寧縣。歐死當驛人何添兒。有司請凡人使往還。乞量設兵衛。參知政事張萬公曰。可於宿頓之地巡護之。上可其奏。詔自今接送伴使副失關防者當坐。故事賀正朝使

十二月二十九日入見。明昌六年十二月己卯立春。詔於前二日丁丑入見云。同上

承安二年明宗二年十月庚辰。尙書省奏高麗國牒報其王以老疾命母弟

暉權國事。同上太子立王。按高麗史崔忠獻廢王放暉

三年神宗三年三月丙寅。皓表自陳衰病。以國讓其弟暉。暉權國事。是歲皓薨。

暉嗣位。同上○按高麗史明宗也。此云是歲薨。誤。

四年神宗二年三月。遣使册王暉。爲高麗國王。同上

泰和三年神宗六年王暉薨。子諤嗣位。同上○按金史泰和四年

四年熙宗元年正月乙丑朔。高麗僉人以小佩刀。割梨廡下。巡廊奉職見而料

之。詔館伴官自今前期移文禁止。同上

至寧元年康宗二年八月。高麗王諤薨。嗣子未行起復。按高麗史熙宗七年辛

廢王立。明宗太子漢南公貞改。名諤。是爲康宗。在位二年。以是年薨。世子

宗。以是年八月。宣宗即位。邊吏奏高麗牒稱。嗣子未起復。不可以凶服

迎吉詔。又不可以草土名銜署表。禮官議。人臣不以私恩廢公議。宜權用

吉服。迎詔。署表用權國事名銜。俟高麗告哀使至闕。然後遣使致祭慰問

及行封册。制可。明年宣宗遷汴。遼東道路不通。同上

元太祖鐵木真十一年丙子。高宗三年契丹人金山元帥六哥等。領兵九萬餘

竄入高麗。元史

十二年高宗四年九月。六哥攻拔高麗江東城據之。同上

金宣宗興定元年高宗四年命完顏阿里不孫。開元帥府于婆速路。是時蒲鮮

萬奴據遼東。侵掠婆速之境。高麗畏其強。助糧八萬石。金史○按高麗史

金東京總管府移牒於北界。兵馬使夾攻蒲鮮萬奴。時萬奴據遼東。僭稱

天王。國號大真。四年四月。萬奴兵來破。大夫營元史地理志。元初癸巳歲

出師伐之。生擒萬奴。師

三年高宗五年四月壬寅朔。蒲察五斤表遼東便宜。阿里不孫貸糧。高麗不應

輒以兵掠其境。上命五斤遣人以詔往諭高麗。使知興兵非上國意。○癸

丑以蒲鮮萬奴叛。遣完顏素蘭赴遼東。素蘭將行。上言曰。臣近請宣諭高

麗復開互市事聞以詔書付行省必蘭出若令行省就遣而諭之不過鄰境領受恐中間有所不通使聖恩不達於高麗高麗亦無由知朝廷本意也况彼世爲藩輔未嘗闕臣子禮如遣信使明持恩詔諭之貸糧開市二者必有一濟苟俱不從則其曲在彼然後別議圖之可也上是其言於是遣典客署書表劉丙從行竝同上

元太祖十三年高宗五年遣哈只吉筈刺按本紀作哈真禮刺等領兵征之國人洪大宣

詣軍中降與哈只吉等同攻圍之高麗王奉牛酒出迎王師且遣其樞密

院使吏部尙書上將軍翰林學士承旨趙冲共討滅六哥筈刺與冲約爲

兄弟冲請歲輸貢賦筈刺曰爾國道遠難於往來每歲可遣使十人入貢

十二月筈刺移文取兵糧送米一千斛元史

金興定三年高宗六年遼東行省奏高麗復有奉表朝貢之意宰臣奏可令行

省受其表章其朝貢之禮俟他日徐議宣宗以爲然乃遣使撫諭高麗終

以道路未遑迎迓詔行省且羈縻勿絕其好然自是不復通問矣金史

贊曰金人本出靺鞨之附于高麗者始通好爲隣國既而爲君臣貞祐以後道路不通僅一再見而已入聖朝猶子孫相傳自爲治故不復備論論其與金事相涉者焉

按金史哀宗本紀正大三年六月壬子詔諭高麗及遼東行省葛不靄討反賊萬家奴此時道路莫通聘問已阻而猶爲詔諭恐只頒於行省而未及達於高麗爾正大三年即高麗高宗十二年乙酉也

海東釋史卷第十三終

海東釋史卷第十四

世紀十四

高麗三

元太祖十四年高宗六年正月。高麗遣其權知閣門祇侯尹公就。中書注書崔逸。以結和牒文送箭刺行營。箭刺遣使報之。高麗王以其侍御史朴時允。為接伴使迎之。帝又遣蒲里岱也。持詔往諭之。高麗王迎拜設宴。九月皇太弟國王。及元帥合臣。副元帥箭刺等。各以書遣宣差大使慶都忽思等十人。趣其入貢。尋以方物進。元史

十五年高宗七年九月。大頭領官堪古苦著古歟等。復以皇太弟國王書趣之。仍進方物。同上

十六年高宗八年七月。有旨諭以伐女真事。始奉表陳賀。同上

十七年高宗九年十月。詔遣着古歟等十二人至其國。察其納歟之實。同上

十八年高宗十年八月。宣差山朮解等十二人。復以皇太弟國王書。趣其貢獻。同上

十九年高宗十一年十二月。着古歟等。又使其國盜殺之于途。自是連七歲絕信使矣。同上

太宗窩濶台元年己丑。高宗十六年授王榮祖北京等路征行萬戶。援金虎符伐高麗。同上

三年庚寅。高宗十七年征行萬戶買奴。征高麗攻花涼城。監軍張翼劉霸都殞於敵。買奴怒曰。兩將陷賊義不獨生。趣出戰破之。誅首將撫安其民。進攻開州。擒州將金沙密。城中人出童男女。及金玉器以獻。命不受。遂下龍宣雲泰等十四城。同上

三年辛卯。高宗十八年秋八月。以高麗殺使者。命撒禮搭等。率師討之。取四十餘城。○國人洪福源。迎降于軍。得福源所率編民千五百戶。旁近州郡亦。有來降者。撒禮搭即與福源攻未附州郡。又使阿兒禿與福源。抵王京招

其主王噉噉遣其弟懷安公王挺請和許之。撒禮搭承制設官。置京府縣。達魯花赤七十二人監之。遂班師。十一月。元帥蒲桃廸巨唐古等領兵至其王城。噉噉遣使奉牛酒迎之。十二月一日。復遣使勞元帥于行營。明日其使人與元帥所遣人四十餘輩入王城付文牒。又明日。噉噉遣王挺等詣撒禮搭屯所犒師。上同

四年高宗十年正月。遣使以璽書諭噉噉。三月。噉噉中郎將池義源錄事洪巨源金謙等。賚國贖牒文。送撒禮搭屯所。五月。復下詔諭之。六月。噉噉盡殺朝廷所置達魯花赤七十二人以叛。遂率王京及諸州縣民竄海島。洪福源集餘民保聚。以俟大兵。上同○初。高麗既得和元。所遣元使者。齎送黃金七十斤。白金千三百斤。襦衣千領。馬百七十匹。遺撒禮搭。金銀及金銀酒器。縑繒獺皮鞍子若馬。又分贈其妻子麾下。亦復不賞。既班師。噉噉乃盡殺元人所置達魯花赤。於是高麗苦元人無寧歲矣。高麗王相崔瑀請王遷都江華以避元。江華者。高麗海曲地。俞升朝曰。小事大禮也。竄海曲棄城郭。

捐宗社非計。夜別抄指揮金世冲排門入詰瑀曰。松京祖宗之都。舍此安之。瑀引出斬之。遂請其王往江華。王尙未決。瑀怙而違衆。刻日發送。時秋雨彌旬。泥行沒脛。人馬僵仆。國人號哭相聞。而松都人戶十萬。金碧相望。悉棄委之。名山藏○八月。復遣撒禮搭領兵討之。至王京南。攻其處仁城。中流矢卒。○王享記撒禮搭攻處仁城。有僧避兵城下。射撒禮搭殺之高麗王授僧上將軍僧辭。○按處仁城。今龍仁縣。僧即金允侯後官。至右僕射致仕。麗史有傳。別將鐵哥以軍還。其已降之人。令福源領之。十月。噉噉遣其將軍金寶鼎。郎中趙瑞章。上表陳情。元史

五年高宗十年四月。詔諭噉噉悔過來朝。且數其五罪。自平契丹。賊殺箭刺之後。未嘗遣一介赴闕。罪一也。命使賚訓言省諭。輒敢射回。罪二也。爾等謀害着古歟。乃稱萬奴民戶殺之。罪三也。命汝進軍。仍令汝弼入朝。爾敢抗拒。竄諸海島。罪四也。汝等民戶不拘集。見數輒敢妄奏。罪五也。十月。噉噉復遣兵攻陷已附西京等處。降民劫洪福源家。上同六年。高宗十一年洪福源得請領其降民。遷居東京。賜佩金符。上同

七年高宗二年命唐古與洪福源領兵征高麗同上

九年高宗四年拔其龍岡咸從等十餘城同上○〔耶律留哥傳〕耶律薛閣留

帥自庚寅至丁酉連征高麗及東夏復戶六千有奇

十年高宗五年五月其國人趙玄習李元祐等率二千人迎降命居東宮受

洪福源節制且賜御前銀符使玄習等佩之以招未降民戶又李君式等

十二人來降待之如玄習焉同上

十一年高宗六年五月詔徵噉入朝噉以母喪辭六月乃遣使奉表入朝十

月有旨諭噉徵其親朝於明年十二月噉遣其新安公王佺等奉表入貢

同上十二年高宗七年五月復下詔諭之十二月噉遣其福賓少卿宋彥琦充行

李使入貢是歲攻拔昌朔等州同上

十三年高宗八年高麗屢遣使納貢而蒙古師進攻不輟取昌朔諸州高麗

勢日挫走使諭其親朝當罷兵噉不得已秋以族子綽爲己子入質弘簡續錄

○元史吾也而傳太宗三年吾也而與撒里答征高麗下受開龍三年泰護
等十餘城高麗懼請和吾也而論之曰若能以子爲質當休兵十三年泰護
其子綽從吾也而來朝帝大悅厚賜子俾充七路征行兵馬都元帥遣
虎符憲宗元年召問東夷事對曰臣雖老倘藉威靈指麾三軍敵國猶可
乎况壯其言醜

定宗貴由二年丁未高宗三年以歲貢不入命阿母侃征高麗不克同上○阿

母侃屯高麗之鹽州民避匿山谷中者悉驅之出鹽州海中有葦島平衍

可十餘里海潮出入舊時兵馬判官金方慶使民堰爲大澤墾闢種稈其

始民殊怨及是民駢出山谷者乃藉葦島活王保江華元人來責王出陸

迎詔書王不出名山藏

憲宗蒙哥二年壬子高宗三年冬十月命諸王也古征高麗元史

三年高宗四年春正月罷也古征高麗十二月命宗王耶虎與洪福源同領

軍征高麗攻拔禾山東州春州三崗山楊根天龍等城同上○〔王恂傳〕王

忽略地三韓降天龍諸堡皆禁暴掠民悅服之帝嘉其功○初憲宗即位

詔王朝還居松京而崔瑀子沈爲相亦怙如瑀止王行元使至王使其子

佺出迎。使入館。王乃見。元使怒。至是阿母侃洪福源。言於憲宗。高麗無出陸意。憲宗使其弟也窟王。按也窟即元史之耶虎也率兵一萬入東界。阿母侃洪福源趨北界。屯大伊州。指古和州。高麗人入保山城海島。先是高麗王以其族子綽爲己子質於元。也窟使之隨軍。綽貽沈書。請王出陸迎。沈執不肯。也窟陷西海道。掠山城。男口十歲以上皆殺之。婦女小兒分與士卒。王遣使致書祈哀。也窟與爲期。期六日。王復遣其將。持遺金銀酒器羅紬紵布等物。請以明年。也窟陷高麗城。若州若縣以八所。既得疾北還。留阿母侃洪福源守之。高麗人遣人追送之舊京。且乞退兵。也窟責王必迎江外。遣蒙古大等十人。與其使偕還見王。王渡江以迎。蒙古大謂王曰。何早不如此。與酣飲別。而也窟復欲圻王所居城。王復遣子涓。如元祈哀。凡進奉及饋遺元宮人及諸公妃王妃。不可復計。名山藏王亭記

四年。高宗十四年夏。命札刺台征高麗。命桑吉忽刺出諸王並聽節制。元史○元使車羅大。按即札刺台主東國。車羅大問王曰。王雖出陸。侍中尙書等官尙未

爲眞降耶。王使其將長。按長麗史大將軍李長也贈車羅大金銀酒器皮幣。車羅大云。君王百姓出陸。盡剃其髮。否則以國王還。王懼。復遣其臣崔璘。往請罷兵。車羅大曰。相沈奉王出陸。兵乃罷。是歲元虜高麗男女亡慮二十餘萬。殺戮不可勝計。所過煨燼。高麗受元之苦莫讐說也。名山藏王亭記

五年。高宗十四年改命筍刺解。按筍刺解即札刺台本紀又作札刺亦與洪福源同征高麗○又連三歲。攻拔其光州安城忠州玄鳳珍原甲向玉果等城。並元史○車羅大還師。高麗人民入保山城海島者。悉出陸。而車羅大復來。高麗使其臣慎執平。往見車羅大曰。王出迎。世子親朝。兵可罷也。王使復曰。自大兵還後。小邦惟命是從矣。車羅大曰。若從命。何多殺我兵。屠其忠州攻山城。山人登月嶽神祠避之。忽雷電大作。元兵以爲神乃退。高麗復使其臣金守剛。從憲宗入和林城。乞罷兵。憲宗尙以不出陸爲辭。守剛曰。比諸逐獸。持弓矢當窟穴。獸敢出耶。憲宗乃命車羅大班師。名山藏王亭記

七年。高宗十四年元復遣車羅大。往高麗曰。王親來我回兵。王子入朝。永無後

患。高麗王曰大軍回。世子即朝。乃許之。同上

八年高宗四年春三月。命洪茶邱率師從筍刺解。同征高麗。元史○元遣車羅

大。復責高麗如前言。而高麗王已老病。乃使其世孫僖及其臣金寶鼎。如

車羅大所。元將余達愁謂寶鼎曰。必世子。世子竟不往。達愁縱兵侵掠。車

羅大焚燒廬舍。殺掠其人民益甚。高麗人暉等。遂以和州迤北降元。名山藏王享記

九年高宗四年高麗王誅其相按。遣即。遣字使世子僖奉表如元。而車羅

大暴死。遣者崔沆子。高麗之相皆世官。以故。遣父祖世相高麗。而皆不忠

於高麗。繼車羅大領兵者曰松吉大王。盡壞高麗江華內外城。督役刻急。

城廊摧折。聲如疾雷。高麗人皆悲泣。是歲憲宗崩。元世祖即位。方南攻宋。

世子南見之。驚喜曰。高麗萬里之國。唐太宗親征。而不能服。今自來。可與

俱至開平。同上

元世祖中統元年庚申。元宗元年先是麗王噉。遣世子僖赴闕。時憲宗方親攻

宋。崩于合州。留僖未遣還。世祖即位。廉希憲趙良弼進曰。高麗雖小國。依

山阻海。國家用兵二十年。尙未臣服。前歲世子王僖來朝。適鑾輅西征。羈

旅者三年矣。張供踈薄。無以懷輯其心。一朝得歸。將不復來。宜厚其館穀。

待以藩王禮。且聞其父已死。不若立之爲王。送之國。彼必感恩懷德。願修

臣職。是不勞一卒。得一國也。帝是其言。即日改館。世子三月册爲高麗國

王。以兵衛送歸。詔班師。仍赦其境內。弘簡續錄○四月復降旨。諭高麗國王僖

曰。朕祇若天命。獲承祖宗休烈。仰惟燾覆。一視同仁。無遐邇小大之間也。

以爾歸款。既册爲王。還國。今得爾與邊將之書。因知其上下之情。朕甚憫

焉。僖求出水就陸。免軍馬侵擾。還被虜及逃民。皆從之。詔班師。乃赦其境

內。六月僖遣其子永安公僖。判司宰事韓即。入賀即位。以國王封册玉印

及虎符賜之。是月又下詔撫諭之。元史

二年元宗二年四月。僖入朝。六月。僖更名禎。遣其世子愷。奉表以聞。○秋七月。

以萬家奴爲安撫高麗軍民。達魯花赤。賜虎印。○八月。賜禎玉帶一。遣侍

衛將軍孛里察。禮部郎中高逸民。護世子愷還國。十月。帝遣阿的迷失焦

天翼持詔諭以開權塲事。並同上

三年元宗三年正月諸王塔察兒請置鐵冶於高麗。從之。賜禎曆。後歲以為常。

禎遣使入謝。優詔答之。○二月甲申。免高麗酒課。六月乙未。禁女真侵軼

高麗國民。其使臣往還官為護送。命婆娑府屯田軍移駐鴨綠江之西。以

防海道。○八月高麗使朴倫等還。賜其王西錦三段。間金熟綾六段。十月

詔諭禎籍編民出師旅。輸糧餉助軍儲。是月禎遣使入貢。○丙寅。詔責高

麗欺慢之罪。並同上

四年元宗四年二月。以禎不答詔書。詰其使者。禎表乞俟民生稍集。然後惟命。

帝以其辭意懇實。允之。朝貢物數亦命稱其力焉。自三月至於六月。禎凡

三遣使入貢。賜禎羊五百。○九月庚寅。諭高麗上京等處。毋重科歛民。十

一月丙戌。禎以免置驛籍民等事。遣其臣韓就奉表來謝。賜中統五年曆。

並蜀錦一。仍命禎入朝。並同上

至元元年元宗五年正月丁丑朔。禎遣使奉表入賀。諭還使令禎親朝京師。四

月以西北諸王率眾欵附。擬命歲朝王公羣牧於上都。又遣必闐赤古乙獨徵禎入朝。修世見之禮。五月禎遣其借國子祭酒張鎰從古乙獨入見。

六月禎乃親朝。九月帝以改中統五年為至元元年。遣郎中路得成持赦

令與禎。郎將康允昭頒其國。十月禎入朝。○十一月禁登州和州等處。並

女真人入高麗界剽掠。○十二月遣禎還國。○日下舊聞高麗史元宗五年九月王至燕都謁帝。帝再

親宴冬十月王辭於萬壽殿。帝賜駱駝十頭。是年春。禎遣使入貢。自是終世祖三十一年。其國

入貢凡三十有六。並同上

三年元宗七年二月癸酉。立藩州。以處高麗降民。○初至元一年。以高麗人趙

彝等言日本國可通。擇可奉使者。至是八月丁卯。命兵部侍郎黑的給虎

符充國信使。禮部侍郎殷弘給金符充國信副使。司議官伯德孝先等持

國書使日本。書略曰。朕即位之初。以高麗無辜之民。久瘁鋒鏑。即今罷兵。

還其疆域。返其旄倪。高麗君臣感戴來朝。義雖君臣。歡若父子。計王之君

臣亦已知之。高麗朕之東藩也。日本密通高麗。開國以來。亦時通中國。至

於朕躬而無一棄之使以通和好。尙恐王國知之未審。故特遣使持書布告朕志。冀自今通問結好。以相親睦。以至用兵。夫孰所好。王其圖之。又詔高麗導去使至其國。○十二月。禎遣其樞密院副宋君斐。偕福部侍郎金贊等。導詔使黑的殷弘等往日本。不至而還。並同上

四年元宗八年正月。禎遣君斐等奉表。從黑的等入朝。六月。帝以禎飭辭令去使徒還。復遣黑的與君斐等。以詔諭禎。委以日本事。以必得其要領爲期。

九月。禎遣其起居舍人潘阜。書狀官李挺。充國信使。持書詣日本。○留六月。亦不得其要領而歸。並同上

五年元宗九年正月。禎遣其弟滄來朝。詔以禎飭事見欺。面數其事於滄。切責之。復遣北京路總管于也孫脫。禮部郎中孟甲。持詔諭禎。曰。詳見藝文志太祖

法制。凡內屬之國。納質助軍。輸糧設驛。編戶籍置長官。在太祖時。王綽已入侍。郵傳亦粗立。餘率未奉行。今將問罪於宋。其所助士卒舟艦幾何。輸糧則就爲儲積。至若設官及戶版事。其意謂何故以問之。三月。于也孫脫

等至其國。四月。禎遣其門下侍郎李藏用。奉表與于也孫脫等入朝。五月。帝勅藏用曰。往諭爾主。速以軍數實奏。將遣人督之。今出軍爾等必疑。將出何地。或欲南宋。或欲日本。爾主當造舟一千艘。能涉大海。可載四千石者。藏用曰。舟艦之事。卽當應命。但人民殘少。恐不及期。往者臣國有軍四萬。三十餘年之間。死於兵疫。今止有牌子頭五十戶。百戶十戶之類。虛名而無軍卒。帝曰。死者有之。生者亦有之。藏用曰。賴聖德。自撤兵以來。有生長者。僅十歲耳。帝又曰。自爾來者。言海中之事。於宋得便風。可三日而至日本。則朝發而夕至。舟中載米。海中捕魚而食之。則豈不可行乎。又敕藏用曰。歸可以此言諭爾主。○秋七月。高麗遣其臣崔東秀來言。備兵一萬。造船千隻。○詔都統領脫朶兒。武德將軍統領王國昌。武略將軍副統領劉傑等。使其國與崔東秀偕行。八月。至其國。禎出昇天府迎之。蓋諭以閱軍造船也。○遣脫朶兒。就相視黑山日本道路。仍命耽羅別造船百艘。以伺調用。○九月。以禎表奏潘阜等。奉使無功而還。復遣黑的等使日本。詔

禎遣重臣導送。十二月。禎遣其知門下省事申思全。禮部侍郎陳井。起居舍人潘阜等。從國信使黑的等赴日本。借禮部侍郎張鎰。奉表從脫朶兒入朝。○黑的等。至對馬島。日本人推而不納。執其塔二郎彌二郎二人而還。並上

六年。元宗十年春正月。禎遣大將軍康允昭。奉表奏誅權臣金俊等。○賜高麗西錦。○三月。禎復遣申思全。奉表。從黑的入朝。○六月。命高麗金有成等。送還執者于日本。令中書省牒其國。亦不報。有成留其太宰府守護所者久之。○丙申。高麗遣世子愷來朝。賜禎玉帶一。愷金五十兩。從官銀幣有差。○七月。帝遣明威將軍都統領脫朶兒。武德將軍統領王國昌。武略將軍副統領劉傑。相視耽羅等處道路。詔禎遣選官引達。以人言耽羅海道往南宋日本甚易故也。八月。世子愷。至朝。奏本國臣下擅廢禎。立其弟安慶公涓事。詔遣使臣幹朶思不花李謬等。至其國詳問之。九月。樞密院御史臺奏。世子愷言朝廷若出征。能辦軍三千。備糧五百。如官軍入境。臣宜

同往。庶不驚擾。帝然之。○己未。授世子愷特進上柱國東安公。戊辰。敕愷率兵三千赴其國難。愷辭東安公。乃授特進上柱國。○命抄不花。往征其國。以病不果行。詔遣蒙哥都代之。○辛未。敕管軍萬戶宋仲義。征高麗。○幹朶思不花李謬。以高麗刑部尙書金方慶。至。奉權國王涓表。訴國王禎遣疾。令弟涓權國事。○十月。帝以禎涓廢置。乃林衍所爲。遣中憲大夫兵部侍郎黑的。淄萊路總管府判官徐世雄。詔禎涓衍等。以十二月同詣闕。下面陳情實。聽其是非。又遣國王頭輦哥等。率兵壓境。如踰期不至。當窮治首惡。進兵剿戮。命趙璧行中書省于東京。仍詔諭高麗國軍民。十一月。高麗都統領崔坦等。以林衍作亂。挈西京五十餘城入附。遣斷事官別同瓦馳驛於王綽。洪茶邱所管。實科差戶內簽軍。至東京。付樞密院。得三千三百人。高麗西京都統李延齡。乞益兵。遣忙哥都率兵二千赴之。樞密院臣議征高麗事。初馬亨以爲高麗者。本箕子所封之地。漢晉皆爲郡縣。今雖來朝。其心難測。莫若嚴兵假道。以取日本爲名。乘勢可襲其國。定爲

郡縣。亨又言今既有釁端。不宜遣兵伐之。萬一不勝。上損國威。下損士卒。彼或上表言情。宜赦其罪戾。減其貢獻。以安撫其民。庶幾感慕聖化。俟南宋已平。彼有他志。回兵誅之。亦未晚也。前樞密院經歷馬希驥亦言。今之高麗。乃古之新羅。百濟。高句麗。三國併而為一。大抵藩鎮權分。則易制。諸侯強盛。則難臣。驗彼州城軍民多寡。離而為二分。治其國。使權侔勢等。自相維制。則徐議良圖。亦易為區處耳。黑的等至其國。禎受詔復位。遣其禮部侍郎朴杰。從黑的等奉表入朝。十二月。乃親朝京師。並同上

七年。元宗十一年正月甲寅。高麗王禎遣使來言。比奉詔臣已復位。今從七百人入覲。詔令從四百人來。餘留之西京。○詔高麗西京內屬。改東寧府。畫慈悲嶺為界。丁巳。以忙哥都按本記作蒙哥為安撫高麗使。佩虎符。率兵戍其西境。詔諭其國僚屬軍民曰。詔見藝文志林衍擅廢易國王。豈可不誅。其安昌公涓。本非得已。在所寬宥。自餘一無所問。○二月。禎來朝。求見皇子燕王。詔曰。汝一國主也。見朕足矣。禎請以世子慄見。從之。詔諭禎曰。汝內附在後。

故班諸王下。我太祖時。都護先附。即今齒諸王上。阿思蘭後附。故班其下。卿宜知之。○遣軍送禎就國。詔諭高麗國官吏軍民。詔見藝文志初有旨。令頭輦哥行省駐西京。而以忙哥都趙良弼充安撫使。與禎俱入其京。既而復命行省入其王京。而以脫脫朶兒充其國達魯花赤。罷安撫司。○世子慄奏乞隨朝及尙主。不許。命隨其父還國。○四月。東京行尙書省言。近西京遣徹徹都等同禎之臣鄭子璵等。持省劄召高麗國令公林衍。使還言衍已死。子惟茂擅襲令公位。其國侍郎洪文孫尙書宋宗禮殺惟茂及衍壻崔宗瑫。惟茂弟惟裊自剄。衍黨裴仲孫等復集餘衆。立禎庶族承化侯按史承化侯名溫為王。竄入珍島。大軍住王城西關城。遣人收繫林衍妻子。行省與禎議。遷江華島。居民於王京。仍宣詔撫綏之。禎不從。至入居其舊京。始從行省之議。○趙壁傳以趙壁改中書左丞。同國王頭輦哥行省。年矣。外雖卑。辭臣貢內。特歸其險。故國子古京。可以安兵。息民。策之上者。也。王實無罪。若朝廷遣兵護歸。使復國。于古京。可以安兵。息民。策之上者。也。因遣使以聞。帝從之。遣國頭輦哥暨趙壁將兵討高麗。以衍省外書右丞。○宋衛傳詔遣國頭輦哥暨趙壁將兵討高麗。以衍省外

郎持詔徒江華島居民於平六月禎遣人報有朝廷逃軍與承化侯者以
 壤復命慰勞至厚仍賜衣段
 三別抄軍叛世子愷復言叛兵據江華島宜率軍水陸進擊之禎復報叛
 兵悉遁去世子愷言叛兵劫府庫燒圖籍逃入海中行省使人覘江華島
 中百姓皆空島之東南相距約四十里叛兵乘船俟風勢欲遁於是即命
 乃顏率眾追擊之七月丞相安童等言頭輦哥等遣大托忙古解來言令
 阿海領軍一千五百屯王京伺察其國中遂以阿海為安撫使十一月
 書省臣言於高麗設置屯田經畧司以忻都史樞為鳳州等處經畧使佩
 虎符領軍五千屯田於金州又令洪茶邱以舊領民二千屯田阿剌帖木
 兒為副經畧使總轄之而罷阿海軍○史樞傳史樞燕之永清人至元六
 歲餘不下七年進樞昭勇大將軍鳳州經略使至謂將佐曰賊勢方張
 未易力戰況炎暑海氣蒸鬱弓刀弛弱不可用宜分軍為三多張旗幟
 以疑之必矣與戰大破之其地悉平閏十一月世子愷還詔諭禎以其陪
 臣元傅等妄奏頭輦哥國王為頭行省官員數事及其國私與南宋日本
 交通又往年所言括兵造船至今未有成效且謂自此以往或先有事南

宋或先有事日本兵馬船艦資糧早宜措置是月又詔禎曰嚮嘗遣信使
 通問日本不謂執迷固難以善言開諭此卿所知將經畧於彼敕有司發
 卒屯田為進取之計庶免爾國他日轉輸之勞仍遣使持書先示招懷卿
 其悉心盡慮裨贊方畧期於有成以稱朕意初林衍之變百姓驚擾至是
 下詔撫諭之○十二月又遣秘書監趙良弼往使日本○日本傳書曰蓋
 與朕既為人一家王國實為隣境故嘗馳使修好為疆場之吏抑而弗通
 所獲二亂坐是果禮之國亦此君不遣使漫為不思中路便塞皆不
 臣知不復然日本素號知禮之國亦此君不遣使漫為不思中路便塞皆不
 可往復舊王位安集其親仁善鄰大夫秘書監趙良弼充國信使
 以樂為也○詔諭禎送使通好日本曰朕惟日本自昔通好中國實相密
 王其圖之也○詔諭禎送使通好日本曰朕惟日本自昔通好中國實相密
 邇故嘗詔卿導達去使講信修睦為其疆吏所梗竟不獲明諭朕心後以
 林衍之故不暇及今既輯寧爾家遣少中大夫秘書監趙良弼充國信使
 期於必達仍以忽林赤王國昌洪茶邱將兵送抵海上比國信使還姑令
 金州等處屯駐所需糧餉卿專委官赴彼供給並鳩集金州旁左船艦於

金州需待無致稽緩匱乏。竝同上

八年元宗十年正月禎遣其樞密使金鍊奉表入見請結婚。○丙戌高麗安

撫阿海畧地珍島與逆黨遇多所亡失中書省臣言牒知珍島餘糧將竭

宜乘弱攻之詔不許令巡視險要常爲之備。○二月甲辰命忽都答兒持

詔招諭高麗林衍餘黨裴仲孫。○三月己卯中書省臣言裴仲孫乞諸軍

退屯然後內附而忻都未從其請今願得全羅道以居直隸朝廷詔以其

飾詞遷延歲月不允四月壬寅高麗鳳州經畧司忻都言叛臣裴仲孫稽

留使命負固不服乞與忽林赤王國昌分道進討從之命高麗簽軍征珍

島。○五月忻都與史樞洪茶邱大

敗珍島賊獲承化侯斬之其黨金通精走耽羅。○六月日本通事曹介升

等上言高麗透路導引國使外有捷徑尙得便風半日可到若使臣去則

不敢同往若大軍進征則願爲嚮導帝曰如此當思之。○七月珍島脅從

民戶來降。○禎遣其上將軍鄭子璵奉表謝平珍島世子慥率其尙書右

丞宋玠軍器監薛公儉等衣冠胤胄二十八人入侍八月忽林赤赴鎮邊

合浦縣屯所九月禎遣其通事別將徐稱導送宣撫趙良弼使日本。○詔

命王國昌屯於高麗之義安郡以爲援。○癸亥世子慥辭歸賜國王禎西

錦優詔諭之。○十一月禎遣樞密院事李昌慶奉表謝許婚事。竝同上

九年元宗十三年正月禎遣其別將白琚偕張鐸等十二人奉表入見世子慥

以其國尙書右丞宋玠玠父上將軍完禮討林惟茂狀言其功于中書省

遣郎中不花馬璘使高麗諭以供戰船輸軍糧事。○辛巳移鳳州屯田於

鹽白二州。○二月庚辰朔奉使日本趙良弼遣書狀官張鐸同日本二十

六人至京師求見。○禎致書日本使通好于朝。○三月乙丑諭旨中書省

日本使人速議遣還安童言良弼請移金州戍兵勿使日本妄生疑懼臣

等以爲金州戍兵彼國所知若復移戍恐非所宜但開諭來使此戍乃爲

耽羅暫設爾等不須疑畏也帝稱善。○五月高麗王禎又以書往日本令

必通好大朝皆不報。○詔議取耽羅及濟州。○六月遣西京屬城諸達魯

花赤及質子金鎰等歸國。○甲午高麗告饑轉東京米二萬石賑之。辛亥高麗王禎請討耽羅餘寇。十一月己巳發屯田軍二千。漢兵二千。高麗軍六千。仍益以武衛軍二千。征耽羅。○中書省臣及樞密院臣議曰。若先有事日本。未見其順逆之情。恐有後辭。可先平耽羅。然後觀日本從否。徐議其事。且耽羅國王嘗來朝覲。今叛賊逐其主。據其城以亂。舉兵討之。義所先也。○十二月辛丑。諸王忽刺出拘括逃民高麗界中。高麗達魯花赤上其事。詔高麗之民猶未安集。禁罷之。竝同上

十年元宗十年春正月。命經略使忻都史樞及洪茶邱等。率兵船大小百有八艘。討耽羅賊黨。○鄭溫傳至元年進溫懷遠大將軍右衛副都指揮使。詔統蒙古漢人女真高麗諸節部軍萬人渡海征耽羅平。○二月高麗王以王師征耽羅。乞下令禁俘掠。聽自製兵仗從之。○四月經畧使忻都同洪茶邱領兵入海。攻拔耽羅城。禽金通精等。奉詔誅之。○六月戊申。經略使忻都等兵至耽羅。撫定其地。詔以迭里伯為耽羅國招討使。尹邦寶副之。○平耽羅。於其地立耽羅國招討使。屯鎮邊軍千

七百人。其貢賦歲進毛施布百匹。招討司後改為軍民都達魯花赤。總管府又改為軍民安撫司。○禎遣其大將軍金忻。表奏攻破濟州。○九月壬辰。中書省臣奏高麗王屢言小國地狹。比歲荒歉。其生券軍乞駐東京。詔令營北京界。仍敕東京路運米二萬石。以賑高麗。○達魯花赤焦天翼還朝。竝同上

十一年元宗十一年三月己卯。詔以勸課農桑諭高麗王。仍命安撫高麗軍民總管洪茶邱提點農事。○賜千戶綦公直金符。督造征日本戰船于高麗。○庚寅敕鳳州經畧使忻都。高麗軍民總管洪茶邱等。將屯田軍及女真軍並水軍合萬五千人。戰船大小合九百艘。征日本。○遣尤速搭八撒尤合。持詔使高麗。諭簽軍五千六百人助征日本。○改金州招討司為萬戶府。○五月丙申。以皇女忽都魯揭里迷失。下嫁高麗世子愷。○七月其樞密院副使奇蘊。奉表告王禎薨。○以遺表來。且言世子愷孝謹。可付後事。敕同知上都留守司事張煥。冊愷為高麗國王。○詔諭高麗王宗族及大

小官員百姓人等。其畧曰國王王禎存日。屢言世子愷可為繼嗣。今令愷襲爵為王。凡在所屬。並聽節制。八月世子愷還至其國襲位。九月遣齊安侯王淑上表謝恩。十一月皇女入京城。愷復遣其判閣門李信孫等奉表入謝。十二月以黑的為高麗達魯花赤。李益受代還。並同。上○按元史列傳。李益以至元八年。為行省達魯花赤。

海東釋史卷第十四終

海東釋史卷第十五

世紀十五

高麗四

至元十二年忠烈王元年五月癸巳。諭高麗王愷。招珍島餘黨之在耽羅者。○七月黑的還朝。十一月遣使諭愷。改官職名號。愷遣其帶方侯王澂。率衣冠子弟二十人入侍。以石末天衢充副達魯花赤。並元史

十三年忠烈王二年正月己丑。敕高麗國。以有官子弟為質。○七月愷遣其僉議中贊金方慶。奉表賀平宋。○九月乙巳。高麗王上僉議中贊金方慶功。授虎符。○十一月愷遣其判秘書寺朱悅。奉表奏更名睿。並同上

十四年忠烈王三年正月戊戌。高麗金方慶等為亂。命高麗王治之。仍命忻都洪茶邱飭兵備禦。同上

十五年忠烈王四年正月。睿以達魯花赤石抹天衢秩滿未代。請復留三年。從

之。東征元帥府上言以爲高麗侍中金方慶與其子悅愜恂婿趙卞等陰養死士四百人。匿鎧仗器械造船艦積糧餉謀作亂。捕方慶等按驗得實。已流諸海島。然高麗初附。民心未安。可發征日本還卒二千七百人。置長吏屯忠清全羅諸處。鎮撫外夷。以安其民。復令士卒備牛畜耒耜。爲來歲屯田之計。同上

十六年忠烈王五年春正月癸丑。敕高麗國置大灰艾州東京柳石孛落四驛。

○六月甲申。敕造戰艦征日本。以高麗材用所出。即其地製之。令高麗王議其便以聞。○八月己亥。海賊金通精死。獲其從子温。有司欲論如法。帝曰。通精已死。温何預焉。特赦其罪。並同上

十七年忠烈王六年五月。高麗王睿以民飢乞貸糧萬石。從之。造戰船三千艘。勅耽羅發材木給之。七月以高麗國初置驛站民乏食。命給糧一歲。仍禁使臣往來勿求索飲食。○八月戊辰。王睿來朝。且言益兵三萬征日本。○十月癸酉。加睿開府儀同三司中書左丞相行中書省事。十二月辛未。高

麗王睿領兵萬人水手萬五千人戰船九百艘糧一十萬石。出征日本。給洪茶邱等戰具高麗鎧甲戰襖。諭諸道征日本兵。取道高麗毋擾其民。以高麗中贊金方慶爲征日本都元帥。密直司副使朴球金周鼎爲管。高麗國征日本軍萬戶並賜虎符。癸酉以高麗王睿爲中書右丞相。並同上

十八年忠烈王七年正月壬子。高麗王遣使言日本犯其邊境。乞兵追之。以成金州隘口軍五百付之。○二月睿言本國必闕赤不諳行移文字。請除郎中員外各一員。以爲參佐。○戊辰賜征日本善射軍及高麗火長水軍鈔四千錠。辛未高麗王睿以尙主。乞改宣命。益駙馬二字。制曰可。丙戌征日本國軍啓行。乙亥敕以耽羅所造船。付洪茶邱出征日本。五月壬子。免耽羅國今歲入貢白紵。勅耽羅國達魯花赤塔兒赤。禁高麗全羅等處田獵擾民。六月壬午。命耽羅戍力田自給。日本行省臣遣使言大軍駐巨濟島。至對馬島。獲島人言大宰府西六十里。舊有戍軍已調出戰。宜乘虛擣之。詔曰。軍事卿等宜自權衡之。壬辰高麗王言本國置驛四十。民畜凋弊。勅

併爲二十站。仍給馬價八百錠。八月壬辰。忻都洪茶邱范文虎李庭金方慶諸軍船爲風濤所擊大失利。餘軍回至高麗境。十存一二。○日本傳有歸言官軍六月入海七月至平湖島移五龍山八月一日風破舟五日文虎等諸將各自擇堅好船乘之棄士卒餘萬于山下衆推張百戶者爲主帥號曰張總管方伐木作舟欲還七日日本來戰盡死餘二三萬爲其虜去九日至八角島盡殺蒙古高麗漢人謂新附軍爲唐人不殺而奴之閭輩是也蓋行省官議事不相下故皆棄軍歸久之九月益耽羅戍兵。莫青與吳萬五者亦逃還十萬之衆得還者三人耳。仍命高麗給戰具。○十一月甲子。高麗國金州等處置鎮邊萬戶府。以控制日本。○己巳勅軍器監給兵仗。付高麗沿海等郡。高麗王請完濱海城防日本。不許。並同上

十九年忠烈王 正月。嗜以日本寇其邊海郡邑。燒居室掠子女而去。請發闍里帖木兒麾下蒙古軍五百人戍金州。又從之。○七月高麗王請自造船一百五十艘。助征日本。九月壬申。勅高麗耽羅平灤及楊州隆興泉州。共造大小船三千艘。並同上

二十年忠烈王 正月乙丑。預備征日本軍糧。令高麗國備二十萬石。以阿

塔海依舊爲征東行中書省丞相。四月命高麗王就領行省。規畫日本事宜。甲午高麗王嗜請以蒙古人同行省事。癸卯授嗜征東行中書省左丞相。仍駙馬高麗國王。五月立征東行中書省。以高麗國王與阿塔海共事。給高麗國征日本軍衣甲。○百官志征東等處行中書省至元二十年以罷甲戌設高麗國勸農官四員。同上

二十一年忠烈王 正月。立耽羅國安撫使。○二月辛巳。罷高麗造征日本船。四月戊申。高麗王及公主以其世子諫來朝。七月塔刺赤言頭輦哥國王出戍高麗。調旺速等所部四百以往。今頭輦哥已回。留軍耽羅。宜令他軍更戍。伯嶺等議以高麗軍千人屯耽羅。其留戍四百人縱之還家。從之。並同上

二十二年忠烈王 四月辛酉。以耽羅所造征日本船百艘賜高麗。冬十月丁卯。勅樞密院計膠菜諸處漕船。高麗江南諸處海船。括傭江淮民船。備征日本。十一月戊寅。遣使告高麗。發兵萬人船六百五十艘。助征日本。仍

令於近地多造船。癸巳勅漕江淮米百萬石。泛海貯於高麗之合浦。仍令東京及高麗各貯米十萬石。備征日本諸軍。期於明年三月以次而發。八月會於合浦。同上

二十三年忠烈王十二年五月。勅遣耽羅戍兵四百人還家。九月壬辰。高麗遣使獻日本俘。冬十月壬戌。又遣使來獻日本俘十六人。同上

二十四年忠烈王十三年五月。授高麗王睿行尙書省平章事。壬子高麗王請益兵征乃顏。以五百人赴之。同上

二十五年忠烈王十四年二月己卯。以高麗王睿復為征東行尙書省左丞相。同上

二十六年忠烈王十五年春正月戊申。遣叅知政事張守智翰林直學士李天英使高麗。督助征日本糧。四月己酉。遼陽省管內饑。貸高麗米六萬石以賑之。癸酉。以高麗國多產銀。遣工即其地發旁近民治以輸官。九月己卯。置高麗國儒學提舉司。從五品。同上

二十七年忠烈王十六年正月丙寅。合丹餘寇未平。命高麗國發耽羅戍兵千人

討之。丁卯。高麗王言臣昔宿衛京師。遭林衍之叛。國內大亂。高麗民居大

同者籍籍之。臣願復以還高麗為民。從之。伯帖木兒傳哈丹復入高麗

戶奉命偕徹里帖木兒進討二月乙亥朔。立高麗全羅州道萬戶府。四月癸巳。太傅呂

玉魯言招集幹者所屬亦乞烈。今已得六百二十一人。令與高麗民屯田。

宜給其食。敕遼陽行省驗實給之。五月己巳。命徹里鐵木兒所部女真高

麗契丹漢軍輸地稅外並免他徭。同上

二十八年忠烈王十七年五月癸丑。罷尙書省事。皆入中書。改征東行尙書省左

丞相駙馬高麗國王王睿。為征東行中書省左丞相。己未。高麗國王睿乞

以其子諫為世子。詔立諫為高麗王世子。授特進上柱國賜銀印。十月辛

巳。召高麗國王睿公主忽都魯揭里迷失詣闕。癸未。高麗國饑。給以米二

十萬斛。十二月乙丑。遼陽洪寬女真部民饑。借高麗粟賑給之。丁卯。高麗

國鴨綠江西十九驛經乃顏反。掠其馬畜。給以牛各四十。同上

二十九年忠烈王十八年二月乙亥。立總管高麗女真漢軍萬戶府。頒銀印。○哈

丹涉海南襲高麗。諸王塔出進兵討之。○戊寅詔加高麗王睿太保。閏六月辛亥。高麗饑。其王遣使來請粟。詔賜米十萬石。八月戊午。高麗女真界首雙城饑。救高麗王。於海運內以粟賑之。並同上○高麗史世家忠烈王十

八年八月。遣郎將秦良弼。押呪人巫女女元。帝召之也。九月。帝御紫檀殿。引見世子。令呪人巫女等入殿。執帝手足呪之。帝笑。日下舊聞○又云。昆田案高麗世子即忠

宣王璋嘗構萬卷堂于京師者

三十年忠烈王十九年二月。睿遣使入奏復更名。乞功臣號。制賜號推忠宣力定遠功臣。按本紀二十九年二月。賜功臣號。與本傳不同。○其僉議府請陞僉議司。降二品印。從

之。辛亥。詔高麗沿海置水驛。自耽羅至鴨綠江。並楊村海口。凡十一所。令洪君祥董之。○十一月。高麗王距入朝。並元史

三十一年忠烈王二十年四月甲午。成宗即位。乙巳。賜高麗王距銀三萬兩。○五月戊寅。封皇姑高麗王距妃忽都魯揭里迷失。為安平公主。○高麗王上言。耽羅自祖宗以來。臣屬本國。逆黨林衍既平之後。改隸朝廷。乞仍其舊。

帝曰。此小事。可使還屬高麗。自是遂復隸高麗。並同上

成宗元貞元年忠烈王十一年四月乙巳。賜高麗王距銀三萬兩。○閏四月戊辰。遣愛牙赤。覈實高麗國儲糧。六月壬子。高麗王距乞為太師中書令。不

允。並同上二年忠烈王十二年七月。陞其僉議司為二品。○壬午。授特進上柱國高麗王

世子王諫。為儀同三司領都僉議司事。並同上大德元年忠烈王十三年春正月。王與公主世子。侍宴萬歲山廣寒殿。日下舊聞○

二月癸卯。以闔里台所隸新附高麗女真漢軍居藩州。十一月癸亥。高麗王距告老。乞以其爵與其子諫。丁丑。詔以高麗王世子諫。為開府儀同三

司。征東行中書省左丞相。駙馬上柱國高麗國王。仍加授王距。為推忠宣力定遠保節功臣。開府儀同三司。太尉。駙馬上柱國逸壽王。元史

二年忠烈王十四年正月。成和林高麗女真漢軍賜鈔三萬錠。七月。高麗王諫擅命妄殺。詔遣中書右丞楊炎龍。僉樞密院事。洪君祥。召其入侍。以其父

距仍統國政。同上

三年忠烈王二十五年正月。距遣使入貢。丞相完澤等言。世祖時或言高麗僭設省院臺。有旨罷之。其國遂改立僉議府密直司監察司。今諫加其臣趙仁規司徒司空侍中之職。又距給仁規赦九死獎諭文書。又擅寫皇朝帝系及自造曆。加其女爲令妃。又立資政院。以崔冲紹爲興祿大夫。又嘗奉太后旨。公主與諫兩位下劫薛解合併爲一。諫不奉旨。諫又擅殺千戶金呂。而以其金符給宦者木合兒。又仁規進女侍諫。有巫蠱事。今乞將仁規冲紹發付京兆鞏昌兩路安置。不得他適。距行事不法。諫年少妄殺無辜。乞降詔戒飭。○壬辰安置高麗陪臣趙仁規於安西。崔冲紹於鞏昌。並笞而遣。以正其附王諫擅命妄殺之罪。復以王距爲高麗王。遣工部尙書也先鐵木而翰林待制賈汝舟齎詔往諭之。○二月詔諭距並闔境臣民。自今以始。勉遵守國之規。益勤畏天之戒。凡在官者各勤乃事。協力匡贊。毋蹈前非。自干刑憲。緇黃士庶。各安其業。五月哈散使高麗還。言距不能服其

衆。朝廷宜遣官共理之。庚子遂復立征東行省。命濶里吉思爲高麗行省平章政事。九月距遣使入貢。以朝廷增置行省。上表陳情。其略言累世有勤王之功。凡八十餘年。世修職貢。嘗以世子入侍。得聯婚帝室。遂爲甥舅。實感至恩。使小國不替祖風。永修侯職。是所望也。並同上

四年忠烈王二十六年二月。征東行省平章濶里吉思言。高麗國王自署官府三百五十八所。官四千五十五員。衣食皆取之民。復苛征之。又其大會。王曲蓋龍屐警蹕。諸臣舞蹈山呼。一如朝儀。僭擬過甚。遣山東宣慰使塔察兒刑部尙書王泰亨齎詔諭之。使釐正僭儀以聞。三月濶里吉思復上言。僉議司官不肯供報。民戶版籍州縣壇界。本國橫科暴斂。民少官多。刑罰不一。若止依本俗行事。實難撫治。同上

五年忠烈王二十七年二月。爲高麗王距。罷行省官。有詔諭距。秋七月。距上表言。昔居海島時。嘗用山呼。後改呼千秋。今旣奉明詔。一切皆罷。又革官府九十餘所。汰官吏二百七十餘員。他如雜徭病民駙騎煩擾驛傳者。亦皆省

之詔曰卿其諭朕意所言當始終行之。或有不然。寧不羞懼。○十二月辛卯。征東行省平章濶里吉思以不能和輯高麗罷。竝同上

七年忠烈王二十九年。遣刑部尚書塔察而翰林直學士王約使高麗。以其國相吳祈專權。徵詣闕問罪。○高麗王昨年老傳國子諫。有不安其政者。飛讒離間。及諫朝京師。潛使賂用事者。留諫不遣。昨復位乃委用小人。厚歛淫刑。國人羣愬于朝。中書令執其首惡繫刑部。其黨復不悛。奏屬王約驗問。約至宣布明詔而諭之曰。天地間至親者父子。至重者君臣。彼小人知自利。寧肯為汝國家地耶。昨感泣且謝曰。臣年耄聽信儉邪。是以致此。今聞命矣。願奉表自雪。且請子諫還國。其小人黨與悉聽使者治。翌日逮捕覆按其罪。流三十二人。杖三人。黜有官者二人。命故臣洪子藩為相。俾更弊政。罷非道水站十三。免耽羅貢非土產物。東民大喜。○冬十月戊戌。命省臺院官。鞠高麗國相吳祈及千戶石天輔等。以祈離間王父子。天輔謀歸日本。皆答之徙安西。十一月壬子。詔高麗三次免黜謫戍湖廣。竝同上

八年忠烈王三十年。進郭貫翰林直學士。奉詔與遼陽行省平章政事別速合徹里帖木兒往鎮高麗。同上

十年忠烈王三十二年。五月乙酉。遣高麗國王昨還國。仍署行省以鎮撫之。其國僉議密直司等官。並授以宣敕。同上○東國史畧忠烈王三十二年。王如元。

欲與前王按即忠宣王俱東還。王維紹等讒構兩宮。謀廢嫡。以瑞興侯璵尙前王公主為嗣。日下舊聞

十一年忠烈王三十三年。五月。武宗即位。六月戊午。進封高麗王昨。為瀋陽王。加太子太傅。駙馬都衛。元史○東國史畧忠烈王三十三年。元成宗崩。前王與

皇姪愛育黎拔力八達太子及右丞相答刺罕等。定策迎立懷寧王海山為帝。奉太子旨。捕王維紹等囚之。遷王于慶壽寺。日下舊聞

武宗至大元年忠烈王三十四年。夏四月丙辰。高麗王章言。陛下令臣還國。復設官行征東行省事。高麗歲數不登。百姓乏食。又數百人仰食其土。則民不勝其困。且非世祖舊制。帝曰。先請立者以卿言。今請罷亦以卿言。其準世

祖舊制。使遣使往罷之。九月丙辰。高麗國王暉卒。庚辰。以高麗國王王章嗣高麗王。按弘簡續錄元成宗十一年五月忠烈王薨。元史本紀武宗至

罷行省依此則置省當在忠烈王未薨時與麗史及弘簡錄抵牾 ○是歲寧遠王濶濶出有逆謀。詔徙之

高麗。竝元

二年忠宣王 二月癸亥。太后幸五臺佛寺。三月己丑。遼陽行省右丞洪重

喜訴高麗國王章。不奉國法恣暴等事。中書省臣請令重喜與高麗王辯

對。敕中書毋令辯對。令高麗王從太后之五臺山。上同

三年忠宣王 四月己酉。賜高麗國王章功臣號。改封瀋王。上同

四年忠宣王 三月。仁宗即位。四月壬寅。詔分汰宿衛士。漢人高麗人南人

冒入者。還其元籍。上同

仁宗皇慶二年忠宣王 五月。四月丙子。高麗王辭位。以其世子燾為征東行中

書省左丞相上柱國。封高麗國王。同。上。按麗史元欲王歸國。王無以為

辭。遂傳位於江陵大君熹。自稱瀋陽王。

○高麗史世家帝幸上都。忠宣王從至龍虎臺拜辭。帝賜衣慰諭。又云忠

宣王五年九月。王至大都。十月帝下王於刑部。既而祝髮置之石拂寺。日

舊聞 ○十月壬寅。敕漢人南人高麗人。宿衛分司上都。勿給弓矢。元史

延祐元年忠宣王 十二月。定服色等制。今後高麗人等投充怯薛者。並在

禁限。上同

三年忠宣王 三月辛亥。特授高麗世子高開府儀同三司瀋王。弘簡續

錄高麗王

燾初尚濮國長公主繼尚曹國長公主尋以燾弟高為王世子娶梁王松

山女 ○按麗史忠宣王既稱瀋陽王以兄子高為世子尋傳瀋王位於高

者此 ○七月庚午。發高麗女真漢軍千五百人。於濱州遼河慶雲趙州屯

田。竝同上

五年忠宣王 夏四月己亥。耽羅捕獵戶成金等為寇。勅征東行省督兵捕

之。○六月衛王阿朮哥以罪貶高麗。術者趙子玉潛謀航海往高麗取阿

朮哥。事覺誅之。並全上

七年忠宣王 三月。英宗即位。四月戊辰。封王煦為鷄林郡公。同上

英宗至治元年忠宣王 春正月甲申。召高麗王章赴上都。同上

二年忠肅王五月癸未。流徽政院使新源于耽羅。上同

三年忠肅王朝廷議罷征東省。立三韓省。制式如他省。詔下中書雜議。集

賢大學士王約對曰。高麗去京師四千里。地瘠民貧。夷俗雜尚。非中原比。

萬一梗化。疲力治之。非幸事也。不如守祖宗舊制。丞相稱善。奏罷議不行。

高麗人聞之。圖公像歸祠而事之。曰。不絕國祀者王公也。上同

泰定帝元年忠肅王十一月甲寅。敕高麗王還國。按忠宣王仍歸其印。上同

四年忠肅王以馬札台佩虎符。領高麗女真漢軍萬戶府。達魯花赤。上同

致和元年忠肅王六月。高麗世子完者禿。訴取其印。遣平章政事買闕往

諭高麗王。俾還之。上同

文宗天曆元年按致和元年九月文宗即位。改元天曆十一月己未。放高麗宦者未薛迷剛

答里歸田里。上同

二年忠肅王正月癸酉。以遼陽省蒙古高麗肇州三萬戶將校。從逆舉兵

犯京畿。拘其印符制敕。十一月己卯。高麗王燾久病不能朝。請命其子禎

襲位。上同

至順元年忠肅王四月辛丑。明宗后八不沙被讒遇害。遂徙明宗子妥懽

帖睦爾於高麗大青島中。不與人接。閱一載。復詔移于廣西之靜江。上同

二年忠宣王夏四月戊申。以宮中高麗女子不顏帖你。賜燕鐵木兒。高麗

國王請割國中田為資送。詔遣使往受之。上同

三年忠肅王正月癸酉。命高麗王燾仍為高麗國王。賜金印。初燾有疾。命

其子禎襲王爵。至是燾疾愈。故復位。上同

順帝元統元年忠肅王高麗國使朝京。道過遼陽。謁省官各奉布四疋。書

一幅。用征東省印封之。行省參知政事答里麻詰其使曰。國制設印。以署

公牘。防姦偽。何為封私書。况汝出國時。我尚在京。未為遼陽省官。今何故

有書遺我。汝君臣何欺詐如是。使辭屈。還其書與布。

十二月壬申。以奴列你他代其父塔刺赤。為耽羅軍民安撫使。司達魯花

赤。賜三珠虎符。上同

二年忠肅王夏四月壬申命唐其勢為總管高麗女真漢軍萬戶府達魯赤上同

後至元元年後忠肅王三月庚子御史臺臣言高麗為國首效臣節而近年

屢遣使往選取媵妾至使生女不舉女長不嫁乞賜禁止從之十一月甲

午以燕鐵木兒唐其勢答里所奪高麗田宅還其王阿刺忒納失里同按上

阿刺忒納失里忠肅王蒙古名也

三年後忠肅王夏四月壬午高麗王阿刺忒納失里朝賀還國賜金一錠鈔

二千錠從官賜與有差上同

六年後忠肅王六月丙申詔放文宗太子燕帖古思於高麗同上

至正二年後忠肅王秋監察御史言宦官太盛宜減其額蓋時宦者多高麗

人為之也庚申〇十二月日本商百餘人遇風漂入高麗高麗掠其貨表

請沒入其人以為奴鐵木兒塔識持不可資還之元史

四年後忠肅王三月壬寅特授八禿麻朶兒只征東行省左丞相嗣高麗國

王同縣上按麗史元以忠王貪淫不道遣老赤等執王歸書請救
齊沐李齊賢草征省諸公名呈事竟就其書曰高麗國者大德教
前等就王執事直情行所出倉卒儀仗臣躬無所入復言聽訖使
臣等不更執事直情行所出倉卒儀仗臣躬無所入復言聽訖使
也又念小邦始祖氏開國以海致四本意蓋亦無他日照臨胡世
宋遼金通使往來圖復遼已及我祖武皇帝遣梁島嶼之祖際命
者將帥討罪是兩寒國深饒遼我孫我無忘今日趙分所虜生口等
一舉破賊於我忠也敬祖文武皇帝子繼我孫我無忘今日趙分所
疑各有契丹就我忠也敬祖文武皇帝子繼我孫我無忘今日趙分所
見也驚曰高麗當荒遠之邦今我北子將不繼我孫我無忘今日趙分
我忠也敬曰高麗當荒遠之邦今我北子將不繼我孫我無忘今日趙分
忠烈王奔告而朝既當荒遠之邦今我北子將不繼我孫我無忘今日
其戰艦每出為先鋒又心祖赫怒烈王之復世乘兩入征親及王地
抗天威王宮奉迎武宗皇無返者大德未益知禮不花於朝禮也
念世祖皇帝釐降忽篤迷公主是生益知禮不花於朝禮也
阿納室肺膺之親焉又室念利生公主是生益知禮不花於朝禮也
世祖實有室肺膺之親焉又室念利生公主是生益知禮不天
天祖所慶福賴彼朝則愧之視歸小化邦之不遲與之獲戾彼則甘
隣我之蒙福賴彼朝則愧之視歸小化邦之不遲與之獲戾彼則甘

然者也。昔周執虞侯，而卒令復位。漢徵梁王武，而亦使歸。梁有以見，王子之度也。況我朝禮，既成，德音廣布，外無四海，歡呼，苟有一物，不享其仁。澤者，所宜痛心。惟聖天子，有過無大，仁倘回，豈不冠風俗，被其里。王免罪，游安業，且使王君臣，小邦之替，其名不益，明世，竝仍其制。山海民，獲舊業，則太祖世，勤恤，不益，遠皇，未誕，毓心，革天。釐之慶，賴生，若孫，以繫遠，之規，模不益，日，本，未，服，之，心，良不。其執迷，樂於歸，化，其意，豈不益，篤，四，不，竝，播，於，天，下，後，世，哉。伏，惟，察，豈言。達，子，天，穆，王，蒙，古，名，也。沙，麻。

八年，忠穆王十二月，監察御史李泌言：世祖誓不與高麗共事。陛下踐世祖之位，何忍忘世祖之言，乃以高麗奇氏亦位皇后。今災異屢起，河決地震，盜賊滋蔓，皆陰盛陽微之象。乞仍降為妃，庶幾三辰奠位，災異可息。不

聽。同見上○奇氏事。十年，忠定王十一月丙辰，以高麗潘王之孫脫脫不花等為東宮怯薛官。

十一年，忠定王十月壬戌，詔以高麗國王不答失里之弟伯顏帖木兒襲

其王封。不答失里之子遂廢。同上○按麗史忠惠王蒙古名普答

十二年，元恭愍王八月丁未，日本白高麗賊過海剽掠，自稱島居士。高麗王

伯顏帖木兒調兵勦捕，賜金繫腰一鈔二千錠。同上

十四年，恭愍王九月甲子，封高麗國王脫脫不花為潘王。同上

十五年，恭愍王十一月辛亥，賜高麗王伯顏帖木兒為親仁輔義宣忠奉

國彰惠靖遠功臣。同上

十六年，恭愍王二月丙寅，命翰林國史院太常禮儀院定擬皇后高麗奇氏三代功臣諡號王爵。同上

十八年，恭愍王十二月癸酉，關先生破頭潘等陷上都，焚宮闕，留七日轉

略往遼陽，遂至高麗。同上

十九年，恭愍王破頭潘關先生沙劉二軍入高麗王京。高麗王奔耽羅。其臣納女請降，將校皆以女子配之。軍士遂與高麗如姻婭。姿情往來，高麗人因而竊藏其馬林中。一夕，傳王令除高麗聲音者不殺，其餘並殺之。沙

劉二軍及關先生皆死。惟破頭潘並裨將左李率輕騎從間道走西京。庚申

使外

二十二年恭愍王十一年十二月。帝以讒廢高麗王伯顏帖木兒。立塔思帖木兒

為王。國人上書言舊王不當廢。新王不當立之故。○皇后奇氏宗族在高麗。恃寵驕橫。庚申外使初。祔后宗族在高麗者多。蒙官爵封號。出則恃勢驕橫。強得人田舍子女。伯顏帖木兒屢

戒飭不悛。高麗王遂盡殺奇氏族。皇后謂太子曰。爾年已長。何不為我報

讐。時高麗王昆弟有留京師者。乃議立塔思帖木兒為王。○弘簡續錄。后以高麗王盡殺

奇氏故日讒於帝。任情廢立。而以奇族子三寶奴為元子。以將作同知崔帖木兒為丞

相。以兵萬人送之國。至鴨綠江為高麗兵所敗。僅餘十七騎還京師。○元

按麗史。塔思帖木兒。即忠宣王庶子德興。君諫也。嘗為僧。入元。賜名塔

思帖木兒。壬寅歲。叛臣崔濡說元。立為王。將兵東搶甲辰。為崔瑩等所敗。

走元命。濡即崔帖木兒也。

二十三年恭愍王十二年春。關先生餘黨復自高麗還。寇上都。李羅帖木兒擊降

之。同上

二十五年恭愍王十四年十二月乙卯。詔立次皇后高麗奇氏為皇后。改奇氏為

肅良合氏。詔天下仍封奇氏父以上三世。皆為王爵。同上

明太祖洪武元年恭愍王十七年遣使賜高麗王顥璽書。諭定天下。明史

二年恭愍王十七年顥表賀貢方物。且請封。帝遣案本紀作丙子符璽郎僕斯。齎詔及

金印。誥文封為高麗國王。秋。顥遣總部尙書成。惟得千牛衛大將軍金甲

兩。上表謝並賀天壽節。因請祭服制度。惟得等辭歸。帝從容問王居國何

為。城郭修乎。兵甲利乎。宮室壯乎。頓首言東海波臣。惟知崇信釋氏。他未

遑也。遂以書諭之。書見藝文志。○武備志。璽書。諭王言佛法非所以治國

之無所其何震之有王國北接虜而南隣倭虜。創于此。恐將逸于彼。倭狡

而貪。出沒海上。且窺王虛實。朕私憂之。設險蒐乘。以固吾圉。惟王念哉。今

以經史諸書賜自是貢獻數至。元朝及聖節遣使朝賀。歲以為常。同上

臣按高麗自晉侯建國。至是八百餘年。始易三姓。在唐已前所謂高麗

者。止是一國。五代以後。乃併三韓百濟而一之。在勝國時。猶有耽羅。今

耽羅亦為所有。其土壤比隋唐往征之時。已數倍矣。然其國頗尙禮義。

安分守。自入國朝以來。恭順朝廷。四時朝貢。不廢禮節。大學衍義補

三年恭愍王十九年正月癸巳。上齋七日。御撰祝冊。署召授香使者。往祀高麗王

國山川之神。○是歲頒科舉詔之高麗國。明年入試者三人。登第一人。以

不通華言。厚禮遣。並名山藏王享記

五年恭愍王十一年。顓遣其禮部尙書吳季南。民部尙書子溫。貢方物。表言耽

羅國恃其險遠。不奉朝貢。蒙古人留居其國。宜徙之。蘭秀山逋逃所聚。亦

恐爲寇患。乞發兵討之。賜璽書言耽羅隸爾國。蒙古亦人類。蘭秀山逋寇

示以朕詔。一呼可至。勿用兵便。吾學編○貢使洪師範。鄭夢周等一百五十

餘人來京。失風溺死者三十九人。師範與焉。帝憫之。遣元樞密使延安答

里。往諭入貢毋數。而顓復遣門下贊成事姜仁裕貢馬。其賀正朝使金潛

等已先至。帝悉遣還。明史○上因遣還高麗使。謂中書省臣曰。方諭高麗無

繁。今一歲間復數至。旣困敝其民。又使者艱涉海。即如鄭夢周輩。幸免覆

溺。能歸言。故不然。不疑端耶。夫古者諸侯於天子。比年小聘。三年大聘。九

州之外。世見而已。今高麗去中國稍近。人知經史文物。其令遵三年一聘

禮。或以比年所貢方物。第以其所產布布十疋。其告朕此意。名山藏王享記

六年恭愍王十二年。高麗王復遣使金甲兩等貢馬五十疋。甲兩至言。道亡其

二。及進馬。則五十。問之。蓋足以私馬。問安所得私馬。則云。欲自進於東宮

者。上惡其不誠。却之。且曰。人臣私交。非春秋義。賜顓璽書。自後無遣浮詐

人爲使。同上

七年恭愍王十三年。王顓遣其監門衛上護軍周誼。鄭庇等。表貢方物。表五通。

其二。謝前後所賜兩璽書。其一。請歲一貢。其一。請貢繇遼入陸。無涉海。其

一。謝調恤失風人。上返其貢。賜書曰。使至貢陳。敷王極情。聽言覽表。事大

之心甚矣。朕觀上古之君。旬俟綏服之外。不治。體天弘仁。欲民安耳。所以

不寶遠物。不勞夷民。聖人之心。弘哉。朕雖不才。敢不寶王之臣忠。卻來誠

之美貢。朕欲王自今以往。薄來而情厚。王宜聽之。是年王顓卒。顓之卒也。

蓋其權相李仁人弑之。顓無子。子其寵臣辛哱之子。禍於是。仁人按仁人當作仁

任立禍。同上

八年辛元年禍遣判宗簿事崔原來告哀。且言前有貢使金義殺朝使蔡斌。

今嗣王已誅義籍其家。帝疑其詐。拘原而遣使往吊祭。明史

十年辛三年禍高麗遣使來請故王諡。時王顥被弑三年矣。帝敕中書省臣曰：

高麗國王卒已久。始來請諡。朕甚疑之。夫其私殺其君。詭殺朝使。豈能長

奉邊圉。篤守憲章者哉。好禮來者勿彼與知。因釋原歸。名山藏王享記○夏復遣

周誼貢馬及方物。却不受。明史○冬高麗使復來。敕中書曰：高麗王被弑。奸

臣來者皆云嗣王。拘而詢之。不得要領。朕不忍來使父母妻子之懸望。特

敕遣歸。未幾復至。却之復來。如是者五。朕觀高麗之於中國。自漢至今。其

君臣多不懷恩。惟挾詐構禍。爾中書其遣人詣問嗣王。與其政令何似。若

政令守前。則當令歲貢馬千疋。執政陪臣以半來朝。明年貢金百斤。銀萬

兩。良馬百疋。細布一萬。歲以為常。所留我遼東邊民。悉送至境上。乃見王

之嗣位信而政令行也。否則弑賊之為必有禍矣。名山藏王享記

十一年辛四年禍高麗遣執政大臣貢如約。不敢稱嗣王。曰：高麗國王世子禍。

且曰：嬖臣洪倫弑顥。仁人誅倫立禍也。上遣其執政大臣歸。敕諭之曰：汝

承奸臣之詐。以來誑我。則不得已。我今爾歸。其兼言朕意於首禍之人。曰：

殺中國無罪。使罪深矣。非爾朝貢如約。且不能免問罪之師。同上

十二年辛五年禍冬。禍遣李茂芳等來貢。以不如約却之。○葉旺留鎮遼東。會

高麗遣使致書及禮物。旺以聞。帝謂人臣無外交。此間牒之。漸勿輕信。彼

特示弱於我。以窺邊釁。還之使無所藉口。○為遼王植築城郭宮室。會高

麗自國中至鴨綠江。皆積粟。帝慮其有陰謀。而令輟役。並明史○庚申君遁

走沙漠之後。君臣事跡不得而詳。高麗間猶通使稱為北元。北元主奔應

昌。以洪武三年庚戌四月殂。國人追諡曰惠宗。即順宗也。其子嗣立。以

餘兵走和林。十年丁巳遣使至高麗。行宣光年號。國人不允。後二年案即洪武

十二年。又遣僉院甫非告紀年。天元。辛禍遣永寧君王彬往賀相傳。立十一

年而殂。北元諡為昭宗者也。曝書亭集

十三年辛六年辛高麗數遣邊臣金帛。復遣周誼入遼東計事。上敕守將都指揮使潘敬葉旺曰：吾故不令高麗朝，乃堅請與之約。又不如今。又使誼入我邊，亦深有機。自今無令彼人擅入。來者止之。首將無見有貢母得獻。召誼來吾處之。及誼至居之京師，曰：母使得以我宮人故，輒使來掩惡於我。

名山藏
王亭記

十七年辛十年辛六月。禍遣司僕正崔涓禮儀判書金進宜貢馬三千匹。且言金非地所產。願以馬代輸。餘皆如約。遼東守將唐勝宋為之請。帝許之。秋又遣使表請故王諡及嗣封。不許。明史

十八年辛一年辛十月。貢使至進馬五千匹。金五百斤。銀五萬兩。布五萬疋。上諭諸臣曰：朕即位以來，高麗王顯首先臣順。朕推誠待之。大要欲三韓之人舉安。豈意被弑而殞。其臣欲自掩惡。輒來請命。朕數不許。聽之自為。聲教而益勤不懈。索彼歲貢。豈富天下哉。試其誠偽耳。既聽命。宜約削之。令三年一朝。貢馬五十匹。至二十一年正朝。乃貢。乃賜顯諡曰恭愍王。名山

藏王 享記 ○七月封王禡為高麗國王。明史

十九年辛二年辛十 遣指揮詹事高家奴等以綺段布疋。市馬於高麗。每馬一匹給文綺二疋。布八疋。續文獻通考 ○收納高麗前元付鋪馬蒙古文字。頒降

雙馬四道。立字號。單馬二道。洪字號。起船二道。安字號。大明會典

二十年辛三年辛十 高家奴等市馬高麗。還言高麗王表請不受馬直。上不聽。諭禮部曰：朕待諸蕃國。務以誠信。彼前聽約束。許其互市。故遣人市馬。今彼言不敢受直。豈其本心。蓋畏勢而已。以勢逼人。朕所不為。爾其以朕意。咨其國王知之。仍令諭延安侯唐勝宗。俟其高麗馬至。擇其可用者。以直償之。鶩弱不堪者。量減其直。仍報其王知之。勅至遼東。適高麗送馬三千四十疋。至。勝宗如勅償其直。○初己亥之歲。遼陽瀋陽兵起。民因避亂。轉徙高麗。久未得還。及高家奴徐質等往市馬。而故元降將咬住等以為言。上乃令高家奴等就索之。至是高麗因送所市馬。遂以遼瀋流民柰朶里不反等戶四十五口三百五十八來歸。並兪州別集 ○七月高麗奏遼東文高

和定州皆其國舊壤。乞就鐵嶺屯守。禮部尙書李原名言數州皆入元版圖。屬於遼。高麗地以鴨綠江爲界。今鐵嶺已置衛。不宜復有陳請。十二月命戶部咨高麗王。鐵嶺北東西之地舊屬開元者遼東統之。鐵嶺南舊屬高麗者本國統之。名正疆界勿侵越。明史

二十一年辛禍四年四月。禍表言鐵嶺之地實其世守。乞仍舊便。帝曰高麗舊以鴨綠江爲界。今飾辭鐵嶺詐譌昭然。其以朕言諭之。毋生釁端。八月高麗千戶陳景來降。十月禍請遜位於其子昌。同上○吾學編李仁人切伯貢

二十二年恭讓元年王昌乞入朝不許。○武備志國相李仁人廢禍。○廢昌而立定昌國院君瑤。遣使來告。並同上○按恭讓王神宗七世孫

高麗王王顥被弑於洪武十六年。國相李仁人爲之也。主王弟禍權國事爲仁人所立。至十八年進馬五千匹。金五百斤。銀五萬兩。布五萬疋。許以二十一年正朝乃貢。明年復貢黑白布萬疋。馬千匹。二十二年權

署國事王昌請入朝。禍之子也。時父禍被囚。詔却之。無何復廢王昌而

立定國君王瑤。二十四年市馬一萬。索闈豎二百人。史乘○按高麗

辰元順帝至正十三年至十七年戊申皇明太祖皇帝即位後又六年甲寅爲宦者崔萬生幸臣洪倫等所弑。即洪武七年而兪州謂洪武十年

六年者誤矣。恭愍王被弑後李仁人立辛禍而誤作辛顥。且禍本辛肫

妾般若之出而恭愍王稱爲己子。則兪州以爲王弟顥者尤爲謬甚。

二十四年恭讓三年王詔於高麗市馬一萬匹。八月權國事王瑤遣判繕工寺楊天植等進所市馬一千五百匹至遼東。奏云今奉綸音。敢不竭力。但比年所產之馬。軀幹短小。懼無以副命。然禦倭致遠。負重耐寒。小邦賴之。敢先以獻。其餘以次奉進。十一月遣其臣金之鐸等送互市馬二千五百匹至遼東。上命定遼衛指揮僉事張忠送廣寧中護等衛牧養。兪州別集○十二月瑤遣其子爽來朝貢。明史

二十五年恭讓四年王高麗國知密直司趙胖等持其國都評議司奏言。本國自恭愍王薨。逝無子。權臣李仁人以辛盹子禍主國。昏暴喜殺。至欲侵犯遼東。大將李祖初諱我太祖以爲不可回軍。禍懼遜位子昌。國人不順。啓請恭愍

王妃安氏。權立王瑤。亦復昏迷聽讒。其子奭復痴騃。縱酒色。與禍黨玄禹寶等潛謀復禍位。守門下侍中鄭夢周以攻遼東之謀為我祖諱所阻。譖于王瑤欲害之。國人以社稷生靈為慮。謂瑤不足以治民。以恭愍王妃安氏命退瑤私第。與國人耆老共推門下侍郎李我祖初諱太主國事。以聞。仍易名我祖諱太改國號為朝鮮。上皆從之。史乘攷誤

海東釋史卷第十五終

海東釋史卷第十六

世紀十六

諸小國按東史羅麗之際小小屬國不可勝記而今只取見於中國書者合為諸國記以附末焉加羅

按加羅即駕洛國也。南齊書加羅國王荷知。東史作駕洛國王銓知。蓋加駕字之變也。羅洛音之轉也。加羅東史又稱伽倻。三國史云伽倻一名伽耶伽倻即魏志所謂狗耶。東語狗謂之加。故伽倻之轉為狗耶。華史稱加羅狗耶。東史稱駕洛伽倻。其實一也。駕洛國始祖金首露。以漢光武建武十八年開國。都於金海府。其弟五人各為五伽倻主。其後六伽倻並為新羅所並。

弁辰十二國。有弁辰狗耶國。三國志○吾學編日本有附庸百餘國狗耶故云屬國然

加羅國三韓種也。建元元年。國王荷知使來獻。詔曰。量廣始登。遠夷洽和。加羅王荷知。歎關海外。奉贄東遐。可授輔國將軍。本國王。南齊書

隋煬帝大業三年四月壬戌。迦羅按齊書國遣使來貢。北史

按東史。駕洛國自首露王。至王仇亥。新羅法興王十九年來降。凡十王。四百九十一年。

任那。按任那或作壬羅。今未詳。其地界蓋弁韓之地。而新羅與國也。日本記以任那為加羅之別稱。而宋書倭王武自稱都督新羅任那加羅諸軍事。則任那與加羅當是二國。而即六加耶之一。

百濟征高麗。人不堪戎役。相率歸新羅。新羅遂至強盛。因襲加羅任那諸國滅之。通典○宋書太祖元嘉中。倭王珍立。自稱使持節都督百濟新羅八年。加倭王武自稱都督倭新羅任那加羅秦韓六國諸軍事。順帝昇明二年。倭王武自稱都督倭百濟新羅任那加羅秦韓六國諸軍事。安東大將軍。遣使表詔除正使。

耽羅

鎮書謹案。耽羅海島國也。後魏書稱涉羅。隋書稱舩牟羅。唐書稱儋羅。又稱耽浮羅。毛羅皆一也。東國方言。島謂之剡。國謂之羅羅。耽涉儋三音。並與剡相類。蓋云島國也。古記所稱初泊耽津。朝新羅。故曰耽羅者。即附會之說也。自百濟文周王時事百濟。百濟亡。復事新羅。至高麗肅宗十年。降為郡。今之濟州也。

耽羅林邑之南邊海小國也。冊府元龜○韓昌黎集海外諸國。若耽浮羅流求之屬。東南際天也。

耽羅亦曰舩牟羅。其國在百濟南海中。古初無人物。有三神人從地湧出。長曰良乙那。次曰高乙那。三曰夫乙那。一日三人出獵海濱。得石函。開之。有三女及諸駒犢五穀種。遂分娶三女。各取泉甘土肥處。卜居焉。良乙那居曰第一都。高乙那居曰第二都。夫乙那居曰第三都。始播五穀。且牧駒犢。日就富庶。當宋元徽四年。始遣方物于百濟國。日本紀○此後魏正始中。世祖引見高句麗使芮悉弗。悉弗白黃金出自夫餘。珂則涉

羅所產。今夫餘爲勿吉所逐。涉羅爲百濟所並。後魏書

百濟南海行三月。有舳舻羅國。南北千餘里。東西數百里。土多麋鹿。附庸於百濟。隋書○又云煬帝大業四年遣文林郎裴世清使倭國度百濟行至竹島南望耽羅國迥在大海中

唐高宗龍朔初。有僭羅者。其王儒李都羅遣使入朝。國居新羅武州南島上。俗朴陋。衣犬豕皮。夏居革屋。冬窟室。地生五穀。耕不知用牛。以鐵齒杷土。初附百濟。麟德中酋長來朝。從帝至太山。後附新羅。新唐書

嘉佑中蘇州崑山縣上海有一船風飄抵岸。船中有人衣冠如唐人。語言

不可曉。試令書字亦不可讀。自出一書示人。乃唐天佑。按天佑事文類聚

也文獻備考因此指爲高麗太祖年號者誤也中告授屯羅島。按屯羅毛羅之誤首領陪戎副尉。又有一

書。乃是上高麗表。亦稱屯羅島皆用漢字。蓋東夷之臣屬高麗者。夢溪筆談○詳

見交聘志漂流條

耽羅高麗與國也。世祖既臣服高麗。以耽羅爲南宋日本要衝。亦注意焉。

元史○謹案元時耽羅已竝於高麗紀元史所載耽羅事實竝編於高麗紀

馬韓之西海島上有州胡國。其人短小。髡頭衣韋。衣有上無下。好養牛豕。乘船往來貨市韓中。後漢書○按州胡國疑是耽羅而無明證故附於末焉

秦封

按秦封國舊都在今鐵原府。其王弓裔姓金氏。通鑑及南唐書秦封作太封弓裔作躬又

新羅憲安王庶子也。以其聖主五年辛亥。投北原賊梁吉。推爲將軍。

遂據松岳郡開國。國號摩震。建元武泰。移都鐵原之楓川原。改元聖

冊。又改國號秦封。改元水德萬歲。後又改元政開。起唐昭宗大順二

年辛亥。至後梁末帝貞明四年戊寅。爲高麗太祖所滅。凡二十八年。

後梁均王貞明五年。初唐滅高麗。天佑初高麗石窟寺眇僧躬又。聚衆據

開州稱王。胡三省曰眇僧謂之眇目者此開州高麗所置在平壤之東號今高麗以爲國都謂之開城府亦曰蜀莫郡其地在溪右山

大封國。至是遣佐良尉金立奇入貢于吳。資治通鑑○貞明三年。市有異人。賣

古鏡。有文曰三水中四維下。上帝降子於辰馬。先操鷄後搏鴨。巳年中二

龍見。一則藏身青木中。一則見形黑金東。文人宋含弘解之曰。三水中四

維下。上帝降子于辰馬者。辰韓馬韓也。巳年中二龍見。一則藏身青木中。一則見形黑金東。青木松也。謂松岳都。人以龍為名者之子孫。可為君王也。黑金鐵也。指鐵圓也。謂今王初盛於此。殆終滅於此乎。先操鷄後搏鴨者。王侍中得國後。先得鷄林後收鴨淥之意也。弓裔令物色求異人。東州勃颯寺有鎮星塑像。如其狀。全唐詩

龍德二年大封王躬父。性殘忍。海軍統帥王建殺之。自立復稱高麗王。資治通鑑
○南唐書高麗至五代初國名曰大封其王名躬父躬父晚年果於誅殺吳順義二年當梁之龍德二年為海軍統帥王建所殺建自立去大封之名復稱高麗○按弓裔以貞明四年戊寅已死通鑑五年遣使及龍德二年為王建所殺者與東史相左

後百濟

按後百濟國都完山。今全州府也。甄萱尙州加恩縣人。本姓李。父阿慈介以農自活。起家為將軍。萱自改姓甄。形貌雄壯。志氣倜儻。仕新羅為海防將。時女主昏淫。群盜蜂起。萱因嘯聚亡命。劫掠州縣。眾至五六千人。至完山遂立為王。稱百濟。即唐昭宗光化三年。新羅孝恭

王四年也。後為子神劍所幽。逃奔高麗。憂憤而死。起唐昭宗景福元年壬子。至後晉高祖元福元年丙申滅。共四十五年。

後唐廢帝清泰三年正月乙未。百濟遣使者來。五代史

按元史世祖至元四年正月乙巳。百濟遣其臣梁浩來朝。賜以錦繡有差。元時無百濟之稱。而此云來貢未詳。姑俟更攷。

休忍國

休忍國在新羅東。亦三韓之屬。東晉時服屬於燕。苻秦滅燕。遂屬秦。及苻洛以龍城叛。徵兵於鮮卑。烏桓高句驪百濟新羅休忍諸國。其後並於百濟。太清一統志○通鑑晉孝武帝太元五年秦江北將軍幽州刺史唐濟公洛自稱秦王分遣使者徵兵於鮮卑烏桓高句驪百濟新羅休忍諸國皆曰吾為天子守藩不能從行唐公為逆○按休忍國今未詳其地界

沸流國

鎮書謹按句麗史東明王二年。沸流國王松讓以其國來降。太武王四年王伐夫餘。次沸流水上。此時句麗所都在鴨江之北。夫餘今之

開原縣也。以此推之，沸流水明在鴨綠以外者也。遼志以遼正州今山府隔江地，當之是矣。而謂國併於公孫康則誤也。輿地勝覽以成川府指為沸流國甚非。

遼州鴨綠軍正州本沸流王故地。國為公孫康所併。渤海置沸流郡。有沸

流水。遼史

定安國

按定安國雖本馬韓之種。而其立國始末地界所在。無從而攷。見於東史者惟高麗顯宗九年定安國人骨須來奔而已。宋初女真朝宋之路汎海由沙門島。而路過本國。托使付表。其表云高麗舊壤。渤海遺黎。又云夫餘府背契丹而歸本國。夫餘府者今開原縣也。以此推之。當在今興京鳳凰城等處而未可詳。

定安國本馬韓之種。為契丹所攻破。其酋帥糾合餘衆。保於西鄙。建國改元。自號定安國。宋太祖開寶三年。其國王烈萬華因女真遣使入朝。乃附

表貢獻方物。太平興國中太宗方經營遠略。討擊胡虜。因降詔其國。令張猗角之勢。其國亦怨寇讐。侵侮不已。聞中國方用兵北討。欲依王師以據宿忿。得詔大喜。六年冬會女真遣使朝貢。路由本國。其王烏玄明乃托其使附表來上。表見藝文上答以詔書。令其發兵協力同伐契丹。以詔附女真使令齎以賜之。端拱二年其王子因女真使附獻馬雕羽鳴鏑。淳化二年其王子大元因女真使上表。其後不復至。宋史

海東釋史卷第十六 終

海東釋史卷第十七

星曆志

星野

蒼龍七宿。有尾有箕。氏胃房腹箕。所冀也。箕四星。玄菟應之。經星

劉向言地分。燕地尾箕分野也。自危四度至斗六度。謂之析木之次。燕之

分也。得漁陽右北平遼東遼西等地。樂浪玄菟亦宜屬焉。漢書

魏太史令陳卓曰。自尾十度至南斗十一度。為析木於辰在寅。燕之分野。

按費直謂起尾九遼東遼西入尾十度。渤海入箕一度。樂浪入箕三度。玄

菟入箕六度。○箕四星主貊夷。天漢起東方經尾箕之間。謂之漢津。并晉書

一行謂天下山河之象。存乎南北兩戎。推雲漢之所終始。而言曰尾箕析

木之次也。寅初起尾七度。二千七百五十一少中箕五度。三百七十終斗八度。

其分野自渤海九河之北。盡漁陽右北平遼西遼東樂浪玄菟。古之北燕

孤竹無終及東方九夷之國。皆析木之分也。得雲漢之末流。北紀之所窮

也。箕與南斗相近。故其分野在吳越之東。舊唐書○〔新唐書〕析木為雲漢

河末派窮北紀之曲東北負海為析木負海者以其雲漢之陰也。箕與南斗相近得遼水之陽。盡朝鮮三韓之地。

尾三度至斗二度。析木之次也。永平府尾分。灤州尾箕分。遼東指揮司尾

箕分。朝鮮箕分。大明清類分野之書

朝鮮於分野為箕星。在析津之次。清一統志

按磻溪隨錄。我國雖屬尾箕。與燕分同。而其南又得吳越之分。蓋斗

八度。已與尾箕同入析木之次。而舊唐天文志云。箕與南斗相近。故

其分野在吳越之東。又貞觀十九年。月掩南斗。占者曰箕斗間漢津

高麗地。則我國之兼入斗分。審矣。今忠清以上諸道。皆為尾箕分。湖

嶺兩南。則當為箕斗分是也。

青丘七黑星。在軫東南。主東方三韓之國。天文類抄

狗國四星。在建星東南。主三韓沃沮之屬。宋兩朝天文志○〔天下山河兩

西北星去極一百二十度入斗宿十八度甘氏讚曰狗國鮮卑烏桓沃沮按
狗國入南斗極十八度斗牛在東南則此所主者亦東南烏夷蠻貊之人也

測候 濊善曉候星宿。豫知年歲豐約。後漢書

凡測月食始日甲乙。海外日月不占。一日甲齊乙東夷。壬燕趙癸北夷。漢書

玉衡第八星主幽州。常以五寅日候之。甲寅爲玄菟。丙寅爲遼東。後漢書

赤道度周天三百六十五度四分一。東方七十五度。尾十八三進箕十一三退

黃道度三百六十五度四分一。東方七十七度。尾十八上箕十上

唐開元十八年。新著黃道游儀規成。太史所測二十八宿。與經同異。狀尾

九星十八度。舊去極一百二十度。今一百二十四度。箕四星十一度。舊去

極一百一十八度。今一百二十度。舊唐書

漢永元銅儀。尾十八度。開元游儀。景祐測驗。同永元銅儀。箕十度。景祐測

驗。同開元游儀十一度。宋史

尾。漢太初曆洛下閎所測十八度。宋皇祐所測十九度。崇寧所測十九度。

少元授時曆。郭守敬所測十九度十分。箕。太初曆十一度。皇祐所測十度。

元豐所測十一度。崇寧所測十度半。授時曆所測十度四十分。古今律曆考

按尾箕黃赤道。歷代推測互相參差。唐長慶宣明曆。赤道度尾十八。

箕十一。與漢志同。黃道度尾十七。箕十少。又與漢志有差。周顯德欽

天曆。與宣明曆同。至皇明崇禎元年所測二十八宿。黃赤道分皆不

合於古。本朝 英宗甲子新測黃道宿度。天度三百六十尾十五度分十一

十三箕八度。五十四分五十五秒赤道宿度尾十八度。四十八分十五秒箕十度。四十七分二

高麗使郭元言。高麗氣候少寒暑差多。宋史

元世祖至元十六年。因郭守敬言。遂設監候官二十四員。分道而出四海

測驗。凡二十七所。東至高麗。○高麗北極。出地三十八度少。并元史

朝鮮北極高三十七度三十九分。大明清類分野之書

按北極居其所不移。而衆星之推遷。視此爲準。其出地有高下者。因人所居之地。南北不同也。故節候進退晝夜短永。亦隨而各異焉。歷

代測驗。或有一處而互差者。此由於步尺之不同也。我國尺度不真。苟無儀象之器。真的推驗。則難以里差比例定之也。至元授時曆。定高麗極高三十八度。本朝世宗朝。命鄭招等造木簡儀。測定漢陽北極出地三十八度少。與元時所測合。又遣監候官尹士雄崔天衢李茂林。往測于摩尼白頭漢挈諸山。而其所測度數不傳。至肅廟癸巳。清人穆克登率五官司曆。來測定漢陽極高三十七度三十九分一十五秒。今以西度三百六十約之。為三十七度四十一分有奇。與新測所差不多。又由漢陽南至海南縣幾千里。而以鳥道推之。則北極比漢陽當低二三度。由漢陽北至三水府幾二千里。而以鳥道推之。則北極比漢陽當高四五度。其晝夜時刻亦當以漢陽為正。隨北極高低而加減也。

曆

百濟解陰陽五行。用宋元嘉曆。以建寅月為歲首。後周書

按甲子會紀。宋文帝元嘉二十二年乙酉春正月朔。始行何承天所撰元嘉新曆。頒于諸國。元嘉乙酉。即百濟毗有王十九年。

唐高祖武德七年二月丁未。高麗王建武遣使來請頒曆。資治通鑑

按唐書。高祖武德二年己卯。道士傅仁均上戊寅曆。至高宗麟德二年乙丑。始頒用李淳風所撰麟德曆。則七年所頒當是戊寅曆也。武德七年甲申。即高麗榮留王七年。

又按三國史。新羅自國初雖用曆。而法不傳。至文武王十四年春正月。用新曆。時大柰麻德福入唐宿衛。學曆術而還。遂用其法。文武王十四年。即唐高宗上元二年甲戌。李淳風麟德曆。前此九年唐已頒用。則德福所傳。是麟德曆法也。

宋真宗大中祥符九年。高麗使郭元還。賜其王曆日。宋史

按元史曆志。宋真宗咸平四年辛丑。史序造儀天曆。頒用。則郭元所傳當是儀天曆也。又高麗史。顯宗十三年夏四月丙子。韓祚還自宋。

帝賜乾興曆

高麗王臘日依大宋曆法。用戌日。又忠烈王時。嘗以春秋中月遠戌日爲社。和漢三才圖會

宋元豐元年十二月。詔司天監。攷遼及高麗日本國曆。與奉元曆同異。高麗戊午年朔。與奉元曆合氣有不同。戊午遼太康四年。遼史

按奉元曆。神宗熙寧七年甲寅。衛朴造。遼太康四年。即宋元豐元年。高麗文宗三十二年。

高麗所志。大遼古今錄。稱統和十二年。始改曆。頒正朔。同上

按遼本紀。統和十二年。可汗州刺史賈俊。進新曆。即大明曆也。

高麗所進大遼事蹟。載諸王冊文。頗見月朔。因附入聖宗統和十三年十一月朔。高麗癸卯。太平三年正月朔。高麗丙寅。興宗重熙十二年八月朔。高麗乙未。十八年正月朔。高麗甲午。道宗清寧三年正月朔。高麗戊寅。咸雍元年正月朔。高麗辛酉。太康十年正月朔。高麗辛丑。

大安元年十一月朔。高麗辛卯。天祚乾統八年三月朔。高麗辛亥。太宗會同十年七月。高麗閏。聖宗統和九年二月。高麗閏。十一年十月。高麗閏。太宗十一年九月。高麗閏。興宗重熙八年十二月。高麗閏。十七年正月。高麗閏。十九年十一月。高麗閏。太安四年十二月。高麗閏。同上

金天會十四年。按熙宗即位未改元正月癸酉。頒曆于高麗。金史

按金史歷志。天會五年丁未。司天楊紱。始造大明曆。十五年春正月朔。始頒行之。則十四年所頒於高麗者。當是大明曆。

高麗國有九執曆。其法天左旋。日月亦左旋。一晝夜以日之明晦。爲節日之行。三百六十五度四分日之一。則比天之旋。少一周。逐日所不及天之運。以二十八宿計之。分爲度數。蓋二十八宿。乃經星附天而行。凝然不動。可從而紀其度數。亦猶量地之里云。若千里州郡有定所。人莫不知。故借之以爲限節也。游官記聞

按九執曆。或作几執曆。本出于西域。唐開元六年。命太史監瞿曇悉達譯之。明史斥其法最踈。未知何時流傳入高麗也。又高麗史世家。文宗六年。命太史金宗澤撰十精曆。李仁顯撰七曜曆。韓爲行撰見行曆。梁元虎撰遁甲曆。金正撰太一曆。雖未詳其法。疑如今千歲曆七政曆之類也。

元世祖中統三年春正月庚午。賜高麗國曆。十月又詔賜中統四年曆。○四年十一月。賜中統五年曆。○至元元年十一月乙丑。以至元二年曆日賜國王。○二年十二月丁丑。詔賜至元三年曆日。○三年十二月。詔賜至元四年曆日。○五年正月庚戌。賜新曆。○六年春正月。賜高麗使曆日。○七年閏十一月丁卯朔。世子愷還。賜其王至元八年曆。○八年冬十月己未。賜至元九年曆。○九年十一月乙丑朔。賜至元十年曆。○十三年十二月。賜至元十四年曆日。○十四年十二月。賜至元十五年曆日。○十五年十二月。賜至元十六年曆日。○十六年十月甲辰。賜至元十七年曆日。元竝

史

按元史。至元四年。西域人札麻魯丁進萬年曆。則五年所賜新曆。是萬年曆也。又高麗史世家。忠烈王七年春正月戊戌朔。元遣王通等。頒新成授時曆。乃許衡郭守敬等所撰也。高麗自太祖時。承用唐徐昂之宣明曆。至是頒授時曆。而猶未及用。至忠宣王時。始傳其法行之。又日本紀。清和天皇時。渤海國人馬孝慎。來呈宣明曆。頒行云。則宣明曆。渤海高麗同用。而不改耳。

明太祖洪武初。賜高麗王顓大統曆一本。奔州別集

按明史。太祖爲吳王三年丁未。頒戊申曆。至洪武十七年甲子。漏刻博士元統。造大統曆。以洪武甲子爲元。始頒行天下。高麗史世家。恭愍王十九年五月。帝遣僕斯。賜大統曆一本。又成準得還。詔賜洪武三年大統曆。恭愍王十九年。乃洪武三年庚戌。則僕斯所頒。乃戊申曆。非元統所撰大統曆也。

高麗史。高麗不別治曆。承用唐宣明曆。自長慶壬寅。下距太祖開國。殆逾百年。其術已差。前此唐已改曆矣。自是曆凡二十二改。而高麗猶馴用之。至忠宣王改用元授時曆。而開方之術不傳。故交食一節。尙循宣明舊術。虧時加食。不合於天。終麗之世。莫能改也。

明凡頒曆之制。如琉球占城等外國。正統以前。俱因朝貢。每回給與王曆一本。民曆十本。今常給者。惟朝鮮國王曆一本。民曆一百本。大明會典成祖永樂元年冬十一月乙亥朔。頒大統曆於朝鮮國。著爲令。明史

按高麗時。崔誠之從忠宣王入元。得授時曆法以還。推步遵用。然日月交食五星行度。猶不知郭守敬美術。本朝開國受洪武正朔。遵用大統曆而曆法仍授時。世宗十五年癸丑。命鄭麟趾鄭招鄭欽之等。撰七政算內外篇。取皇明大統通軌。畧加鑿括。合爲內篇。仍授時。以至元十八年辛巳爲元。又得回回曆法。命李純之金淡等。考校爲外篇。不用閏月。仁祖二十二年甲申。觀象監提調金堉。請用西

洋人湯若望時憲曆。至孝宗四年癸巳。始用其法行曆。然五星算法。猶未得來。肅宗三十四年戊子。遣推算官許遠入燕。購七政表于欽天監以還。始用時憲曆五星法。英宗元年甲辰。改用新修時憲七政法。日月交食。從西人噶西尼法。五星則仍梅穀成法。蓋自崇禎初始用時憲曆。行於中國。至今遵用其法極精。

徵應附五行

漢武帝元封中。星孛于河戍。占曰南戍爲越門。北戍爲胡門。其後漢兵擊拔朝鮮。以爲樂浪玄菟郡。朝鮮在海中越之象也。居北方胡之域也。○史記朝鮮之拔星第于河戍。○昭帝元鳳五年四月。燭星見奎婁間。占曰有土功。其六年正月。築遼東玄菟城。竝漢書

和帝元興元年四月辛亥。有流星起斗。東北行到須女。七月己巳。有流星起天市五丈所。光色赤。閏月辛亥。水金俱在氏。須女燕地。天市爲外軍。水金會爲兵誅。其年遼東貊人反。鈔六縣。發漁陽上谷右北平遼西烏桓。討

之。後漢書

隋煬帝大業三年三月辛亥。長星見西方竟天。又干角亢。頻掃太微帝座。千犯列宿經歲乃滅。占曰去穢布新。天所以去無道建有德。見久者災深。星大者事大。行遲者期遠。兵大起國大亂。其後討高麗。兵戎歲駕略無寧息。隋書

唐太宗貞觀十八年五月。太白辰星合於東井。占曰有兵謀。明年六月丙辰。太宗征高麗。次安市城。○十九年二月。月掩南斗。太白入太微。占曰箕斗間漢津。高麗地。○七月高麗僭薩延壽惠真。來援安市。太宗將攻之。是夜流星墮延壽營。明日延壽等率眾降。并新唐書

高宗總章元年夏四月丙辰。慧星見於五車。太子少師許敬宗曰高麗一隅。上阻王命。天軍問罪殄滅有期。謫見東北當其分野。上立星象見彼咎徵。臣等不勝慶悅。帝曰天道既遠非人所測。我為萬國主。豈可推過於小蕃哉。冊府元龜

遼太宗天顯元年春正月己未。白氣貫日。庚申拔渤海扶餘城。遼史

金大定中。世宗問紇石烈良弼曰。每朝暮日色皆赤何也。良弼對曰。朝而色赤應。在東。高麗當之。暮而色赤應。在西。夏國當之。願陛下修德以應天。則災變自弭矣。既而夏國有任德敬之亂。高麗有趙位寵之亂。其言皆應。

續文獻通考

漢武帝元封六年秋蝗。先是兩將軍征朝鮮開三郡。漢書○此下五行

晉武帝太始二年正月己亥。白虎見遼東樂浪。晉書

咸寧二年五月戊子。甘露降玄菟郡治。○惠帝元康二年九月。帶方含資提奚南新長岑海冥列口。蟲食禾葉蕩盡。並宋書

金太祖使韓帶伐高麗。為具於毬場以待。有二驍渡水而獲之。太祖曰。此休徵也。言未既捷書至。金史

元世祖至元九年六月。高麗旱。○十三年十二月。高麗潘州大水。並元史

海東釋史卷第十七 終

海東釋史卷第十八

禮志一

祭禮

祀天日星社稷山川

高句驪祠社稷零星。以十月祭天大會。名曰東盟。後漢書○〔梁書〕高句驪

麗史故國壤王九年三月立國社而祭之

高麗祀零星及日。新唐書○謹按即高句驪也

濊常用十月祭天。後漢書

夫餘以臘月按魏志正月祭天。同上

夫餘有軍事亦祭天。殺牛觀蹄以占吉凶。蹄解者為凶。合者為吉。三國志

百濟其王以四仲之月祭天及五帝之神。後周書

高麗歲常以建子月。率官屬具儀物祭天。宋史

明洪武二年。以天下山川附祭嶽瀆壇。帝又以高麗臣附。其國內山川。宜與中國同祭。諭中書及禮官考之。高麗之山三其水四。命著祀典。設位以祭。三年遣使往高麗。祀其國內山川。帝齊戒親為祝文。仍遣官頒革正山川神號。詔於高麗。八年禮部尚書牛諒言。京都既罷祭天下山川。其外國山川亦非天子所當親祀。中書及禮臣請附祭。各省從之。遼東附祭。高麗京城不復祭。又從禮官言。各省山川居中南向。外國山川東西向。同壇共祀。明史

廟祭

檀君後入九月山。不知所終。國人世立廟祀之者。以其初開國也。今廟在

箕子祠東。有木主。題曰朝鮮始祖檀君位。朝鮮賦注

箕子祠在平壤西北三里。有叅奉二人。世守祭祀。即箕子裔。清一統志

高麗有神廟二所。一曰夫餘神。刻木作婦人之象。一曰登高神云。是其始

祖。夫餘神之子。竝置官司遣人守護。蓋河伯女與朱蒙云。後周書○謹接即高句驪也

遼東城有朱蒙祠。祠有鎖甲鉞矛。言前燕世天所降。貞觀中。城圍急。飾美女以婦神。巫言朱蒙悅。城必完。新唐書〇〔冊〕府元龜後魏宣武帝永平三年十二月詔於青州立高麗王廟

百濟立其始祖仇台廟於國城。歲四祀之。隋書〇按仇台或作優台。蓋仇而此云仇台者以仇台又為溫祚始祖故也。

高麗祖廟在國東門之外。惟王初襲封與三歲一大祭。則具車服冕圭親祠之。其餘則分遣官屬。歲朝月朔春秋重午。皆享祖禰。高麗圖經〇按麗史太廟在崇仁門外。崇仁即東門。圖經所云是也。

高麗史。先王諱辰。真殿酌獻儀。其日質明。禮司奏初嚴。所司陳仗衛於殿庭。內外如常儀。樞密以下左右侍臣。就大觀殿庭。文武百僚就泰定門外。立班以俟。侍中詣宣仁殿門。版奏外辦。禮司奏二嚴。王出御大觀殿。鳴鞭。內外仗衛大喝再拜。舍人喝。樞密以下左右侍臣再拜。次閣門員引宰臣就拜位。舍人喝。宰臣再拜西出。黃門侍郎就庭中俛伏跪。奏

請動駕。奏訖。俛伏興。退復位。王降殿升輦。出利賓門外。禮司奏三嚴。出泰定門。黃門侍郎出就輦前。俛伏跪。奏請駐輦。俛伏興。舍人喝。文武百官再拜。次黃門侍郎復就輦前。俛伏跪。奏請勅侍臣百僚上馬。侍中傳宣曰。可。黃門侍郎俛伏興。傳侍臣員將文武兩班宣許上馬。傳訖。舍人喝。樞密以下侍臣及近臣百僚應騎馬者。俱再拜訖。黃門侍郎復出。俛伏跪。奏請動駕。俛伏興。退復位。鳴鞭。侍臣前導出昇平門。前後導從應騎者皆乘馬。駕至真殿門外。降輦入幄次。殿內酌獻。並與然燈小會。駕幸儀同。酌獻時。宰臣以下文武百僚。皆著皂鞋。成宗八年十二月教。太祖及王考戴宗。王妣宣義王后忌日。禁屠殺。斷肉膳。靖宗三年七月壬戌。以王妣元成太后諱辰。百官就乾德殿。上表陳慰。諱辰陳慰始此。自後考妣諱辰。宰臣進表。三品以上黑帶假紅。以下犀帶陳慰如儀。文宗三十一年五月甲戌。王以顯考忌。服素襪。避正殿。令中外斷音樂。禁弋獵。終月。恭讓王三年正月辛丑。禮曹啓曰。安慶公涓。以元王母弟篡立。

元朝遣使奉元王復位。則涓不當稱為英宗。亦不當載諸祀典。今遇忌日。致祭有乖大義。請罷之。且忠肅王妃洪氏。乃忠惠王恭愍之母后。忠惠王妃尹氏。乃忠定王之后。以正統君王有後之妃。迄今不祀。實為闕典。乞兩妃忌日。及真殿祭享。悉倣近代先后禮。從之。續禮通考

士庶廟祭

夫餘祭亡者。有生無熟。魏畧

高麗使郭元言本國俗。每正月一日五月五日。祭祖禰廟。宋史

高麗史。恭讓王三年五月庚子。教近設家廟。既令六品以上祭二代。自

今許行曾祖考妣忌日之祭。續禮通考

朝鮮祭則皆立家廟。大夫乃祭三代。士庶則止祖考。此皆自箕子而流其風韻。而亦視中國為之則倣也。朝鮮賦

雜祀

馬韓常以五月下種訖。祭鬼神。羣聚謠舞。十月農功畢。亦復如之。信鬼神。

國邑各立一人主祭天神。名之天君。又諸國各有別邑。名之為蘇塗。立大木懸鈴鼓。事鬼神。諸逃亡至其中。皆不還之。其立蘇塗之義。有似浮屠。而所行善惡有異。三國志

濊祠虎。以為神。同上

高句麗其俗。於所居之左右。立大屋祭鬼神。按後漢書其國東有大

穴。名隧穴。十月國中大會迎隧神。還於國東上祭之。置木隧於神坐。同上

唐書高麗國左有隧穴。每十月王自祭。按久庵地理志。隧穴疑即寧遠石龍窟是也。

高麗多淫祠。箕子可汗等神。新唐書按後周書尤好淫祠。謹按即高句麗也。

新羅好祠山神。同上

高麗用二月十五日。燃燈祠天神。覽牖間評

高麗國東有穴。號歲神。常以十月望日迎祭。謂之八關齋。禮儀甚盛。王與妃嬪登樓大張樂宴飲。賈人曳羅為幕。至百匹相聯。以示富。宋史

按歲神之祭。似因於高句麗迎祭隧神之俗。而八關齋。則新羅真興